

ԹԱԳԱԻՈՐՆԵՐՈՒՆ Դ. ԳԻՐՅԵԼ

ԹԱԳԱԻՈՐՆԵՐՈՒՆ ԶՈՐՐՈՐԴ ԳԻՐՅԵԼ

1

Աքաարի մեռնելէն ետք՝ Մովաք հսրայէլի դէմ ապստամբեցաւ:

2 Ոքոզիա Սամարիայի մէջ՝ իր վերնատան վաճակապատէն վար ինկաւ, ու հիւանդացաւ: Ուստի պատգամաւորներ դրկեց՝ անոնց ըսելով. «Գացէ՛ք, Ակկարոնի Բահաղ-Ճանճիկ աստուծոյն խորհուրդ հարցուցէք, որ գիտնամ թէ արդեօք այս հիւանդութենէն պիտի առողջանամ»: **3** ^բՏէրոց հրեշտակը թեզբացի եղիայի ըսաւ. «Կանգնէ՛, բարձրացի՛ր Սամարիայի թագաւորին պատգամաւորները դիմաւորելու, եւ ըսէ՛ անոնց. «Միթէ հսրայէլի մէջ Աստուած չկա՞յ, որ դուք Ակկարոնի Բահաղ-Ճանճիկ աստուծոյն խորհուրդ հարցնելու կ'երթաք»: **4** Ուստի Տէրը սա՛ կը յայտարարէ. «Պիտի չիշնես այն մահիճէն՝ որուն վրայ ելար, հապա անշուշտ պիտի մեռնիս»: Եղիա ալ գնաց:

5 Երբ պատգամաւորները **Ոքոզիայի** վերադարձան, անոնց ըսաւ. «Ինչո՞ւ վերադարձաք»: **6** Իրեն պատասխանեցին. «Մարդ մը բարձրացաւ՝ մեզ դիմաւորելու, եւ մեզի ըսաւ. «Գացէ՛ք, վերադարձէ՛ք ձեզ դրկող թագաւորին, ու ըսէ՛ք անոր. «Տէրը սա՛ կը յայտարարէ. «Միթէ հսրայէլի մէջ Աստուած չկա՞յ, որ Ակկարոնի Բահաղ-Ճանճիկ աստուծոյն խորհուրդ հարցնելու կը դրկես: Ուստի պիտի չիշնես այն մահիճէն՝ որուն վրայ ելար, հապա անշուշտ պիտի մեռնիս»»: **7** Ինք ալ անոնց ըսաւ. «Ի՞նչ տեսակ մարդ էր **աՅ**՝ որ բարձրացաւ ձեզ դիմաւորելու, եւ այս խօսքերը ձեզի ըսաւ»: **8** Իրեն պատասխանեցին. «Ան մազոտ մարդ մըն էր, ու մէջքը կաշիէ գօտի մը կապած էր»: **Թագաւորը** ըսաւ. «Ան թեզբացի եղիան է»:

9 **Ոքոզիա** անոր յիսնապետ մը դրկեց՝ իր յիսուն **մարդով**: Ան եղիայի քով բարձրացաւ. **Եղիա** լերան գագաթը նստած էր: **Յիսնապետը** անոր ըսաւ. «**Ո՛վ** Աստուծոյ մարդ, թագաւորը կ'ըսէ. «Իջի՛ր»»: **10** Եղիա յիսնապետին պատասխանեց. «Եթէ ես Աստուծոյ մարդն եմ, երկինքէն կրակ թող իջնէ, եւ քեզ ու քու յիսուն **մարդու** սպառէ»: Երկինքէն կրակ իջաւ, եւ զայն ու անոր յիսուն **մարդը** սպառեց:

11 Դարձեալ անոր ուրիշ յիսնապետ մը դրկեց՝ իր յիսուն **մարդով**: Ան ալ խօսեցաւ եւ անոր ըսաւ. «**Ո՛վ** Աստուծոյ մարդ, թագաւորը սա՛ կ'ըսէ. «Շուտո՞վ իջիր»»: **12** Եղիա անոնց պատասխանեց. «Եթէ ես Աստուծոյ մարդն եմ, երկինքէն կրակ թող իջնէ, եւ քեզ ու քու յիսուն **մարդու** սպառէ»: Երկինքէն Աստուծոյ կրակը իջաւ, եւ զայն ու անոր յիսուն **մարդը** սպառեց:

13 Դարձեալ երրորդ յիսնապետ մը դրկեց՝ իր յիսուն **մարդով**: Այդ երրորդ յիսնապետը բարձրացաւ, եկաւ ու եղիայի առջեւ ծնրադրեց, եւ անոր աղաշելով ըսաւ. «**Ո՛վ** Աստուծոյ մարդ, իմ անձն ու այս յիսուն ծառաներուդ անձերը քու աչքերուդ պատուական թող ըլլան: **14** Ահա՛ երկինքէն կրակ իջաւ, եւ առաջին երկու յիսնապետներն ու իրենց յիսուն **մարդիկը** սպառեց. բայց հիմա իմ անձն քու աչքերուդ պատուական թող ըլլայ»:

15 **Տէրոց** հրեշտակը եղիայի ըսաւ. «Իրեն հետ իջի՛ր, իրմէ մի՛ վախնար»: Ուստի **Եղիա** կանգնեցաւ, իրեն հետ թագաւորին իջաւ, **16** եւ անոր ըսաւ. «Տէրը սա՛ կը յայտարարէ. «**Զանի** Ակկարոնի Բահաղ-Ճանճիկ աստուծոյն խորհուրդ հարցնելու համար պատգամաւորներ դրկեցիր, իբր թէ հսրայէլի մէջ Աստուած չկար՝ որ անոր խօսքը փնտուէիր, պիտի չիշնես այն մահիճէն՝ որուն վրայ ելար, հապա անշուշտ պիտի մեռնիս»»:

17 Ոքոզիա մեռաւ Տէրոց խօսքին համաձայն, որ Եղիա ըսեր էր. որովհետեւ ան որդի չունէր, անոր տեղը Յովրամ թագաւոր եղաւ՝ Յուդայի Յովսափատեան Յովրամ թագաւորին երկրորդ տարին: **18** Ոքոզիայի կատարած մնացեալ արարքները ահա՝ հսրայէլի թագաւորներուն ժամանակագրութեան գիրքին մէջ գրուած են:

ԵՂԻԱ ԿԸ ՎԵՐՅՈՒԻ ԵՐԿԻՆՔ

2

Երբ Տէրը Եղիան մրրիկով երկինք պիտի վերցնէր, Եղիա եւ Եղիսէ Գաղգաղայէ գացին: **2** Եղիա ըսաւ Եղիսէի. «Դուն հո՞ս կեցիր, կ'աղերսե՞մ, քանի որ Տէրը զիս Բեթէլ շորկեց»: Եղիսէ պատասխանեց. «Տէրը կ'ապրի՛, ու քու անձդ կ'ապրի՛. ես քեզ չեմ թողուր»: Ուստի Բեթէլ իջան: **3** Բեթէլ գտնուող մարգարէներուն որդիները դուրս ելան՝ Եղիսէի մօտ, եւ անոր ըսին. «Գիտե՞ս թէ այսօր Տէրը գլուխիդ վրայէն պիտի յափշտակէ քու տէրդ»: Ան ալ պատասխանեց. «Ե՞ս ալ գիտեմ, լոեցէ՛ք»: **4** Եղիա անոր ըսաւ. «Եղիսէ՛, դուն հո՞ս կեցիր, կ'աղերսե՞մ, քանի որ Տէրը զիս Երիքով դրկեց»: Ան պատասխանեց. «Տէրը կ'ապրի՛, ու քու անձդ կ'ապրի՛. ես քեզ չեմ թողուր»: Յետոյ Երիքով գացին: **5** Երիքով գտնուող մարգարէներուն որդիները Եղիսէի մօտեցան եւ անոր ըսին. «Գիտե՞ս թէ այսօր Տէրը գլուխիդ վրայէն պիտի յափշտակէ քու տէրդ»: Ան ալ պատասխանեց. «Ե՞ս ալ գիտեմ, լոեցէ՛ք»: **6** Եղիա անոր ըսաւ. «Դուն հո՞ս կեցիր, կ'աղերսե՞մ, քանի որ Տէրը զիս Յորդանան դրկեց»: Ան պատասխանեց. «Տէրը կ'ապրի՛, ու քու անձդ կ'ապրի՛. ես քեզ չեմ թողուր»: Ուստի Երկուքը գացին: **7** Մարգարէներու որդիներէն յիսուն մարդ գացին եւ դիմացը կայնեցան՝ հեռուն. իսկ իրենք Երկուքը Յորդանանի քով կայնեցան: **8** Եղիա իր վերարկուն առաւ, ծալեց ու ջուրերուն զարկաւ. անոնք մէկ կողմ եւ միւս կողմ բաժնուեցան, ու Երկուքը ցամաքով անցան:

9 Երբ անոնք անցան, Եղիա ըսաւ Եղիսէի. «Խնորէ՛, ի՞նչ ընեմ քեզի, քանի դեռ քեզմէ յափշտակուած չեմ»: Եղիսէ պատասխանեց. «Կ'աղերսե՞մ, քու ոգիիդ կրկնապատի՛ք ունենամ»: **10** Ինք ալ ըսաւ. «Դուրար բան խնորեցիր. **սակայն** եթէ քեզմէ յափշտակուելու ատենս զիս տեսնես, քեզի այդպէս ըլլայ. թէ ոչ՝ թող ըըլլայ»:

11 Երբ անոնք խօսելով կ'երթային, ահա՝ կրակէ կառք մը եւ կրակէ ձիեր Երեւան, զանոնք իրարմէ զատեցին, ու Եղիա մրրիկով երկինք բարձրացաւ: **12** Եղիսէ տեսաւ եւ աղաղակեց. «Իմ հայրս, իմ հայրս, հսրայէլի կառքն ու անոր ձիաւորները»: Եւ ալ չտեսաւ զայն: Իր հագուստները բռնեց, ու զանոնք Երկու կտորի պատուեց: **13** Ապա Եղիայի վրայէն ինկած վերարկուն վերցուց, վերադարձաւ, եւ Յորդանանի եզերքը կայնեցաւ: **14** Եղիայի վրայէն ինկած վերարկուն առաւ ու ջուրերուն զարկաւ՝ ըսելով. «Ո՞ւր է Տէրը՝ Եղիայի Աստուածը»: Երբ ջուրերուն զարկաւ, անոնք մէկ կողմ եւ միւս կողմ բաժնուեցան, ու Եղիսէ անցաւ:

15 Երիքովի մարգարէներուն որդիները գինք դիմացէն տեսնելով՝ ըսին. «Եղիայի ոգին Եղիսէի վրայ հանգչեցաւ»: Զինք դիմաւորելու գացին, մինչեւ գետին **խոնարհելով**՝ անոր Երկրապագեցին **16** եւ իրեն ըսին. «Ահա՝ քու ծառաներուդ հետ յիսուն կտրիճ մարդ կայ. կ'աղերսե՞նք, թող Երթան ու տէրդ փնտոեն. թերեւս Տէրոց Հոգին զայն վերցուց եւ լերան մը վրայ կամ ձորի մը մէջ ձգեց»: Ինք պատասխանեց. «Մի՛ դրկէ՛ք»: **17** Բայց անոնք զինք ստիպեցին, մինչեւ որ ամչցաւ ու ըսաւ. «Դրկեցէ՛ք»: Յիսուն մարդ դրկեցին, որոնք Երեք օր փնտոեցին, բայց զայն չգտան: **18** Երբ իրեն վերադարձան – ինք Երիքով կեցած էր –, անոնց ըսաւ. «Ես ձեզի չըսի՞՛. «Մի՛ Երթաք»:

^ա **Այսիցը** կը դրկէ

ԵՂԻՍԵՒ ՀՐԱՇՔՆԵՐԸ

19 Քաղաքին մարդիկը եղիսէի ըսին. «^բԱհա՝ **այս** քաղաքը բնակիլը «հաճելի է, ինչպէս մեր տէրը կը տեսնէ. բայց ջուրերը գէշ են, ու երկիրը՝ ^Դանպտուղ»։ **20** Ան պատասխանեց. «Ինծի նո՞ր եկուժ մը բերէք, ու մէջը ա՛ղ դրէք»։ Անոնք ալ անոր բերին։ **21** Ան դուրս ելաւ՝ դէպի ջուրերուն ակը, հոն աղ նետեց եւ ըսաւ. «Տէրը սա՛ կը յայտարարէ. «Այս ջուրերը բուժեցի. անգամ մըն ալ ասկէ մահ կամ անպտղութիւն ^Հզգայ»։ **22** Այսպէս՝ ջուրերը բուժուեցան մինչեւ այսօր, եղիսէի ըսած խօսքին համաձայն։

23 Անկէ Բեթէլ բարձրացաւ. Մինչ ճամբայէն կը բարձրանար, պղտիկ տղաներ քաղաքէն դուրս ելան ու զինք ծաղրեցին՝ իրեն ըսելով. «Բարձրացի՛ր, կնտակ. բարձրացի՛ր, կնտակ»։ **24** Ետեւ դարձաւ, անոնց նայեցաւ եւ Տէրոց անունով զանոնք անիծեց. Այն ատեն երկու մատակ արջեր անտառէն դուրս ելան ու անոնցմէ քառասուներկու մանուկ պատառեցին։ **25** Ինք անկէ Կարմեղոս լեռը գնաց, ուրկէ ալ Սամարիա վերադարձաւ։

ՊԱՏԵՐԱՋՄԻՒՐԱՅԵԼԻ ԵՒ ՄՈՎԱԲԻ ՄԻՋԵՒ

3

Աքապի որդին՝ Յովրամ Յուդայի Յովսափատ թագաւորին տասնութերորդ տարին Սամարիայի մէջ Իսրայէլի վրայ թագաւոր եղաւ, ու տասներկու տարի թագաւորեց։ **2** Ան Տէրոց ^Դառջեւ չարիք գործեց, բայց ոչ իր հօր եւ մօր պէս, քանի որ իր հօր շինած Բահաղի արձանը հանեց։ **3** Բայց Իսրայէլի մեղանչել տուող Նաբատեան Յերոբովամի մեղերուն յարեցաւ. անոնցմէ չհեռացաւ։

4 Մովաբի Մեսա թագաւորը հօտերու տէր էր, եւ Իսրայէլի թագաւորին ^Բհարկ կը վճարէր^Դ.— հարիւր հազար պարարտ գառ ու հարիւր հազար բրդոտ խոյ։ **5** Բայց Աքապի մեռնելէն ետք՝ Մովաբի թագաւորը Իսրայէլի թագաւորին դէմ ապստամբեցաւ։ **6** Ուստի այդ ժամանակ Յովրամ թագաւորը Սամարիայէն ելաւ եւ ամբողջ Իսրայէլը աչքէ անցուց։ **7** Յետոյ գնաց, ու Յուդայի Յովսափատ թագաւորին **մարդ** դրկեց՝ ըսելով. «Մովաբի թագաւորը ինծի դէմ ապստամբեցաւ. ինծի հետ Մովաբի դէմ պատերազմելու կու գա՞ս»։ Ան ալ պատասխանեց. «Կը բարձրանամ. ես քեզի պէս եմ, իմ ժողովուրդս՝ քու ժողովուրդիդ պէս. իմ ծիերս քու ծիերուդ պէս են»։ **8** Ապա ըսաւ. «Ո՞ր ճամբայէն

^բ **Եբր.**՝ Ահա՝ կ'աղերսենք,

^գ **Եբր.**՝ լաւ

^դ **Եբր.**՝ զաւակներէ զրկուած

^ե **Կամ**՝ բաժակ

^գ **Եբր.**՝ չըլլայ

^հ **Եբր.**՝ զաւակ

^ւ **Եբր.**՝ աչքերուն

^բ **Եբր.**՝ կը հատուցանէր

ԹԱԳԱԻՈՐՆԵՐՈՒՆ Դ. ԳԻՐՁԸ

բարձրանանց»: Ինք ալ պատասխանեց. «Եղովմի անապատին ճամբայէն»: **9** Ուստի իսրայէլի թագաւորը, Յուդայի թագաւորն ու Եղովմի թագաւորը գացին: Եօթը օր շրջելէ ետք՝ **ա՛** ջուր չկար բանակին եւ “անոնց հետեւող” անասուններուն համար:

10 Այն ատեն իսրայէլի թագաւորը ըսաւ. «Ափսո՞ս, Տէրը այս երեք թագաւորները կանչեր է, որպէսզի Մովարի ձեռքը մատնէ»: **11** Յովսափատ ըսաւ. «Հոս Տէրոց մարգարէ մը չկա՞յ, որպէսզի անոր միջոցով Տէրոց խորհուրդ հարցնենք»: Իսրայէլի թագաւորին ծառաներէն մէկը պատասխանեց. «Եղիայի ձեռքերուն ջուր լեցնող Սափատեան Եղիսէն հոս է»: **12** Յովսափատ ըսաւ. «Անոր քով է Տէրոց խօսքը»: Ուստի իսրայէլի թագաւորը, Յովսափատ ու Եղովմի թագաւորը անոր իջան: **13** Եղիսէ իսրայէլի թագաւորին ըսաւ. «Դուն ինձի հետ ի՞նչ գործ ունիս. հօրդ մարգարէներուն եւ մօրդ մարգարէներուն գնա»: Իսրայէլի թագաւորը անոր ըսաւ. «Ո՛չ, քանի Տէրը այս երեք թագաւորները կանչեր է, որպէսզի Մովարի ձեռքը մատնէ»: **14** Եղիսէ ըսաւ. «Զօրքերու Տէրը, որուն ուղղեւ կը կայնիմ», կ'ապրի՛. Եթէ Յուդայի Յովսափատ թագաւորը չյարգէի, ի՛րապէս երեսիդ պիտի չնայէի ու քեզ պիտի չտեսնէի: **15** Հիմա ինձի նուագահա՛ր մը բերէք»: Մինչ նուագահարը կը նուագէր, Տէրոց ձեռքը եանոր վրայ եղաւ, **16** եւ ըսաւ. «Տէրը սա՛ կը հրամայէ. “Այս ծորին մէջ գա՞տ փոսեր փորեցէք”¹: **17** Արդարեւ Տէրը սա՛ կը յայտարարէ. “Հով պիտի չտեսնէք, տեղատարափ պիտի չտեսնէք, սակայն այս ծորը ջուրով պիտի լեցուի, ու պիտի խմէք՝ դո՛ւք, ձեր խաշինքը եւ ձեր անասունները²: **18** Բայց ասիկա Տէրոց առջեւ պատիկ քան մը ըլլալով՝ Մովարն ալ ձեր ձեռքը պիտի մատնէ. **19** բոլոր պարսպապատ քաղաքներն ու բոլոր ընտիր քաղաքները պիտի զարնէք, բոլոր պատղատու ծառերը պիտի տապալէք, բոլոր ջուրի աղբիւրները պիտի խցէք, եւ բոլոր մշակուած արտերը³ քարերով պիտի աւերէք»: **20** Առտուն, երբ հացի ընծան կը մատուցանուէր, ահա՛ Եղովմի ճամբայէն ջուրեր հոսեցան, ու երկիրը ջուրով լեցուեցաւ:

21 Երբ բոլոր Մովարացիները լսեցին թէ թագաւորները բարձրացած են՝ իրենց դէմ պատերազմնելու, բոլոր գօտի կապելու **տարիք ունեցողները** եւ հաւելի մեծերը հաւաքեցին», ու սահմանին վրայ տեղաւորուեցան: **22** Առտուն՝ կանուխ ելան. Երբ արեւը ծագեցաւ ջուրերուն վրայ, Մովարացիները դիմացէն այդ ջուրերը արիւնի պէս կարմիր տեսան: **23** Ուստի ըսին. «Ասիկա արիւն է. **անտարակոյս** թագաւորները զիրար կոտորեր եւ զարկեր

¹ **Երբ.**՝ անոնց ոտքին

² **Այսիհքը**՝ ծառան եմ

³ **Այսիհքը**՝ Եղիսէի

⁴ **Երբ.**՝ փո՞ն փոս ըրէք

⁵ **Երբ.**՝ թեթեւ

⁶ **Երբ.**՝ լաւ

⁷ **Երբ.**՝ լաւ արտի բաժինները

⁸ **Երբ.**՝ եկան

⁹ **Երբ.**՝ վեր եղողները աղաղակով կանչեցին

¹⁰ **Երբ.**՝ կայնեցան

¹¹ **Երբ.**՝ աւերեր

ԹԱԳԱԻՈՐՆԵՐՈՒՆ Դ. ԳԻՐՅԸ

են. հիմա, **ո՞վ** Մովաբացիներ, **հաւաքեցէք** աւարը»: **24** Երբ անոնք հսրայէլի բանակավայրը գացին, հսրայէլացիները կանգնեցան ու Մովաբացիները զարկին: Անոնք իրենց ^ծառջեւէն փախան, եւ իրենք Մովաբացիները զարնելով՝ **անոնց երկիրը** մտան: **25** Քաղաքները փլցուցին, բոլոր մշակուած արտերուն մէջ՝ իւրաքանչիւրը իր քարը նետեց ու զանոնք լեցուցին. բոլոր ջուրի աղբիւրները խցեցին եւ բոլոր պտղատու ծառերը տապալեցին, այնպէս որ Կիր-Հարեսէթի մէջ միայն անոր քարերը թողուցին, **երբ** պարսածիգները գայն պաշարեցին ու զարկին: **26** Մովաբի թագաւորը տեսաւ թէ պատերազմը իրեն դէմ սաստկացաւ. ուստի իրեն հետ եօթը հարիւր սուր քաշող մարդ առաւ, որպէսզի ճեղքեն **անցնին** մինչեւ Եղովմի թագաւորը, բայց չկրցան: **27** Ուստի առաւ իր անդրանիկ որդին՝ որ իր տեղը պիտի թագաւորէր, ու զայն պարիսպին վրայ **իբր** ողջակէզ գոհեց: հսրայէլացիներուն վրայ մեծ զայրոյթ եղաւ. անոնք ալ իր քովէն մեկնեցան եւ **իրենց երկիրը** վերադարձան:

ԵՂԻՍԷ Կ'ՕԳՆԷ ԽԵՂՁ ԱՅՐԻԻ ՄԸ

4

Մարգարէներու որդիներուն կիսերուն մէջէն կին մը Եղիսէի աղաղակելով՝ ըսաւ. «**Զու** ծառադ՝ ամուսինս մեռաւ, ու դուն գիտես թէ քու ծառադ աստուածավախ էր: Պարտատէրը եկաւ, որպէսզի երկու գալակներս առնէ՝ իրեն ստրուկ ընելու»: **2** Եղիսէ անոր ըսաւ. «**Զեզի ի՞նչ ընեմ. ըսէ՛ ինծի, տունը ի՞նչ ունիս»: Ան ալ պատասխանեց. «**Զու** աղախինդ տան մէջ սրուակ մը» իւղէն զատ ուրիշ ոչինչ ունի»: **3** **Եղիսէ անոր** ըսաւ. «Գնա՛, դուրսէն՝ բոլոր դրացիներէդ պարապ անօթներ ուզէ քեզի համար. քիչ մի՛ ուզեր: **4** Ապա **տո՛նդ** մտիր, վրայէդ եւ որդիներուդ վրայէն դո՛ւռը գոցէ, **իւղդ** այդ բոլոր անօթներուն մէջ պարպէ՛, ու լեցուածը վերցո՛ր»: **5** Ան ալ անոր քովէն գնաց, եւ իր վրայէն ու որդիներուն վրայէն դուռը գոցեց. անոնք **անօթները** իրեն կը մօտեցնէին, եւ ինք կը լեցնէր: **6** Երբ այդ անօթները լեցուեցան, իր որդիին ըսաւ. «Ինծի ուրիշ անօթ մը մօտեցուր»: Ան ալ իրեն պատասխանեց. «Ուրիշ անօթ չկայ»: Այն ատեն իւղը կանգ առաւ: **7** **Կինը** գնաց եւ Աստուծոյ մարդուն պատմեց: Ան ալ ըսաւ. «Գնա՛, իւղը ծախէ՛ ու պարտքդ վճարէ՛, եւ մնացածով դուն ու որդիներդ ապրեցէ՛ք»:**

ԵՂԻՍԷ ԵՒ ՍՈՒՆԱՍԱՅԻ ՀԱՐՈՒՏ ԿԻՆԸ

8 Օր մը Եղիսէ Սունամէն կ'անցնէր: Հոն մեծահամբաւ կին մը կար, որ զինք քովը պահեց՝ հաց ուտելու: **Յետոյ,** ամէն անգամ որ **անկէ** անցնէր, հաց ուտելու համար հոն ^գկ'ուղղուէր: **9** **Այդ կինը** իր ամուսինին ըսաւ. «Ահա՛ գիտեմ թէ ասիկա, որ շարունակ մեր ^քով կու գայ», Աստուծոյ մէկ սուրբ մարդն է: **10** Կ'աղերսէ՛մ, պղտիկ վերնատուն մը

^ծ **Եբր.**՝ Երեսէն

^ս **Եբր.**՝ ստրկուհիդ

^բ **Կամ** օծուելու մը չափ

^գ **Եբր.**՝ կը շեղէր

^դ **Եբր.**՝ քովէն կ'անցնի

ԹԱԳԱԻՈՐՆԵՐՈՒՆ Դ. ԳԻՐՁԸ

շինենք՝ բպատերով, ու հոն մահիճ, սեղան, աթոռ եւ աշտանակ դնենք անոր համար, որպէսզի երբ մեզի գայ, հոն ուղղուի»: 11 Օր մը ան հոն եկաւ, վերնատունը ուղղուեցաւ ու հոն պառկեցաւ: 12 Իր սպասաւորին՝ գէեզիի ըսաւ. «Կանչէ՛ այդ սունամացի կինը»: Երբ գայն կանչեց, անոր ներկայացաւ: 13 Եղիսէ՛ իր ծառային» ըսաւ. «Կ'աղերսե՛մ, անոր ըսէ՛. «Ահա՛ դուն մեզի համար այս ամբողջ ջանքը թափեցիր». քեզի ի՞նչ ընեմ. քեզի համար թող խօսուի՞ թագաւորին կամ սպարապետին»: Ան պատասխանեց. «Ես իմ ժողովուրդիս մէջ կը բնակիմ»: 14 Եղիսէ՛ ըսաւ. «Անոր ի՞նչ կրնանք ընել»: Գէեզի պատասխանեց. «Իրաւ է թէ ան որդի չունի, եւ անոր ամուսինը ծերացեր է»: 15 Ուստի Եղիսէ՛ ըսաւ. «Կանչէ՛ գայն»: Զայն կանչեց. ան ալ մուտքը կայնեցաւ: 16 Եղիսէ՛ անոր ըսաւ. «Թաջորդ տարի» այս ատեն որդի մը պիտի գրկես»: Ան ալ պատասխանեց. «Ո՛չ, ո՛վ իմ տէ՛րս, Աստուծո՛յ մարդ, քու աղախինիդ մի՛ ստեր»: 17 Կինը յղացաւ ու յաջորդ տարին՝ այդ ատեն որդի մը ծնաւ, ինչպէս Եղիսէ՛ անոր ըսեր էր:

18 Զաւակը մեծցաւ: Օր մը իր հօր Պանաց՝ հնձողներուն քով: 19 Իր հօր ըսաւ. «Գլուխս, գլուխս»: Ան ալ սպասաւորին ըսաւ. «Փոխադրէ՛ զինք իր մօր քով»: 20 Զինք փոխադրեց եւ իր մօր տարաւ. մինչեւ կէսօր անոր ծունկերուն վրայ մնաց, յետոյ մեռաւ: 21 Կինը բարձրացաւ, զինք Աստուծոյ մարդուն մահիճին մէջ պառկեցուց, դուռը վրայէն գոցեց ու դուրս ելաւ: 22 Ապա իր ամուսինը կանչեց եւ ըսաւ. «Կ'աղերսե՛մ, ինձի սպասաւորներէն մէկուն հետ էշ մը դրկէ, որպէսզի աճապարանքով երթամ» մինչեւ Աստուծոյ մարդուն քով, ու վերադառնամ»: 23 Ան ըսաւ. «Ինչո՞ւ այսօր անոր պիտի երթաս. ՚ամսագլուխ չէ, Շաբաթ չէ»: Ինք ալ պատասխանեց. «Ողջութի՛ւն»: 24 Յետոյ էշը համետել տուաւ եւ սպասաւորին ըսաւ. «Վարէ՛, գնա՛. ինձի համար ՚վարելէն մի՛ դադրիր, մինչեւ որ քեզի ըսեմ»: 25 Գնաց ու հասաւ Աստուծոյ մարդուն քով՝ Կարմեղոս լեռը: Երբ Աստուծոյ մարդը հեռուէն զինք տեսաւ, իր սպասաւորին՝ գէեզիի ըսաւ. «Ահա՛ այդ սունամացի կինը կու գայ: 26 Կ'աղերսե՛մ, հիմա վազէ՛, դիմաւորէ՛ զինք եւ ըսէ՛ իրեն. «Ողջ առո՞ղջ ես, ամուսինդ ողջ առո՞ղջ է, զաւակը ողջ առո՞ղջ է»: 27 Ինք ալ պատասխանեց. «Ողջ առողջ ենք»: Երբ կինը լեռը՝ Աստուծոյ մարդուն քով հասաւ, անոր ոտքերուն փաթթուեցաւ: Գէեզի մօտեցաւ՝ որպէսզի զինք հրէ. բայց Աստուծոյ մարդը ըսաւ. «Թո՞յ զինք, քանի որ անոր անձը դառնացած է. բայց Տէրը ինձմէ թաքուն պահեց, ինձի չիմացուց»: 28 Կինը ըսաւ. «Ես իմ տիրոջմէս որդի խնդրեցի՞. միթէ չըսի՞. «Զիս մի՛ խաբեր»: 29 Ան ալ գէեզիի ըսաւ. «Գօսիդ մէ՛ջքդ կապէ, իմ ցուպս ծե՛ռքդ առ, եւ գնա՛:

^բ Կամ՝ պատին վրայ

^գ Եբր.՝ իրեն

^հ Եբր.՝ դողով դողացիր

^ճ Եբր.՝ Կեանքի ժամանակին

^թ Եբր.՝ դուրս ելաւ

^ժ Եբր.՝ վազեմ

^ի Եբր.՝ նոր լուսին

^լ Եբր.՝ Խաղաղութիւն

^{իւ} Եբր.՝ հեծնելէն

ԹԱԳԱԻՈՐՆԵՐՈՒՆ Դ. ԳԻՐՅԸ

Եթէ մարդու մը հանդիպիս՝ զայն մի՛ բարեւեր, ու եթէ մարդ մը քեզ բարեւէ՛ անոր մի՛ պատասխաներ. իմ ցուպս դի՛ր տղային երեսին վրայ»: **30** Իսկ տղային մայրը ըսաւ. «Տէրը կ'ապրի՛, ու քու անձդ կ'ապրի՛. քեզ պիտի չթողում»: Ուստի **Եղիսէ** կանգնեցաւ եւ **Կնոջ** հետեւեցաւ: **31** Գէեզի անոնց առջեւէն ՞գնաց ու ցուպը տղային երեսին վրայ դրաւ. սակայն ո՛չ ծայն կար, ո՛չ ալ զգայնութիւն: Ուստի վերադարձաւ **Եղիսէն** դիմաւորելու, եւ անոր պատմեց. «Տղան չարթնցաւ»: **32** Երբ Եղիսէ տունը հասաւ, ահա՛ տղան մեռած ու իր մահիճին մէջ պառկած էր: **33** Ներս երթալով՝ իրենց երկուքին վրայէն դուռը գոցեց, եւ Տէրոց աղօթեց: **34** Ապա բարձրանալով՝ զաւակին վրայ պառկեցաւ. իր բերանը անոր բերանին վրայ դրաւ, իր աչքերը՝ անոր աչքերուն վրայ, իր ափերը՝ անոր ափերուն վրայ, եւ անոր վրայ կծկուեցաւ. զաւակին մարմինը տաքցաւ: **35** Ֆետոյ վերադարձաւ, տան մէջ հոս-հոն գնաց, ու բարձրանալով՝ **Կրկին** անոր վրայ կծկուեցաւ: Տղան եօթը անգամ փոնգտաց, ⁴ եւ աչքերը բացաւ: **36** Այն ատեն Գէեզին կանչեց ու ըսաւ. «Կանչէ՛ այս սունամացի **Կինը**»: Զայն կանչեց: Երբ ան իրեն եկաւ, **Եղիսէ անոր** ըսաւ. «Ա՛ն որդիդ»: **37** **Կինը** ներս երթալով՝ անոր ոտքերը ինկաւ, մինչեւ գետին **Խոճարհելով**՝ երկրպագեց, եւ իր որդին առնելով՝ դուրս ելաւ:

ԵՐԿՈՒ ՀՐԱՃՔՆԵՐ

38 Եղիսէ Գաղգաղա վերադարձաւ. **այդ** երկրին մէջ սով կար: Ջանի մարգարէներուն որդիները անոր առջեւ նստած էին, ան իր սպասաւորին ըսաւ. «Մեծ կաթսան դի՛ր **Կրակին վրայ**, եւ մարգարէներու որդիներուն ապո՛ւր եփէ»: **39** Մէկը դուրս ելաւ՝ դաշտը, որպէսզի խոտեր ժողվէ. վայրի ՞տունկ մը գտաւ, եւ անկէ հանդերձը լեցուն վայրի վարունգ ժողվեց. ապա եկաւ ու զանոնք ապուրի կաթսային մէջ մանրեց, քանի որ չէին ճանչնար: **40** **Այդ** մարդոց լեցուցին՝ որպէսզի ուտեն: Մինչ **այդ** ապուրէն կ'ուտէին՝ պոռալով ըսին. «Ո՛վ Աստուծոյ մարդ, մա՛հ կայ կաթսային մէջ», ու չկրցան ուտել: **41** Ան ալ ըսաւ. «Ալի՛ր բերէք»: Զայն կաթսային մէջ նետեց, եւ ըսաւ. «Լեցո՛ւր ժողովուրդին, որպէսզի ուտեն»: Ա՛լ կաթսային մէջ վնասակար ոչինչ կար:

42 Բահաղ-Սաղիսայէն մարդ մը եկաւ, եւ Աստուծոյ մարդուն հացեր բերաւ՝ երախայրիքէն **շինուած**, քսան գարիէ հաց ու թարմ հասկեր՝ իր պարկով: **Եղիսէ** ըսաւ. «Ժողովուրդին տուր, որպէսզի ուտեն»: **43** Անոր սպասարկուն պատասխանեց. «Այս ի՞նչ է՝ որ հարիւր մարդու առջեւ դնեմ»: Բայց ան ըսաւ. «Ժողովուրդին տուր՝ որպէսզի ուտեն. արդարեւ Տէրը սա՛ կը յայտարարէ. “Պիտի ուտեն, եւ պիտի աւելնայ”»: **44** Ուստի անոնց առջեւ դրաւ ու կերան, եւ աւելցաւ՝ Տէրոց խօսքին համաձայն:

ՆԵՄԱՆ ԿԸ ԲՈՒԺՈՒԻ

5

Սուրիայի թագաւորին սպարապետը՝ Նէման իր տիրոց առջեւ մեծ ու յարգելի մարդ մըն էր, քանի որ Տէրը անոր ձեռքով փրկութիւն տուեր էր Սուրիայի: Այս մարդը գօրաւոր կտրիճ մըն էր, **բայց** բորոտ: **2** ^աԱսորիներուն գունդերը դուրս ելեկով՝ իսրայէլի երկրէն

^ծ **Եբր.**՝ անցաւ

^դ **Եբր.**՝ եւ տղան

^ե **Եբր.**՝ որթատունկ

^ա **Եբր.**՝ Արամացիներուն, **այսինքն** Սուրիացիներուն

ԹԱԳԱԻՈՐՆԵՐՈՒՆ Դ. ԳԻՐՅԸ

պղտիկ աղջիկ մը գերեվարած էին, եւ ան Նէմանի կնոց բկը ծառայէր": **3** Ան իր տիրուհիին ըսաւ. «Երանի՛ թէ իմ տէրս Սամարիա եղող մարգարէին քով ըլլար, որովհետեւ զինք իր բորոտութենէն կը բուժէր»: **4** **Նէման** գնաց իր տիրոց հաղորդեց՝ ըսելով. «Իսրայէլի երկրէն եղող պատանուհին այսպէս եւ այսպէս խօսեցաւ»: **5** Սուրիայի թագաւորը ըսաւ. «Ուրեմն գնա՛, ես իսրայէլի թագաւորին նամակ մը կը դրկեմ»: Ան ալ գնաց, իր ձեռքը տասը տաղանդ արծաթ, վեց հազար **սիկղ** ուկի ու տասը փոխելիք հանդերձ առնելով: **6** Իսրայէլի թագաւորին բերաւ նամակը, ուր սա՛ գրուած էր". «Հիմա, երբ այս նամակը քեզի հասնի, գիտցի՛ թէ անոր հետ" քեզի կը դրկեմ իմ ծառաս՝ Նէմանը, որպէսզի զինք իր բորոտութենէն բուժես»: **7** Երբ իսրայէլի թագաւորը նամակը կարդաց՝ իր հագուստները պատոեց, ու ըսաւ. «Միթէ ես մեոցնելու եւ ապրեցնելու **կարող** Աստուած եմ, որ ասիկա ինծի մարդ մը դրկեր է՝ իր բորոտութենէն բուժելու համար. ուրեմն **լաւ** գիտցէք ու տեսէ՛ թէ անիկա ինծի հետ կռուելու պատճառ կը փնտոէ"»:

8 Երբ Աստուծոյ մարդը՝ Եղիսէ լսեց թէ իսրայէլի թագաւորը իր հագուստները պատոեր է, թագաւորին **մարդ** դրկեց եւ ըսաւ. «Ինչո՞ւ հագուստներդ պատոեցիր. այժմ ան ինծի թող գայ, ու գիտնայ թէ իսրայէլի մէջ մարգարէ կայ»: **9** Նէման իր ձիերով եւ կառքով գնաց ու Եղիսէի տան մուտքը կայնեցաւ: **10** Եղիսէ պատգամաւոր մը դրկեց անոր՝ ըսելով. «Գնա՛, Յորդանանի մէջ եօթը անգամ լուացուէ, եւ մարմինդ քեզի պիտի վերադառնայ ու պիտի մաքրուիս»: **11** Նէման զայրացաւ եւ գնաց՝ ըսելով. «Ահա՛ ես բկը կարծէի" թէ անիկա անտարակոյս իմ քովս պիտի գայ" ու կայնի, եւ իր Աստուծոյն՝ Եհովայի անունը պիտի կանչէ ու ձեռքը **հիւանդ** տեղին վրայ երեցնէ, եւ բորոտութիւնը բուժէ: **12** Դամակոսի Աբանա ու Փարփար գետերը իսրայէլի բոլոր ջուրերէն լաւ չե՞ն. միթէ չե՞մ կրնար անոնց մէջ լուացուիլ եւ մաքրուիլ»: Այսպէս՝ դարձաւ ու ցասումով գնաց: **13** Իսկ անոր ծառաները մօսեցան եւ անոր խօսեցան՝ ըսելով. «Իմ հայրս, **եթէ** մարգարէն քեզի մեծ բան մը ըսէր՝ պիտի չընէի՞ր. հապա ո՞րչափ աւելի **ընելու ես**՝ երբ ան քեզի կ'ըսէ. "Լուացուէ", ու պիտի մաքրուիս»: **14** Այն ատեն ան իջաւ եւ եօթը անգամ Յորդանանի մէջ լուացուեցաւ՝ Աստուծոյ մարդուն խօսքին համաձայն. անոր մարմինը պղտիկ տղայի մը մարմինին պէս եղաւ, ու մաքրուեցաւ:

15 Ան իր ամբողջ բանակով Աստուծոյ մարդուն վերադարձաւ. գնաց, անոր ներկայացաւ եւ ըսաւ. «Ահա՛ այժմ գիտցայ թէ ամբողջ երկրի վրայ Աստուծոծ չկայ, բայց

^բ **Երբ.**՝ առջեւ էր

^գ **Կամ**՝ առջեւ

^դ **Երբ.**՝ գրութիւն

^ե **Երբ.**՝ ըսելով

^գ **Երբ.**՝ ահա՛

^է **Երբ.**՝ զիս կը տառապեցնէ

^լ **Երբ.**՝ կ'ըսէի

^ը **Երբ.**՝ դուրս պիտի ելլէ

^ժ **Երբ.**՝ թաթխուեցաւ

ԹԱԳԱԻՈՐՆԵՐՈՒՆ Դ. ԳԻՐՅԸ

միայն հսրայէլի մէջ. ուստի հիմա, կ'աղերսե՛մ, քու ծառայէդ ՚ընծայ մը ընդունէ»: **16** Բայց **Եղիսէ** ըսաւ. «Տէ՛րը, որուն առջեւ կը կայնիմ, կ'ապրի՛. պիտի չընդունիմ»: **Նէման** զինք ստիպեց որ ընդունի, բայց ան մերժեց: **17** Այն ատեն Նէման ըսաւ. «Ուրեմն կ'աղերսե՛մ, քու ծառայիդ **այս երկրին** հողէն երկու ջորիի բեռ **հող** թող տրուի. արդարեւ ծառադ անգամ մըն ալ ուրիշ աստուածներու ողջակէզ կամ զոհ պիտի չընծայէ, հապա միայն Եհովայի: **18** **Սակայն** Տէրը սա՛ բանին համար ծառայիդ թող ներէ. Երբ իմ տէրս Ռեմոնի տունը մտնէ՛ հոն երկրպագելու համար, եւ իմ ձեռքիս վրայ կոթնի, ու ես **ալ** Ռեմոնի տան մէջ երկրպագեմ, Տէրը այս բանին համար ծառայիդ թող ներէ – Երբ Ռեմոնի տան մէջ երկրպագեմ»: **19** Ինք ալ անոր ըսաւ. «Գնա՛ խաղաղութեամբ». ուստի ան իր քովէն գնաց, **ու քիչ մը ճամբայ քալեց:**

20 Բայց Աստուծոյ մարդուն՝ Եղիսէի սպասաւորը՝ Գէեզի ըսաւ. «Ահա՛ իմ տէրս այս Ասորիին՝ Նէմանի խնայեց, անոր ձեռքէն իր բերածը չառնելով: Տէրը կ'ապրի՛. ես անոր Ետեւէն պիտի վազեմ եւ անկէ բան մը պիտի առնեմ»: **21** Ուստի Գէեզի Նէմանը հետապնդեց: Երբ Նէման տեսաւ թէ ան իր Ետեւէն կը վազէ, իր կառքէն իջաւ զայն դիմաւորելու, եւ ըսաւ. «Ողջութի՞ւն է»: **22** Ան ալ ըսաւ. «Ողջութիւն է: Իմ տէրս զիս դրկեց՝ ըսելով. “Ահա՛ հիմա մարգարէներու որդիներէն երկու երիտասարդ եկան ինծի՛ Եփրեմի լեռնակողմէն. կ'աղերսե՛մ, անոնց **համար** տաղա՛նդ մը արծաթ ու երկո՛ւ փոխելիք հագուստ տուրը»: **23** Նէման ըսաւ. «Հաճէ՛ երկու տաղանդ առնել»: Զայն ստիպելով՝ երկու քսակի մէջ երկու տաղանդ արծաթ **դրաւ**, երկու փոխելիք հագուստ ալ ծրարեց, եւ իր սպասաւորներէն երկութին տուաւ, որոնք անոր առջեւէն ՚ստարին: **24** Երբ ՚բլուրը հասաւ՝ անոնց ձեռքէն առաւ ու տան մէջ տեղաւորեց. ապա **այդ** մարդիկը ուղարկեց, եւ գացին: **25** Իսկ ինք ներս գնաց ու իր տիրոջ ներկայացաւ: Եղիսէ իրեն ըսաւ. «Գէեզի՛, ուրկէ՞ կու գաս»: Ինք ալ պատասխանեց. «Ծառադ տեղ մը չգնաց»: **26** **Եղիսէ** անոր ըսաւ. «Միթէ իմ ՚հոգիս քեզի հետ չգնա՞ց, երբ **այդ** մարդը իր կառքէն դարձաւ՝ քեզ դիմաւորելու: Հիմա ատե՞նն է արծաթ ստանալու, եւ հագուստներ, ձիթենիներ, այգիներ, ոչխարներ ու արցառներ, ստրուկներ եւ ստրկուհիներ առնելու: **27** Ուրեմն Նէմանի բորստութիւնը քեզի ու քու զարմիդ թող փակչի յափիտեան»: Եւ ինք անոր առջեւէն բորստ դուրս ելաւ՝ ձիւնի պէս **ճերմակ**:

ՏԱՊԱՐԻՆ ԵՐԿԱԹԸ ԿԸ ԳՏՆՈՒԻ

6

Մարգարէներուն որդիները Եղիսէի ըսին. «Կ'աղերսե՛նք, ահա՛ այս տեղը՝ ուր քու առջեւդ կը մնանք՝ մեզի նեղ է: **2** Երթանք ուրեմն մինչեւ Յորդանան, անկէ իրաքանչիւրս գերան մը առնենք, ու հոն մեզի բնակելու տեղ շինենք»: Ան ալ պատասխանեց. «Գացէ՛ք»: **3** **Անոնցմէ** մէկը ըսաւ. «Կ'աղերսե՛մ, հաճէ՛ քու ծառաներուդ հետ գալ»: Ան ալ պատասխանեց. «Կու գամ», **4** եւ անոնց հետ գնաց: Յորդանան հասնելով՝ ծառեր

¹ **Եբր.**՝ օրհնութի՞ւն

² **Եբր.**՝ Խաղաղութի՞ւն

³ **Եբր.**՝ կրեցին

⁴ **Կամ**՝ առանձին տեղը

⁵ **Եբր.**՝ սիրտս

ԹԱԳԱԻՈՐՆԵՐՈՒՆ Դ. ԳԻՐՅԸ

Կտրեցին: **5** Երբ մէկը գերան մը կը կտրէր, **տապարից** երկաթը ջուրին մէջ ինկաւ: Ուստի ան պոռալով ըսաւ. «Ո՞հ, իմ տէ՛րս, ան փոխ առնուած էր»: **6** Աստուծոյ մարդը ըսաւ. «Ո՞ր ինկաւ»: Ինք ալ անոր ցուցուց տեղը: **Եղիսէ** փայտ մը կտրեց, հոն նետեց, ու երկաթը ծփաց: **7** Ուստի անոր ըսաւ. «Վերցո՞ւր զայց»: Ան ալ ձեռքը երկարեց եւ զայն առաւ:

ՍՈՒՐԻԱԿԱՆ ԲԱՆԱԿԸ ԿԸ ՊԱՐՏՈՒԻ

8 Երբ **անգամ մը** Սուրիայի թագաւորը հսրայէլի դէմ կը պատերազմէր, իր ծառաներուն հետ խորհրդակցելով՝ ըսաւ. «Այսինչ կամ այնինչ տեղը **պիտի ըլլայ** բանակավայրս»: **9** Ուստի Աստուծոյ մարդը հսրայէլի թագաւորին **մարդ** դրկեց՝ ըսելով. «Զգուշացի՞ր որ այդ տեղէն չանցնիս, որովհետեւ Ասորիները հոն իջած են»: **10** Հսրայէլի թագաւորը **մարդ** դրկեց այն տեղը՝ որուն մասին Աստուծոյ մարդը իրեն խօսած ու զինք ազդարարած էր, եւ անկէ զգուշացաւ **շատ անգամ**: **11** Այս պատճառով Սուրիայի թագաւորին սիրտը մրրկեցաւ: Իր ծառաները կանչեց ու անոնց ըսաւ. «Չէ՞ք յայտներ ինծի թէ մեզմէ ո՞վ հսրայէլի թագաւորին բկողմնակից է»: **12** Իր ծառաներէն մէկը ըսաւ. «Ո՞չ մէկը, ո՞վ թագաւոր, իմ տէ՛րս. հապա հսրայէլի մէջ եղող Եղիսէ մարգարէն՝ քու ննջասենեակիդ մէջ ըսած խօսքերդ հսրայէլի թագաւորին կը հաղորդէ»: **13** Ինք ալ ըսաւ. «Գացէ՛ք եւ անոր ո՞ւր ըլլալը **գտէք**, որպէսզի **զայն բռնել տամ**»: Իրեն իմացուցին. «Ահա՝ ան Դոթայիմ է»:

14 Ուստի ինք ձիեր, կառքեր ու բազմաթիւ զօրագունդեր դրկեց հոն, որոնք գիշերը գացին եւ քաղաքը պաշարեցին: **15** Երբ Աստուծոյ մարդուն սպասարկուն **առտուց**՝ կանուխ ելաւ ու դուրս գնաց, ահա՝ զօրագունդեր, ձիեր եւ կառքեր քաղաքը պաշարեր էին: Սպասարդ իրեն ըսաւ. «Ո՞հ, իմ տէ՛րս, ի՞նչ պիտի ընենք»: **16** **Եղիսէ** պատասխանեց. «Մի՛ վախնար, որովհետեւ մեզի հետ եղողները աւելի բազմաթիւ են՝ քան անոնց հետ եղողները»: **17** Եղիսէ աղօթելով ըսաւ. «**Ո՞վ Տէր, կ'աղերսե՞մ**, անոր աչքերը բաց, որպէսզի տեսնէ»: Տէրը սպասարդին աչքերը բացաւ, ու տեսաւ թէ ահա՝ լեռը կրակէ ձիերով եւ կառքերով լեցուն էր՝ Եղիսէի շուրջը: **18** Երբ եանոնք իր քով իջան, Եղիսէ Տէրոց աղօթեց՝ ըսելով. «Կ'աղերսե՞մ, այս ազգը կուրութեամբ զարկ»: **Տէրց** ալ զանոնք կուրութեամբ զարկաւ՝ Եղիսէի խօսքին համաձայն: **19** Այն ատեն Եղիսէ անոնց ըսաւ. «Ճամբան ասիկա չէ, ու քաղաքը ասիկա չէ. հետեւեցէ՛ք ինծի, որպէսզի ձեր փնտուած մարդուն տամիմ ձեզ», եւ զանոնք Սամարիա տարաւ: **20** Երբ Սամարիա հասան, Եղիսէ ըսաւ. «**Ո՞վ Տէր, ասոնց աչքերը բաց՝ որպէսզի տեսնեն**»: Տէրը անոնց աչքերը բացաւ, ու տեսան թէ ահա՝ Սամարիայի մէջ էին:

21 Հսրայէլի թագաւորը զանոնք տեսնելով՝ Եղիսէի ըսաւ. «Իմ հայրս, զարնե՞մ, զանոնք զարնե՞մ»: **22** Ան ալ պատասխանեց. «Մի՛ զարներ. միթէ քու սուրովդ եւ աղեղովդ գերեվարածներդ կը զարնե՞ս: Անոնց առջեւ հաց ու ջուր դիր, որպէսզի ուտեն,

^ա **Երբ.**՝ ոչ մէկ եւ ոչ երկու

^բ **Երբ.**՝ համար

^գ **Երբ.**՝ տեսէք

^դ **Երբ.**՝ **մարդ** դրկեմ ու զայն բռնեմ

^ե **Այսիցքց**՝ Ասորիները

ԹԱԳԱԻՈՐՆԵՐՈՒՆ Դ. ԳԻՐՅԸ

խմեն, եւ իրենց տիրոջ երթան»: **23** Ուստի անոնց մեծ կոչունք մը սարքեց. Կերան ու խմեցին, յետոյ զանոնք ուղարկեց: Անոնք ալ իրենց տիրոջ գացին, եւ Սուրբիայի գունդերը անգա՞մ մըն ալ հսրայէլի երկիրը չեկան:

ՍԱՄԱՐԻԱՅԻ ՊԱՇԱՐՈՒՄԸ

24 Անկէ ետք Սուրբիայի Բենադադ թագաւորը իր ամբողջ բանակը հաւաքեց, ու բարձրանալով Սամարիան պաշարեց: **25** Սամարիայի մէջ մեծ սով եղաւ, քանի որ զայն պաշարեր էին, այնպէս որ իշու գլուխ մը ութսուն սիկող արծաթի ծախուեցաւ, եւ քառորդ կապիճ աղաւնիի աղբը^գ հինգ սիկող արծաթի: **26** Երբ հսրայէլի թագաւորը պարիսպին վրայէն կ'անցնէր, կին մը անոր աղաղակեց՝ ըսելով. «Ո՛վ թագաւոր, իմ տէ՛րս, օգնութեան հասիր իհծի^հ»: **27** Ան ալ պատասխանեց. «Եթէ Տէրը քեզի չօգնէ», ես ինչո՞վ քեզի օգնեմ, կալի՞ն թէ հնձանին արդիւնքով»: **28** Ապա թագաւորը անոր ըսաւ. «Քեզի ի՞նչ եղաւ»: Ան ալ պատասխանեց. «Այս կինը ինծի ըսաւ. «Չու որդիդ տո՛ւր որ այսօր զայն ուտենք. իմ որդիս վաղը կ'ուտենք^Ձ: **29** Ուստի որդիս խաշեցինք ու զայն կերանք: Յաջորդ օրը անոր ըսի. «Որդի՛դ տուր՝ որ զայն ուտենք^Ձ. բայց ան իր որդին պահեց»: **30** Երբ թագաւորը այդ կնոց խօսքը լսեց՝ իր հագուստները պատռեց, ու պարիսպին վրայէն անցած ատենք՝ ժողովուրդը տեսաւ թէ ահա՛ անոր մարմինին վրայ քուրծ կար՝ ներսէն: **31** Ան ըսաւ. «Աստուած ինծի այսպէս եւ ասկէ աւելին ընէ, եթէ այսօր Սափատեան Եղիսէի գլուխը իր վրայ մնայ»: **32** Եղիսէ իր տան մէջ նստած էր, ու երէցները անոր հետ նստած էին, երբ թագաւորը իր առջեւէն մարդ մը դրկեց անոր: Պատգամաւորը դեռ անոր չհասած՝ Եղիսէ երէցներուն ըսաւ. «Կը տեսնէ՞ք թէ այս մարդասպանի որդին մարդ դրկեց՝ որ գլուխս վերցնէ: Նայեցէ՛ք, երբ պատգամաւորը գայ՝ դո՛ւր գոցեցէք, ու զայն դրա՞ն քով բռնեցէք. միթէ անոր տիրոջ ուտքերուն ձայնը անոր ետեւէն չի^թ լսուիր»: **33** Մինչ տակաւին անոնց հետ կը խօսէր, ահա՛ պատգամաւորը իր քով իջաւ եւ ըսաւ. «Ահա՛ այս չարիքը Տէրոցմէն է. ա՛լ ասկէ ետք Տէրոցմէն ի՞նչ պիտի յուսամ»:

7

Եղիսէ ըսաւ. «Տէրոց խօսքը մտի՛կ ըրէք. Տէրը սա՛ կը յայտարարէ. «Վաղը այս ատեն՝ մէկ գրիւ անաշինը մէկ սիկող արծաթի պիտի ծախուի Սամարիայի դուռը, ու երկու գրիւ գարին՝ մէկ սիկողի^Ձ»: **2** Այն զօրավարը՝ որուն ձեռքին վրայ թագաւորը կը կոթնէր, Աստուծոյ մարդուն պատասխանեց. «Եթէ Տէրը երկինքը բահանադուներ ալ շինէ, միթէ ատիկա ըլլալիք բա՞ն է»: Ան ալ ըսաւ. «Դուն աչքերո՛վդ պիտի տեսնես, բայց անկէ պիտի չուտես»:

^գ Կը կարծուի թէ տեսակ մը ընդեղէն է

^հ Երբ.՝ ազատէ՛ զիս

^Ձ Երբ.՝ քեզ չազատէ

^թ Հաւանաբար՝ թագաւորը ըսաւ

^ա Այսինքն՝ նուրբ ալիւրը

^բ Կամ՝ պատուհաններ

ՍՈՒՐԻԱԿԱՆ ԲԱՆԱԿԸ ԿԸ ՀԵՌԱՆԱՑ

3 Դրան մուտքը չորս բորոտ մարդիկ կային: Անոնք իրարու ըսին. «Ինչո՞ւ հոս մնանք՝ մինչեւ որ մեռնինք: **4** Եթէ ըսենք. «Քաղաքը մտնենք», քաղաքին մէջ սով կայ, ու հոն պիտի մեռնինք: Եթէ հոս մնանք, նոյնպէս պիտի մեռնինք: Ուրեմն հիմա եկէք, Ասորիներուն բանակավայրը անցնինք: Եթէ մեզ ողջ պահեն՝ կ'ապրինք, իսկ եթէ մեզ մեռնենք՝ կը մեռնինք»: **5** Ուստի մթնշաղին կանգնեցան՝ որպէսզի Ասորիներուն բանակավայրը երթան, ու մինչեւ Ասորիներու բանակավայրին ծայրը գացին, բայց ահա՝ հոն ո՛չ մէկը կար: **6** Արդարեւ Տէրը Ասորիներու բանակավայրին մէջ կառքերու աղմուկ ու ձիերու աղմուկ լսել տուեր էր, **այսինքն՝** մեծ զօրագունդի մը աղմուկը: Ուստի իրարու ըսին. «Ահա՝ հսրայէլի թագաւորը մեզի դէմ վարձեց Զետացիներու թագաւորներն ու Եգիպտացիներու թագաւորները, որպէսզի մեր վրայ հասնին»: **7** Հետեւաբար կանգնեցան եւ մթնշաղին փախան. իրենց վրանները, ձիերն ու էշերը լքեցին, **նաեւ** բանակավայրը՝ ինչպէս որ էր, ու փախան՝ իրենց անձը **ազտելու** համար: **8** Երբ այս բորոտները մինչեւ բանակավայրին ծայրը հասան, վրան մը մտնելով՝ կերան ու խմեցին, եւ անկէ արծաթ, ոսկի ու հանդերձներ տանելով՝ գացին պահեցին: **9** Յետոյ իրարու ըսին. «Մեր ըրածը լաւ չէ. այսօր աւետիսի օր է, իսկ մենք կը լրենք: Եթէ մինչեւ առտուան լոյսը սպասենք, **մեր** պատիժը պիտի կրենք»: ուստի հիմա եկէք, երթանք եւ թագաւորին տան իմացնենք»: **10** Գացին, քաղաքին դռնապանին պոռացին ու անոր իմացուցին. «Մենք Ասորիներուն բանակավայրը մտանք, եւ ահա՝ հոն մարդ կամ մարդու ձայն չկար, հապա միայն՝ կապուած ձիեր ու կապուած էշեր, նաեւ վրանները՝ ինչպէս որ էին»: **11** Դռնապաններն ալ պոռացին, ու թագաւորին տան ներսը իմացուցին:

12 Թագաւորը գիշերը ելաւ եւ իր ծառաներուն ըսաւ. «Այժմ ձեզի պիտի իմացնեմ ինչ որ Ասորիները մեզի ըրած են: Անոնք մեր անօթի ըլլալը գիտնալով՝ բանակավայրէն ելած ու դաշտին մէջ պահութած են՝ ըսելով. «Երբ անոնք քաղաքէն դուրս ելլեն, զանոնք ողջ կը բռնենք ու քաղաքը կը մտնենք»: **13** Անոր ծառաներէն մէկը պատասխանեց. «Կ'աղերսէ՞մ, մնացած ձիերէն հինգը թող առնեն, որոնք **քաղաքին** մէջ մնացած են, (ահա՝ անոնք ամբողջ հսրայէլի բազմութեան պէս են՝ որ անոր մէջ մնացած է. ահա՝ անոնք ամբողջ հսրայէլի բազմութեան պէս են՝ որ կը սպառի.) **հոն** դրկենք ու տեսնենք»: **14** Ուստի **երկու** կառք առին՝ իրենց ձիերով», եւ թագաւորը Ասորիներու բանակին ետեւէն դրկեց՝ ըսելով. «Գացէք ու տեսէք»: **15** Անոնք մինչեւ Յորդանան գացին՝ անոնց ետեւէն, եւ ահա՝ ամբողջ ճամբան լեցուն էր հագուստներով ու առարկաներով, որոնք Ասորիները նետած էին իրենց իրարանցումին մէջ: Պատգամաւորները վերադարձան ու թագաւորին իմացուցին:

16 Այն ատեն ժողովուրդը դուրս ելաւ եւ Ասորիներուն բանակավայրը կողոպտեց: Տէրոց խօսքին համաձայն՝ մէկ գրիւ նաշինը մէկ սիկդ **արծաթի** գծախուեցաւ, ու երկու գրիւ գարին՝ մէկ սիկդի: **17** Թագաւորը դրան վերատեսուց նշանակեր էր այն զօրավարը,

^գ **Երը.**՝ իյնանք

^դ **Երը.**՝ անօրէնութիւնը մեզ պիտի գտնէ

^ե **Կամ՝** երկու գոյգ ձի առին

^գ **Երը.**՝ եղաւ

ԹԱԳԱԻՈՐՆԵՐՈՒՆ Դ. ԳԻՐՅԸ

որուն ծեռքին վրայ ինը կը կոթնէր: Ժողովուրդը դրան մէջ զայն կոխկոտեց, եւ մեռաւ՝ Աստուծոյ մարդուն խօսքին համաձայն, որ ըսեր էր՝ թագաւորին անոր քով իշած ատենը: **18** «Պատահեցաւ այնպէս,» ինչպէս Աստուծոյ մարդը թագաւորին խօսեր էր՝ ըսելով. «Վաղը այս ատեն՝ երկու գրիւ գարին մէկ սիկդ արծարի պիտի ծախուի Սամարիայի դուռը, ու մէկ գրիւ նաշիճը՝ մէկ սիկդի»: **19** Այդ զօրավարը Աստուծոյ մարդուն պատասխաներ էր. «Եթէ Տէրը երկինքը սահանադոներ ալ շինէ, միթէ ատիկա ըլլալիք բա՞ն է»: **Աստուծոյ մարդն ալ ըսեր էր.** «Ահա դուն աչքերո՞վդ պիտի տեսնես, բայց անկէ պիտի չուտես»: **20** Այդպէս պատահեցաւ անոր, քանի որ ժողովուրդը զայն դրան մէջ կոխկոտեց, ու մեռաւ:

ՍՈՒՆԱՄԱՅԻ ԿԻՆԸ ԿԸ ՎԵՐԱԴԱՌՆԱՅ

8

Եղիսէ խօսեցաւ այն կնոց՝ որուն որդին վերապրեցուցեր էր, եւ ըսաւ. «Կանգնէ՛ ու պանդխտանալո՛ գնա, դուն եւ ընտանիքդ, ուր որ կրնաս պանդխտանալ, որովհետեւ Տէրը սովը կանչեց. ահա՛ կու գայ եօթը տարի այս երկրին վրայ մնալու»: **2** Ուստի կինը կանգնեցաւ եւ Աստուծոյ մարդուն ըսածին համաձայն ըրաւ. իր ընտանիքով գնաց ու Փղշտացիներու երկրին մէջ եօթը տարի պանդխտացաւ:

3 Եօթը տարուան վախճանին՝ այդ կինը Փղշտացիներուն երկրէն վերադարձաւ, եւ իր տան համար ու արտին համար թագաւորին բողոքելու «գնաց»:

4 Թագաւորը Աստուծոյ մարդուն սպասաւորին՝ Գէեզիի հետ կը խօսէր՝ ըսելով. «Կ'աղերսե՛մ, Եղիսէի կատարած բոլոր մեծագործութիւնները պատմէ՛ ինձի»: **5** Մինչ ինը թագաւորին կը պատմէր թէ ի՞նչպէս ան մեռած **տղան** վերապրեցուց, ահա՛ այն կինը՝ որուն որդին վերապրեցուցեր էր, թագաւորին բողոքելու եկաւ իր տան համար ու արտին համար: Գէեզի ըսաւ. «Ո՛վ թագաւոր, իմ տէ՛րս, ա՛յս է այն կինը եւ ա՛յս է անոր որդին՝ որ Եղիսէ վերապրեցուց»: **6** Երբ թագաւորը կնոց հարցուց, ան իրեն պատմեց: Թագաւորը պալատական մը ^բյատկացուց անոր ու ըսաւ. «Վերադարձո՞ւր ամէն ինչ որ անոր կը պատկանի, նաեւ արտին ամբողջ բերքը՝ երկիրը ծգած օրէն մինչեւ հիմա»:

ԵՂԻՍԷ ԵՒ ՍՈՒՐԻԱՅԻ ԲԵՆԱԴԱՆ ԹԱԳԱԻՈՐԸ

7 Եղիսէ Դամասկոս գնաց: Սուրիայի Բենադադ թագաւորը հիւանդացած էր: Թագաւորին պատմեցին. «Աստուծոյ մարդը հոս եկաւ»: **8** Թագաւորը Ազայէլի ըսաւ. «Զեռդ ընծայ՝ առ ու գնա՛, Աստուծոյ մարդը դիմաւորէ՛, եւ անոր միջոցով Տէրոց խորհո՛ւրդ հարցուր՝ ըսելով. «Արդեօք այս հիւանդութենէն պիտի առողջանա՞մ»»: **9** Ազայէլ Եղիսէն դիմաւորելու գնաց, ու ձեռքը ընծայ առաւ Դամասկոսի բոլոր բարիքներէն՝ քառասուն ուղտի բեռ: Գնաց, անոր ներկայացաւ եւ ըսաւ. «Զու որդիդ՝ Բենադադ, Սուրիայի թագաւորը, զիս քեզի դրկեց՝ ըսելով. «Արդեօք այս հիւանդութենէն պիտի առողջանա՞մ»»: **10** Եղիսէ անոր ըսաւ. «Գնա՛, անոր ըսէ՛. «Անշուշտ պիտի առողջանաս»: Բայց Տէրը ինձի ցոյց տուաւ թէ ան անշուշտ պիտի մեռնի»: **11** Ձետոյ իր

^է Երբ.՝ Եղաւ՝

^ա Երբ.՝ դուրս ելաւ

^բ Երբ.՝ տուաւ

ԹԱԳԱԻՈՐՆԵՐՈՒՆ Դ. ԳԻՐՁԸ

Երեսը գանցարժացուց եւ աչքերը անոր վրայ ուսեւեռեց, մինչեւ որ ան ամշցաւ. ու Աստուծոյ մարդը լացաւ: **12** Ազայէլ ըսաւ. «Իմ տէրս ինչո՞ւ կու լայ»: Ան ալ պատասխանեց. «Քանի որ հսրայէլի որդիներուն ընելիք չարիքդ գիտեմ. անոնց ամրոցները կրակով պիտի այրես», երիտասարդները սուրով պիտի մեռցնես, երախաները գետին պիտի զարնես ու յղի կիները պիտի ճեղքես»: **13** Ազայէլ ըսաւ. «Չու ծառադ ո՞վ է – շո՞ւն մը – որ այդ մեծ բաները ընէ»: Եղիսէ պատասխանեց. «Տէրը ինծի ցոյց տուաւ թէ դուն Սուրբիայի վրայ թագաւոր պիտի ըլլաս»: **14** Այն ատեն ան Եղիսէի քովէն գնաց եւ իր տիրոջ եկաւ: Ան իրեն գարցուց. «Եղիսէ քեզի ի՞նչ ըսաւ»: Ինք ալ պատասխանեց. «Ինծի ըսաւ թէ անշուշտ պիտի առողջանաս»: **15** Հետեւեալ օրը **Ազայէլ** հաստ լաթ՝ մը առաւ, ջուրի մէջ թաթիսեց ու անոր երեսին վրայ փոեց. ան ալ մեռաւ, եւ Ազայէլ անոր տեղ թագաւոր եղաւ:

ՅՈՒՂԱՅԻ ՅՈՎՐԱՄ ԹԱԳԱԻՈՐԸ

(Բ. ՄԱՅ. 21. 1-20)

16 Իսրայէլի թագաւորին՝ Աքաաբեան Յովրամի հինգերորդ տարին, երբ Յովսափիատ դեռ Յուղայի վրայ կը թագաւորէր, Յուղայի Յովսափիատ թագաւորին որդին՝ Յովրամ թագաւոր եղաւ: **17** Ան երեսուներկու տարեկան էր՝ երբ թագաւոր եղաւ, ու երուսաղէմի մէջ ութ տարի թագաւորեց: **18** Ան Իսրայէլի թագաւորներուն ճամբայէն ընթացաւ, ինչպէս Աքաաբի տունը ըրաւ, որովհետեւ իր կինը՝ Աքաաբի աղջիկն էր: Տէրոց բառցեւ չարիք գործեց. **19** սակայն Տէրը Յուղան բնացնցել չուզեց, իր ծառային՝ Դաւիթի **սիրոյն** համար, ինչպէս անոր խոստացած որ թէ՝ իրեն եւ թէ իր որդիներուն ընդմիշտ ճրագ մը տայ:

20 Անոր օրերը՝ Եղովմայեցիները Յուղայի ձեռքին տակէն ապստամբեցան, եւ իրենց վրայ թագաւոր մը նշանակեցին: **21** Յովրամ **իր** բոլոր կառքերը իրեն հետ առաւ ու Սայիր անցաւ. գիշերը կանգնեցաւ, զինք շրջապատող Եղովմայեցիներն ու կառքերու վերահսկիչները զարկաւ. ժողովուրդն ալ իր վրանները փախաւ: **22** Բայց Եղովմայեցիները Յուղայի ձեռքին տակէն ապստամբեցան մինչեւ այսօր: Այդ ատեն Լեբնա ալ ապստամբեցաւ:

23 Յովրամի մնացեալ արարքներն ու անոր բոլոր ըրածները՝ ահա՝ Յուղայի թագաւորներուն ժամանակագրութեան գիրքին մէջ գրուած են: **24** Յովրամ իր հայրերուն հետ քնացաւ, ու իր հայրերուն հետ՝ Դաւիթի քաղաքին մէջ թաղուեցաւ: Անոր տեղ իր որդին՝ **Ոքոզիա** թագաւորեց:

^a **Եբր.**՝ կայունացուց

^b **Եբր.**՝ դրաւ

^c **Եբր.**՝ կրակի վրայ պիտի դնես

^d **Եբր.**՝ ըսաւ

^e Կամ՝ վերմակ

^f **Եբր.**՝ աչքերուն

^g **Եբր.**՝ բոլոր օրերը

^h Կամ՝ Ազարիա, կամ՝ Յովաքազ

ՅՈՒՂԱՅԻ ՈՔՈԶՀԱ ԹԱԳԱԻՈՐԸ

(Բ. ՄՅաց. 22. 1-16)

25 Իսրայէլի թագաւորին՝ Աքաաբեան Յովրամի տասներկրորդ տարին, Յուղայի Յովրամ թագաւորին որդին՝ Ոքոզիա թագաւոր եղաւ: **26** Ոքոզիա քսաներկու տարեկան էր՝ երբ թագաւոր եղաւ, ու Երուսաղէմի մէջ մէկ տարի թագաւորեց: Իր մայրը Իսրայէլի Ամրի թագաւորին աղջիկն էր՝ Գոթողիա անունով: **27** Ան Աքաաբի տան ճամբայէն ընթացաւ եւ Աքաաբի տան պէս Տէրոց առջեւ չարիք գործեց, քանի որ Աքաաբի տան փեսան էր: **28** Ան Աքաաբեան Յովրամի հետ Ռամովթ-Գաղաադ գնաց՝ Սուրիայի Ազայէլ թագաւորին դէմ պատերազմելու: Ասորիները Յովրամը վիրաւորեցին. **29** Ուստի Յովրամ թագաւորը վերադարձաւ, որպէսզի Յեզրայէլի մէջ բուժուի այն վէրքերէն՝ որ Ասորիները իրեն տուեր էին ՚Ռամովթի մէջ, երբ Սուրիայի Ազայէլ թագաւորին դէմ կը պատերազմէր: Այն ատեն Յուղայի թագաւորը, Յովրամի որդին՝ Ոքոզիա, Յեզրայէլի իշաւ, Աքաաբի որդին՝ Յովրամը տեսնելու, քանի որ ան հիւանդ էր:

ՅԵՌԻ ԻՍՐԱՅԷԼԻ ԹԱԳԱԻՈՐ Կ'ՕԾՈՒԻ

9

Եղիսէ մարգարէն՝ մարգարէներու որդիներէն մէկը կանչեց, եւ անոր ըսաւ. «Գօտին՝ մէ՛ջքդ կապէ, այս իւղի շիշը ձե՛ռքդ առ, ու Ռամովթ-Գաղաադ գնաց: **2** Երբ հոն հասնիս, Նամեսսեան Յովսափատի որդին՝ Յէո՛ն ՚գտիր, եւ մտնելով՝ իր եղբայրներուն մէջ կանգնեցո՛ւր զայն, ու ներքին սենեակ մը տար զայն: **3** Իւղի շիշը ա՛ռ, անոր գլուխին վրայ թափէ՛, եւ ըսէ՛. “Տէրը սա՛ կը յայտարարէ. “Ձեզ Իսրայէլի վրայ թագաւոր օծեցի՛: Ապա դո՛ւոք բաց ու փախի՛ր, մի՛ ուշանար»: **4** Ուստի այդ երիտասարդը – երիտասարդ մարգարէն – Ռամովթ-Գաղաադ գնաց:

5 Երբ հոն հասաւ, ահա՛ զօրապետները նստած էին: Ան ըսաւ. «Ո՛վ պետ, քեզի խօսք մը ունիմ»: Յէու ըսաւ. «Մեր բոլորէն որո՞ւն»: Ան ալ պատասխանեց. «Ձեզի՛, ո՛վ պետ»: **6** Յէու կանգնեցաւ ու տունէն ներս մտաւ. ան ալ իւղը անոր գլուխին վրայ թափեց եւ ըսաւ. «Տէրը՝ Իսրայէլի Աստուածը սա՛ կը յայտարարէ. “Ձեզ Տէրոց ժողովուրդին՝ Իսրայէլի վրայ թագաւոր օծեցի: **7** Զա՛րկ քու տիրոջդ՝ Աքաաբի տունը, որպէսզի ՚Յեզաբէլէն վրէժը առնեմ իմ ծառաներուս՝ մարգարէներուն արիւնին, ու Տէրոց բոլոր ծառաներուն արիւնին: **8** Աքաաբի ամբողջ տունը պիտի կորսուի, եւ Աքաաբի բոլոր ՚այր մարդիկը” – Իսրայէլի մէջ ՚բանտարկուածը կամ ազատը” – պիտի բնացնջեմ: **9** Աքաաբի տունը Նաբատի որդիին՝ Յերոբովամի տան պէս, եւ Աքիայի որդիին՝ Բաասայի տան պէս պիտի ընեմ: **10** Շունե՛րը պիտի ուտեն Յեզաբէլը՝ Յեզրայէլի ՚ագարակին մէջ, ու զայն թաղող պիտի

^հ Երբ.՝ Ռամայի^ս Երբ.՝ տես^բ Երբ.՝ Յեզաբէլի ձեռքէն^գ Երբ.՝ պատի վրայ միզողները^դ Երբ.՝ արգելափակուածը կամ ազատ թողուածը^ե Երբ.՝ ժառանգութեան բաժինին

ԹԱԳԱԻՈՐՆԵՐՈՒՆ Դ. ԳԻՐՅԸ

ՀԸԼԼԱՅ[□]»: Յետոյ դուռը բացաւ եւ փախաւ:

11 Երբ Յէու դուրս ելաւ՝ իր տիրոջ ծառաներուն քով, իրեն ըսին. «Պղջութի՞ւն է. այդ խելագարը ինչո՞ւ քեզի եկաւ»: Ինք անոնց պատասխանեց. «Դուք **այդ** մարդն ու անոր խօսքերը գիտէք»: 12 Անոնք ըսին. «^էՍուտ է. հաղորդէ՛ մեզի հիմա»: Ինք ալ պատասխանեց. «Անիկա ինծի սա'պէս եւ սա'պէս խօսեցաւ՝ ըսելով. “Տէրը սա՛ կը յայտարարէ. “Զեզ իսրայէլի վրայ թագաւոր օծեցի”[□]»: 13 Այն ատեն ամէն մարդ շտապելով իր հագուստը առաւ, ու անոր տակ դրին՝ աստիճաններուն բվերելը: Ապա շեփոր հնչեցմելով՝ ըսին. «Յէու թագաւոր եղաւ»:

ԻՄՐԱՅԷԼԻ ՅՈՎՐԱՄ ԹԱԳԱԻՈՐԸ ԿԸ ՄԵՂՅՈՒԻ

14 Այսպէս, Նամեսսեան Յովսափատի որդին՝ Յէու Յովրամի դէմ դաւադրեց, մինչ Յովրամ Ռամովթ-Գաղաադը կը պահպանէր ամբողջ իսրայէլի հետ՝ Սուրիայի Ազայէլ թագաւորին բաւատճառով: 15 (Սակայն Յովրամ թագաւորը Յեզրայէլ վերադարձած էր, բուժուելու համար Ասորիներուն տուած վէրքերէն՝ Սուրիայի Ազայէլ թագաւորին դէմ պատերազմած ատենը:) Յէու ըսաւ. «Եթէ ՞համամիտ էք», **այս** քաղաքէն ո՛չ մէկը ազատելով թող դուրս ելլէ ու երթայ **այս բանը** Յեզրայէլի մէջ պատմէ»:

16 Յէու **իր կառքը** նստաւ եւ Յեզրայէլ գնաց, քանի որ Յովրամ հոն պառկած էր. Յուղայի Ոքոզիա թագաւորն ալ Յովրամը տեսնելու իշած էր: 17 Յեզրայէլի մէջ՝ աշտարակին վրայ դէտ մը կայնած էր. Յէուի գունդին գալը տեսնելով՝ ըսաւ. «Գունդ մը կը տեսնեմ»: Յովրամ ըսաւ. «Հեծեալ մը առ, զանոնք դիմաւորելու դրկէ, ու թող ըսէ. “Խաղաղութի՞ւն է[□]»: 18 Զիաւորը զայն դիմաւորելու գնաց, եւ ըսաւ. «Թագաւորը սա՛ կ'ըսէ. “Խաղաղութի՞ւն է[□]»: Յէու պատասխանեց. «Դուն խաղաղութիւնը ի՞նչ պիտի ընես. ետե՛ս ՚անցիր»: Դէտը իմացուց. «Պատգամաւորը մինչեւ անոնց քով գնաց, բայց չվերադարձաւ»: 19 Յետոյ ուրիշ ձիաւոր մը դրկեց: Ան ալ անոնց գնաց եւ ըսաւ. «Թագաւորը սա՛ կ'ըսէ. “Խաղաղութի՞ւն է[□]»: Յէու պատասխանեց. «Դուն խաղաղութիւնը ի՞նչ պիտի ընես. ետե՛ս անցիր»: 20 Դէտն ալ իմացուց. «Մինչեւ անոնց քով գնաց բայց չվերադարձաւ: Ընթացքը Նամեսսեան Յէուի ընթացքին կը նմանի, քանի որ կատաղաբար կը վարէ»:

21 Այն ատեն Յովրամ ըսաւ. «Կառքը լծեցէ՛ք». ուստի իր կառքը լծեցին: Իսրայէլի թագաւորը՝ Յովրամ, ու Յուղայի թագաւորը՝ Ոքոզիա, դուրս ելան՝ իւրաքանչիւրը իր կառքով. անոնք դուրս ելան՝ Յէուն դիմաւորելու, եւ զայն Յեզրայէլացի Նաբովթի ագարակին մէջ գտան: 22 Երբ Յովրամ Յէուն տեսաւ՝ ըսաւ. «Յէո՛ւ, խաղաղութի՞ւն է»: Ան ալ պատասխանեց. «Ի՞նչպէս խաղաղութիւն ըլլայ, քանի քու մօրդ՝ Յեզաբէլի պոռնկութիւններն ու կախարդութիւնները կը շատնան»: 23 Յովրամ ձեռքերը դարձուց եւ

^գ **Երբ.**՝ Խաղաղութի՞ւն

^է **Կամ՝ Կեղծիք**

^բ **Երբ.**՝ ոսկորը

^թ **Երբ.**՝ Երեսէն

^ժ **Երբ.**՝ ձեր անձին փափաքն է

^ի **Երբ.**՝ դարձիր

ԹԱԳԱԻՈՐՆԵՐՈՒՆ Դ. ԳԻՐՅԸ

փախաւ, Ոքոզիայի ըսելով. «Ո՞վ Ոքոզիա, դաւաճանութիւն կայ»: **24** Յէու իր աղեղը ոյժով քաշեց», ու Յովրամը նուսերուն մէջտեղէն զարկաւ: Նետը անոր սիրտէն ելաւ, եւ ան իր կառքին մէջ կըեցաւ: **25** Յետոյ Յէու իր զօրավարին՝ Բաղեկարի ըսաւ. «Վերցո՛ր ասիկա ու նետէ՛ զայն Յեզրայելացի Նաբովթի ծալուածին ագարակին մէջ: Արդարեւ յիշէ՛թէ երբ ես ու դուն անոր հօր՝ Աքաարի ետեւէն միասին կ'երթայինք, կառքը նստած», Տէրը անոր ծղէմ սա՛ վծիոր տուաւ»: **26** “Ի՞րապէս երէկ Նաբովթի արիւնն ու անոր որդիներուն արիւնը տեսայ, – կը յայտարարէ Տէրը, – եւ այս ագարակին մէջ քեզի պիտի հատուցանեմ, – կը պատգամէ Տէրը[□]: Ուստի վերցո՛ր հիմա ու նետէ՛ զայն այս ագարակին մէջ, Տէրոց խօսքին համաձայն»:

ՅՈՒՂԱՅԻ ՈՅՈԶԻԱ ԹԱԳԱԻՈՐԸ ԿԸ ՄԵՌՅՈՒԻ

27 Յուղայի Ոքոզիա թագաւորը **ասիկա** տեսնելով՝ պարտէզի տան ճամբայէն փախաւ: Յէու զայն հետապնդելով՝ ըսաւ. «Զի՞նք ալ զարկէք՝ կառքին վրայ»: **Այդպէս ալ եղաւ** Յերդաամի քով եղող Գուրի զառիվերին վրայ: **Ոքոզիա** Մակեդոնվ փախաւ, ու հոն մեռաւ: **28** Անոր ծառաները զինք կառքով երուաղէմ տարին, եւ զինք Դակիթի քաղաքը՝ իր գերեզմանին մէջ թաղեցին, իր հայրերուն հետ:

29 Ոքոզիա Աքաարի որդիին՝ Յովրամի տասնմէկերորդ տարին Յուղայի վրայ թագաւոր եղեր էր:

ՅԵԶԱԲԷԼ ԹԱԳՈՒՀԻՆ ԿԸ ՄԵՌՅՈՒԻ

30 Երբ Յէու Յեզրայէլ եկաւ՝ Յեզարէլ լսեց. իր աչքերուն ծարոյր դրաւ, գլուխը զարդարեց, ու պատուհանէն նայեցաւ: **31** Մինչ Յէու դռնէն ներս կը մտնէր, ան ըսաւ. «Միթէ իր տէրը մեռցնող Զամբրի խաղաղութիւն ունեցա՞ւ»: **32** Յէու իր երեսը դէսի պատուհանը վերցուց, եւ ըսաւ. «Ինծի հետ ո՞վ կայ, ո՞վ»: Երկու-երեք ներքինիներ իրեն նայեցան: **33** Ուստի ըսաւ. «Զինք վա՛ր նետեցէք»: Զայն վար նետեցին. անոր արիւնէն պատին ու ծիերուն վրայ ցայտեց: Ինք զայն կոխկոտեց, **34** ապա ներս գնաց, եւ կերաւ ու խմեց: Յետոյ ըսաւ. «Այժմ գացէք, տեսէք այդ անիծեալ կինը, ու թաղեցէք զայն, քանի որ թագաւորի աղջիկ է»: **35** Զայն թաղելու գացին. բայց անոր գանկէն, ոտքերէն եւ ծեռքերուն ափերէն զատ ուրիշ ոչինչ գտան: **36** Ուստի վերադարձան ու Յէուի պատմեցին: Ան ալ ըսաւ. «Ասիկա Տէրոց խօսքն է, որ իր ծառային՝ Թեզբացի Եղիայի միջոցով ըսաւ. “Յեզարէլի մարմինը շունե՛ր պիտի ուտե՛ն՝ Յեզրայէլի ագարակին մէջ, **37** ու Յեզարէլի դիակը արտի մակերեսին վրայ եղող աղբի պէս պիտի ըլլայ Յեզրայէլի

¹ **Երբ.**՝ աղեղով իր ձեռքը լեցուց

² **Երբ.**՝ բազուկներուն

³ **Երբ.**՝ արտին

⁴ **Երբ.**՝ զոյգ մը

⁵ **Կամ՝ ծիերու վրայ** հեծած

⁶ **Երբ.**՝ վրայ սա՛ բեռը դրաւ

⁷ **Երբ.**՝ ձեռքով

ագարակին մէջ, այնպէս որ պիտի չըսուի. "Ասիկա Ձեզաբէլն է'□»:

ԱՅՍԱԲԻ ԶԱՐՄԸ ԿԸ ՄԵՌՅՈՒԻ

10

Աքաաբ Սամարիայի մէջ եօթանասուն որդի ունէր: Յէու անամակ մը գրեց, ու Սամարիա ղրկեց՝ Ձեզրայէլի իշխանաւորներուն, երէցներուն եւ Աքաաբի **որդիներուն** հոգատարներուն՝ ըսելով. **2** «Հիմա, երբ այս նամակը ձեզի հասնի, քանի ձեր տիրոջ որդիները ձեր քով են, ու կառքեր, ծիեր, պարսպապատ քաղաք եւ գէնքեր ալ ունիք, **3** նայեցէք թէ ձեր տիրոջ որդիներէն ո՞րն է լաւագոյնը եւ յարմարագոյնը, **զայն** իր հօր գահին վրայ դրէք, ու ձեր տիրոջ տան համար պատերազմեցէք»: **4** Անոնք չափազանց վախցան, եւ ըսին. «Ահա՝ երկու թագաւորներ **չկրցան** անոր բիմադրել, մենք ի՞նչպէս պիտի դիմադրենք»: **5** Ուստի **արքունապետը, դքաղաքապետը, երէցներն** ու հոգատարները Յէուի **մարդ** ղրկեցին եւ ըսին. «**Մենք** քու ծառաներդ ենք. ինչ որ մեզի հրամայես՝ պիտի ընենք. ո՞չ մէկը թագաւոր պիտի նշանակենք: **բեզի հաճելի**՝ եղածը ըրէ»:

6 **Յէու** անոնց երկրորդ անգամ նամակ գրեց՝ ըսելով. «Եթէ դուք ինձի հետ էք եւ իմ խօսքս մտիկ կ'ընէք, ձեր տիրոջ որդիներուն գլուխները առէք ու վաղը այս ատեն ինձի՝ եկէք՝ Ձեզրայէլ»: Թագաւորին որդիները եօթանասուն **հոգի էին**, եւ զիրենք մեծցնող քաղաքի մեծերուն քով էին: **7** Երբ նամակը անոնց հասաւ՝ թագաւորին որդիները բոնեցին, եօթանասուն հոգին ալ մորթեցին, անոնց գլուխները կողովներու մէջ դրին, ու անոր ղրկեցին՝ Ձեզրայէլ: **8** Լրաբեր մը եկաւ եւ անոր իմացուց. «Թագաւորին որդիներուն գլուխները բերին»: Ան ալ ըսաւ. «Զանոնք մինչեւ առտու դրան մուտքը դրէք՝ երկու դէզ ընելով»: **9** Առտուն դուրս եկաւ, կայնեցաւ եւ ամբողջ ժողովուրդին ըսաւ. «Դուք արդար էք. ահա՝ ես իմ տիրոջս դէմ դաւադրեցի ու զինք մեռցուցի, բայց ասոնք բոլորը ո՞վ մեռցուց: **10** Ուրեմն գիտցէք թէ ոչինչ գետին պիտի իյնայ Տէրոջ խօսքէն, որ Տէրը Աքաաբի տան համար ըսաւ, ու Տէրը իր ծառային՝ Եղիայի **միջոցով** ըսածը իրագործեց»: **11** Յէու Ձեզրայէլի մէջ մեռցուց Աքաաբի տունէն բոլոր մնացածները, անոր բոլոր մեծերը, ճանչուրներն ու քուրմերը, այնպէս որ անոր ո՞չ մէկ մնացորդ թողուց:

ՊԵՂՋԻԱՅԻ ԱԶԳԱԿԱՆՆԵՐԸ ԿԸ ՄԵՌՅՈՒԻՆ

12 Յէտոյ կանգնեցաւ, եւ Սամարիա գնաց: Ճամբան՝ երբ հովիւներու **բեթակադր հասաւ**, **13** Յէու Յուրայի Ոքոզիա թագաւորին եղբայրները գտաւ ու **անոնց** ըսաւ. «Դուք

^ա **Երբ.**՝ գրութիւն

^բ **Երբ.**՝ առջեւ կայնիլ

^գ **Երբ.**՝ թագաւորին տան վրայ եղողը

^դ **Երբ.**՝ Աչքերուդ լաւ

^ե **Երբ.**՝ մարդ

^բ **Երբ.**՝ ձեռքով

^զ **Կամ** խուզելու տունը

ԹԱԳԱԻՈՐՆԵՐՈՒՆ Դ. ԳԻՐՅԸ

ո՞վ էք»: Անոնք պատասխանեցին. «Ոքոզիայի եղբայրներն ենք. թագաւորին որդիներն ու թագուհին «որդիները ողջունելու իշանք»: 14 Այն ատեն ան ըսաւ. «Ասոնք ո՞չ բռնեցէք»: Զանոնք ողջ բռնեցին, եւ Բեթակաղի ջրհորին քով զանոնք մորթեցին: Քառասուներկու հոգի էին. անոնցմէ ո՛չ մէկը ողջ թողուց:

15 Անկէ գնաց, ու զինք դիմաւորող Ռեքարի որդին՝ Թովնադաբը գտաւ: Զայն բարեւեց ու ըսաւ. «Ինչպէս իմ սիրտս քու սիրտիդ հետ ուղիղ է, արդեօք քու սիրտդ ալ նոյնպէս ուղիղ է»: Թովնադաբ պատասխանեց. «Այո»: «Ուրեմն ձե՛ռքդ տուր»: Ան ալ ձեռքը տուաւ: Զայն իր քով բարձրացուց՝ կառքին մէջ, 16 եւ ըսաւ. «Ինծի՝ հետ եկուր, ու Տէրոց համար ունեցած նախանձախնդրութիւնս տե՛ս»: Այսպէս՝ իր կառքը նստեցուցին զայն: 17 Սամարիա գնաց եւ Սամարիայի մէջ Աքաաբէն բոլոր մնացածները զարկաւ, մինչեւ որ զայն բնաջնջեց՝ այն խօսքին համաձայն, որ Տէրը Եղիայի ըսեր էր:

ԲԱՀԱԿԱՐԱԳՈՒՆԵՐԸ ԿԸ ՄԵՌՑՈՒԻՆ

18 Յէու ամբողջ ժողովուրդը հաւաքեց, եւ անոնց ըսաւ. «Աքաաբ Բահաղը քիչ պաշտեց, Յէու զայն շատ պիտի պաշտէ. 19 ուստի Բահաղի բոլոր մարգարէները, բոլոր ծառաներն ու բոլոր քուրմերը ինծի՝ կանչեցէք: Ո՛չ մէկը թող պակսի, քանի որ Բահաղի մեծ զոհ մը ՚պիտի մատուցանեմ». ո՞վ որ պակսի՝ պիտի չապրի»: Յէու խաբէութեամբ վարուեցաւ, որպէսզի Բահաղի պաշտամունք կատարողները կորսնցնէ: 20 Յէու ըսաւ. «Բահաղի համար տօնախմբութիւն մը ՚յայտարարեցէք»: անոնք ալ յայտարարեցին: 21 Յէու ամբողջ հսրայէլի պատգամաւորներ դրկեց, եւ բոլոր Բահաղի պաշտամունք կատարողները եկան, այնպէս որ ՚բացակայ մարդ չմնաց»: Բահաղի տունը մտան, ու Բահաղի տունը ծայրէ ծայր լեցուեցաւ: 22 Այն ատեն հանդերձապետին ըսաւ. «Պատմուճաններ դուրս հանէ բոլոր Բահաղի պաշտամունք կատարողներուն համար»: Ան ալ պատմուճաններ հանեց անոնց: 23 Յէու Ռեքարի որդին՝ Թովնադաբի հետ Բահաղի տունը մտաւ, եւ Բահաղի պաշտամունք կատարողներուն ըսաւ. «Քննեցէք ու նայեցէք, որ հոս՝ ձեզի հետ՝ Եհովայի ծառաներէն ո՛չ մէկը գտնուի, հապա՝ միայն Բահաղի պաշտամունք կատարողները»: 24 Երբ զոհեր ու ողջակէզներ ընծայելու մտան, Յէու դուրսը ութսուն մարդ դրաւ եւ անոնց ըսաւ. «Ո՞վ որ ձեր ձեռքը բերած մարդոցմէս մէկը ձգէ որ խոյս տայ, իր անձը անոր անձին տեղ պիտի ըլլայ»: 25 Երբ ողջակէզին ընծայումը աւարտեցաւ, Յէու սուրհանդակներուն ու զօրավարներուն ըսաւ. «Ներս մտէք, զանոնք ՚մեռցուցէք. ո՛չ մէկը դուրս թող ելլէ»: Ուստի զանոնք սուրի բերանէ անցուցին: Սուրհանդակները եւ զօրավարները զանոնք նետեցին. յետոյ Բահաղի տան քաղաքը գացին: 26 Բահաղի տան արձանները դուրս հանեցին, ու զանոնք կրակով այրեցին: 27 Բահաղի արձանը տապալեցին, Բահաղի տունը փլցուցին եւ զայն արտաքնոց ըրին մինչեւ

¤ Երր.՝ տիրուհիին

¤ Երր.՝ խաղաղութիւնը հարցնելու

¤ Երր.՝ ունիմ

¤ Երր.՝ սրբեցէք

¤ Երր.՝ ո՛չ մէկ մարդ մնաց՝ որ չեկաւ

¤ Երր.՝ զարկէք

ԹԱԳԱԻՈՐՆԵՐՈՒՆ Դ. ԳԻՐՅԸ

այսօր: **28** Այսպէս՝ Յէու Խորայէլէն քնազնցեց Բահաղը: **29** Սակայն Յէու Խորայէլի մեղանչել տուող Նաբատեան Յերոբովամի մեղքերէն՝ այսինքն Բեթէլի ու Դանի մէջ եղող ոսկիէ հորթերէն՝ չհեռացաւ:

30 Տէրը Յէուի ըսաւ. «Զանի դուն լաւ Վարուեցար՝ գործադրելով ինչ որ իմ Կառջեւս ուղիղ է, **եւ** Աքաարի տան ըրիր բոլորովին իմ սիրտիս մէջ **եղածին** համաձայն, քու որդիներդ Խորայէլի գահին վրայ պիտի բազմին՝ մինչեւ չորրորդ **սերունդը**»: **31** Սակայն Յէու ուշադիր չեղաւ ամբողջ սիրտով ընթանալու Տէրոց՝ Խորայէլի Աստուծոյն Օրէնքին համաձայն, **եւ** Խորայէլի մեղանչել տուող Յերոբովամի մեղքերէն չհեռացաւ:

ՅԷՌԻԻ ՄԱՀԸ

32 Այդ օրերը Տէրը սկսաւ Խորայէլը՝ կոտորել. Ազայէլ Խորայէլի բոլոր սահմաններուն մէջ զանոնք զարկաւ... **33** Յորդանանէն դէպի արեւելք՝ ամբողջ Գաղաադի երկիրը, **այսինքն**՝ Գաղեանները, Ռուբէնեաններն ու Մանասեանները՝ Անոնի ձորին վրայ եղող Արոէրէն մինչեւ Գաղաադ եւ Բասան:

34 Յէուի մնացեալ արարքները, անոր բոլոր ըրածներն ու բոլոր քաջութիւնները՝ ահա՝ Խորայէլի թագաւորներուն ժամանակագրութեան գիրքին մէջ գրուած են: **35** Յէու իր հայրերուն հետ քնացաւ, եւ զինք Սամարիայի մէջ թաղեցին: Անոր տեղ իր որդին՝ Յովաքազ թագաւոր եղաւ: **36** «Յէու քսանութ տարի թագաւորեց» Խորայէլի վրայ՝ Սամարիայի մէջ:

ՅՈՒՂԱՅԻ ԳՈԹՈՂԻՍ ԹԱԳՈՒՑԻՆ

(Բ. Մնաց. 22. 10-23. 15)

11

Ոքոգիայի մայրը՝ Գոթողիա, իր որդիին մեռնիլը տեսնելով՝ կանգնեցաւ եւ ամբողջ թագաւորական զարմը կորսնցուց: **2** Բայց Յովրամ թագաւորին աղջիկը, Ոքոգիայի քոյրը՝ Յոսարէ, Ոքոգիայի որդին՝ Յովասը առաւ, ու թագաւորին սպաննուող որդիներուն մէջէն զայն գողցաւ. զինք ննջարանին մէջ՝ «պահեցին Գոթողիայի բազքերէն, **այսինքն** զինք եւ իր սնուցիչը, ուստի չմեռցուեցաւ: **3** Ինք անոր հետ վեց տարի Տէրոց տան մէջ պահուեցաւ, մինչ Գոթողիա կը թագաւորէր երկրին վրայ:

4 Եօթներորդ տարին՝ Յովիադա **մարդ** դրկեց, հարիւրապետները, թիկնապահներն ու սուրհանդակները կանչեց, եւ զանոնք իր քով՝ Տէրոց տունը բերաւ: Անոնց հետ ուստ կնքեց ու Տէրոց տան մէջ անոնց երդում ընել տուաւ, ապա թագաւորին որդին անոնց ցուցուց: **5** Յետոյ անոնց պատուիրեց. «Ահաւասիկ ինչ որ պիտի ընէք... ձեր մէկ երրորդը, որ Շաբաթ **օրը** **Դիր** պաշտօնը պիտի ստանձնէ», թագաւորին տան պահպանութիւնը պիտի

⁴ **Երը.**՝ աչքերուս

⁵ **Երը.**՝ ծայրատել

⁶ **Երը.**՝ Յէուի թագաւորած օրերը քսանութ տարի եղան

⁷ **Երը.**՝ ծածկեցին

⁸ **Երը.**՝ երեսէն

⁹ **Երը.**՝ պիտի մտնէ

ԹԱԳԱԻՈՐՆԵՐՈՒՆ Դ. ԳԻՐՅԸ

ընէ, **6** մէկ երրորդը՝ Սուլի դուռը պիտի **կենայ**, մէկ երրորդն ալ՝ սուրհանդակներուն ետեւի դուռը: Այսպէս՝ տան պահպանութիւնը պիտի ընէք, որպէսզի մուտքը արգիլուի: **7** Զեզմէ երկու գունդ, **այսինքն** բոլոր անոնք՝ որ Շաբաթ **օրը իրենց** “պաշտօնէն պիտի արձակուին”, **Տէրոց** տան պահպանութիւնը պիտի ընէն՝ թագաւորին շուրջը: **8** Թագաւորը բոլորածեւ պիտի շրջապատէք, իւրաքանչիւրը իր զէնքերը ձեռքը **բռնած**. ո՞վ որ շարքերէն ներս մտնէ՝ պիտի մեղոցուի: Այսպէս՝ թագաւորին հետ պիտի ըլլաք թէ՝ դուրս ելած եւ թէ ներս մտած ատենը»:

9 Հարիւրապետները Յովիադա քահանային բոլոր պատուիրածներուն համաձայն ըրին: Իւրաքանչիւրը իր մարդիկը առաւ, թէ՝ Շաբաթ **օրը** “պաշտօն ստանձնողները”, թէ՝ ալ Շաբաթ **օրը** “պաշտօնէ արձակուողները”, եւ Յովիադա քահանային քով եկան: **10** Քահանան **Տէրոց** տունը եղած Դաւիթ թագաւորին նիզակներն ու վահանները հարիւրապետներուն տուաւ: **11** Սուրհանդակները – իւրաքանչիւրը իր զէնքերը ձեռքը **առած** – թագաւորին շուրջը ^էտեղատրուեցան, տան աջ ^{թեւէն} մինչեւ տան ձախ թեւը, զոհասեղանին եւ տան քով: **12** Ինք ալ թագաւորին որդին դուրս հանեց, անոր վրայ ^թթագն ու վկայութիւնը դրաւ, եւ զայն թագաւոր հոչակեցին. զայն օծեցին ու ծափ զարնելով՝ ըսին. «Ապրի՛ թագաւորը»:

13 Երբ Գոթողիա ^ծվազող ժողովուրդին աղմուկը լսեց, **Տէրոց** տունը եկաւ՝ ժողովուրդին քով, **14** ու տեսաւ թէ ահա՛ թագաւորը սիւնին քով կայնած էր՝ սովորութեան համաձայն, իշխանաւորներն ու փողահարներն ալ թագաւորին քով էին: Երկրին ամբողջ ժողովուրդը կ'ուրախանար, եւ փողեր կը հնչեցնէին: Այս ատեն Գոթողիա իր հագուստները պատոեց ու պոռաց. «Դաւադրութիւն է, դաւադրութիւն»: **15** Յովիադա քահանան զօրագունդին վրայ նշանակուած հարիւրապետներուն հրամայեց՝ անոնց ըսելով. «Զայն շարքերէն հանեցէք, եւ անոր հետեւողը սուրո՞վ մեղոցուցէք». (արդարեւ քահանան ըսեր էր. «Տէրոց տան մէջ թող չմեղոցուի»:) **16** Զայն ձերբակալեցին, ու երբ թագաւորին տունը կը հասնէր՝ ձիերու մուտքէն, հոն մեղոցուեցաւ:

ՅՈՎԻԱԴԱՅԻ ԲԱՐԵԿԱՐԳՈՒԹԻՒՆԸ

(Բ. Մնաց. 23. 16-21)

17 Յովիադա ուխտ կնքեց **Տէրոց** եւ թագաւորին ու ժողովուրդին միջեւ, որպէսզի **Տէրոց** ժողովուրդը ըլլան. նաեւ թագաւորին եւ ժողովուրդին միջեւ: **18** Երկրին ամբողջ ժողովուրդը Բահաղի տունը մտաւ. զայն փլցուցին, անոր բագիններն ու պատկերները կոտրտեցին, եւ Բահաղի քուրմը՝ Մատթանը բագիններուն առջեւ մեղոցուցին: Քահանան **Տէրոց** տան մէջ վերատեսուչներ նշանակեց. **19** ապա հարիւրապետները, թիկնապահները,

^բ **Երբ.**՝ դուրս պիտի ելլեն

^բ **Երբ.**՝ մտնողները

^գ **Երբ.**՝ դուրս ելլողները

^հ **Երբ.**՝ կայնեցան

^լ **Երբ.**՝ ուսէն

^բ **Երբ.**՝ պսակն

^ժ **Կամ** սուրհանդակներուն **ու**

ԹԱԳԱԻՈՐՆԵՐՈՒՆ Դ. ԳԻՐՅԸ

սուրհանդակներն ու երկրին ամբողջ ժողովուրդը առաւ, թագաւորը Տէրոց տունէն իշեցուցին, եւ սուրհանդակներու դրան ճամբայէն թագաւորին տունը մտան: **Յովաս** թագաւորներու գահին վրայ բազմեցաւ: **20** երկրին ամբողջ ժողովուրդը ուրախացաւ, ու քաղաքը հանդարտ մնաց. իսկ Գոթողիան թագաւորին տան քով սուրով մեղցուցած էին: **21** Յովաս եօթը տարեկան էր՝ երբ թագաւոր եղաւ:

ՅՈՒՂԱՅԻ ՅՈՎԱՍ ԹԱԳԱԻՈՐԸ

(Բ. Մնաց. 24. 1-16)

12

Յէուի եօթներորդ տարին՝ Յովաս թագաւոր եղաւ, ու երուսաղէմի մէջ քառասուն տարի թագաւորեց: Իր մօր անունը Սաբիա էր՝ Բերսաբէ քաղաքէն: **2** Յովաս ըրաւ ինչ որ Տէրոց առջեւ ուղիղ է այն բոլոր օրերուն մէջ, երբ Յովիադա քահանան իրեն կը սորվեցնէր: **3** Սակայն բարձր տեղերը չհանուեցան. ժողովուրդը տակաւին բարձր տեղերու վրայ զոհ կը մատուցանէր ու խունկ կը ծխէր:

4 Յովաս քահանաներուն ըսաւ. «Տէրոց տունը բերուած բուրբ բաներուն» ամբողջ դրամը – **թուարկուելու համար** անցնող մարդոց դրամը, գնահատուած անձերուն դրամը, այն ամբողջ դրամը՝ որ մէկուն սիրտէն կը բխի Տէրոց տունը բերելու –, **5** քահանաները թող առնեն՝ իւրաքանչիւրը իր ծանօթներէն, եւ տան ճեղքերը նորոգեն – ուր որ ճեղք մը գտնուի»:

6 Սակայն Յովաս թագաւորին քսաներեցերորդ տարին՝ քահանաները **տակաւին** տան ճեղքերը նորոգած չէին: **7** Յովաս թագաւորը **իրեն** կանչեց Յովիադա քահանան ու **միւս** քահանաները, եւ անոնց ըսաւ. «Տան ճեղքերը ինչո՞ւ նորոգած չէք: Հիմա ձեր ծանօթներէն **ալ** դրամ մի՛ առնէք, հապա զայն տուէ՛ք տան ճեղքերուն համար»: **8** Քահանաները համաձայնեցան որ **ալ** դրամ չառնեն ժողովուրդէն, **ո՞չ** ալ տան ճեղքերը նորոգեն»: **9** Ուստի Յովիադա քահանան սնտուկ մը առաւ, անոր կափարիչին վրայ ծակ մը բացաւ, եւ զայն գոհասեղանին քով՝ Տէրոց տունը մտնողներուն աջ կողմը դրաւ: **Պ** Դրան պահապան քահանաները Տէրոց տունը բերուած ամբողջ դրամը հոն կը դնէին: **10** Երբ տեսնէին թէ սնտուկին մէջ դրամը շատցեր է, թագաւորին ատենադպիրն ու քահանայապետը կը բարձրանային, եւ Տէրոց տունը գտնուած դրամը համրելով կը ծրարէին: **11** Կշռուած արծաթը գործակատարներուն – Տէրոց տան վերատեսուչներուն – ձեռքը կը յանձնէին, որպէսզի անոնք վճարեն Տէրոց տան մէջ գործող հիւսներուն, կառուցանողներուն, **12** որմնադիրներուն ու քարակոփներուն. նաեւ գնեն Տէրոց տան ճեղքերը նորոգելու համար փայտեր ու կոփուած քարեր, եւ ծախսեն տան նորոգութեան

^ի Երբ.՝ էր

^ա Երբ.՝ աչքերուն

^բ Երբ.՝ սրբացուածներուն

^գ Երբ.՝ բարձրանայ

^դ Կամ՝ առանց նորոգելու տան ճեղքերը

^ե Երբ.՝ ծակեց

^գ Երբ.՝ Սեմին

ԹԱԳԱԻՈՐՆԵՐՈՒՆ Դ. ԳԻՐՅԸ

պէտք եղած բոլոր բաներուն համար: **13** Բայց Տէրոց տունը բերուած դրամէն՝ Տէրոց տան համար արծաթէ գաւաթներ, բազմակալներ, կոնքեր, փողեր ու ոսկիէ անօթներ կամ արծաթէ անօթներ **բնաւ** չշինուեցան. **14** արդարեւ գործակատարներուն կու տային զայն, որպէսզի անով Տէրոց տունը նորոգեն: **15** Հաշիւ չէին պահանջեր անոնցմէ, որոնց ձեռքը կը յանձնէին այդ դրամը՝ գործաւորներուն տալու համար, քանի որ անոնք հաւատարմութեամբ կը վարուէին: **16** Յանցանքի դրամը եւ մեղքի դրամը Տէրոց տունը չէին մտներ. անոնք քահանաներուն կը պատկանէին:

17 Այդ ատեն Սուրիայի Ազայէլ թագաւորը բարձրացաւ, Գէթի դէմ պատերազմեցաւ ու զայն գրաւեց. յետոյ Ազայէլ իր երեսը դարձուց՝ որպէսզի Երուսաղէմի դէմ բարձրանայ: **18** Ուստի Յուդայի թագաւորը՝ Յովաս, իր հայրերուն՝ Յուդայի թագաւորներուն՝ Յովսափատի, Յովրամի ու Ոքոզիայի Ծնծայած բոլոր սուրբ բաները, իր **ընծայած** սուրբ բաները, նաեւ Տէրոց տան եւ թագաւորին տան գանձարաններուն մէջ գտնուած ամբողջ ոսկին առաւ, ու Սուրիայի Ազայէլ թագաւորին դրկեց. ան ալ Երուսաղէմի դէմ բարձրանալէն **հրաժարեցաւ**:

19 Յովասի մնացեալ արարքներն ու անոր բոլոր ըրածները՝ ահա՛ Յուդայի թագաւորներուն ժամանակագրութեան գիրքին մէջ գրուած են: **20** Անոր ծառաները կանգնեցան, դաւադրութիւն մը **կազմակերպեցին** ու Յովասը զարկին Մելոնի տան մէջ, որ Սիլլայի զառիվայրին վրայ է: **21** Անոր ծառաները, Սամէթի որդին՝ Յովզաքար, եւ Սովմերի որդին՝ Յովզաքադ, զայն զարկին, ու մեռաւ: Զայն իր հայրերուն հետ՝ Դաւիթի քաղաքին մէջ թաղեցին: Անոր տեղ իր որդին՝ Ամասիա թագաւոր եղաւ:

ԽՄՐԱՅԷԼԻ ՅՈՎԱՔԱՋ ԹԱԳԱԻՈՐԸ

13

Յուդայի թագաւորին՝ Ոքոզիայի որդիին՝ Յովասի քսաներեքերորդ տարին, Իսրայէլի վրայ Ֆէուի որդին՝ Յովզաքադ թագաւոր եղաւ Սամարիայի մէջ, **ու** տասնեօթը տարի **թագաւորեց**: **2** Տէրոց ^{առջեւ չարիք գործեց}, եւ Իսրայէլի մեղանչել տուող Նարատեան Յերորվամի մեղքերուն հետեւեցաւ, անոնցմէ չհեռացաւ: **3** Ուստի Տէրոց բարկութիւնը Իսրայէլի դէմ բորբոքեցաւ, ու զանոնք Սուրիայի Ազայէլ թագաւորին ձեռքը մատնեց, նաեւ Ազայէլի որդիին՝ Բենադադի ձեռքը, **ասոնց** բոլոր օրերը:

4 Երբ Յովաքադ Տէրոց ^{պաղատեցաւ}, Տէրը անոր մտիկ ըրաւ. արդարեւ տեսաւ Իսրայէլի տանջանքը՝ որով Սուրիայի թագաւորը գանոնք կը չարչարէր: **5** Տէրը Իսրայէլի փրկիչ մը տուաւ, եւ Ասորիներու ^{ճեռքէն ազատեցան}. ուստի Իսրայէլի որդիները ^{առաջուան պէս} իրենց վրաններուն մէջ բնակեցան: **6** Սակայն Իսրայէլի մեղանչել տուող Յերորվամի տան մեղքերէն չհեռացան, **հապա** անոնց մէջէն ընթացան. նոյնիսկ ^{Աստարովթի կուոքը} “Սամարիայի մէջ կանգուն **մնաց**: **7** **Տէրը** Յովաքադի ^{զօրքէն} միայն

^է **Երբ.**՝ սրբացուցած

^ա **Երբ.**՝ աչքերուն

^բ **Երբ.**՝ Երեսին պաղատեցաւ

^գ **Երբ.**՝ ճեռքին տակէն ելան

^դ **Երբ.**՝ Երէկուան ու նախորդ օրուան

^ե **Երբ.**՝ աստարովթը

ԹԱԳԱԻՈՐՆԵՐՈՒՆ Դ. ԳԻՐՅԸ

յիսուն ծիաւոր, տասը կառք ու տասը հազար հետեւակ թողուց, որովհետեւ Սուրիայի թագաւորը հմիւնները կորսնցուցեր էր. զանոնք կոխվոտուած հողի պէս ըրեր էր:

8 Յովաքազի մնացեալ արարքները, անոր բոլոր ըրածներն ու քաջութիւնը՝ ահա՝ իսրայէլի թագաւորներուն ժամանակագրութեան գիրքին մէջ գրուած են: **9** Յովաքազ իր հայրերուն հետ քնացաւ: Զայն Սամարիայի մէջ թաղեցին, եւ անոր տեղ իր որդին՝ Յովաս թագաւոր եղաւ:

ԻՍՐԱՅԷԼԻ ՅՈՎԱՍ ԹԱԳԱԻՈՐԸ

10 Յուդայի Յովաս թագաւորին երեսուննօթներորդ տարին, իսրայէլի վրայ Յովաքազի որդին՝ Յովաս թագաւոր եղաւ Սամարիայի մէջ, **ու** տասնվեց տարի **թագաւորեց**: **11** Տէրոց առջեւ չարիք գործեց, **եւ** իսրայէլի մեղանչել տուող Նաբատեան Յերոբովամի բոլոր մեղքերէն չհեռացաւ, **հապա** անոնց մէջէն ընթացաւ:

12 Յովասի մնացեալ արարքներն ու անոր բոլոր ըրածները, եւ Յուդայի Ամասիա թագաւորին դէմ պատերազմած ատեն իր **ցոյց տուած քաջութիւնը՝ ահա՝ իսրայէլի թագաւորներուն ժամանակագրութեան գիրքին մէջ գրուած են**: **13** Յովաս իր հայրերուն հետ քնացաւ, ու Յերոբովամ բազմեցաւ անոր գահին վրայ: Յովաս Սամարիայի մէջ թաղունցաւ՝ իսրայէլի թագաւորներուն հետ:

ԵՂԻՍԵՒ ՄԱՀԸ

14 Եղիսէ հիւանդացաւ, եւ իր հիւանդութենէն պիտի մեռնէր: Իսրայէլի թագաւորը՝ Յովաս անոր իջաւ, անոր երեսին վրայ **իշնալով** լացաւ եւ ըսաւ. «Իմ հայրս, իմ հայրս, իսրայէլի կառքն ու անոր ծիաւորները»: **15** Եղիսէ անոր ըսաւ. «Աղե՛ն մը եւ նետե՛ր առ»: Ան ալ աղեղ մը ու նետեր առաւ: **16** Եղիսէ իսրայէլի թագաւորին ըսաւ. «Չեռքդ աղեղին վրայ զետեղէ»: Ան ձեռքը դրաւ. Եղիսէ ալ իր ձեռքերը թագաւորին ձեռքերուն վրայ դրաւ, **17** եւ ըսաւ. «Արեւելեան կողմի պատուհանը բաց»: Ան ալ բացաւ: Եղիսէ ըսաւ. «Արձակէ»: Ան ալ արձակեց: **Այց ատեն Եղիսէ** ըսաւ. «Տէրոց փրկութեան նետը, ու Սուրիայի **վրայ տարուած յաղթանակի**» նետը. արդարեւ Ասորիները Ավիեկի մէջ պիտի զարնես՝ մինչեւ որ հատցնես»: **18** Նաեւ ըսաւ. «Ա՞ն նետերը». ան ալ առաւ: **Եղիսէ** իսրայէլի թագաւորին ըսաւ. «Գետինը զարկ»: Ան ալ երեք անգամ **գետինը** զարկաւ, ու կեցաւ: **19** Աստուծոյ մարդը անոր դէմ զայրանալով՝ ըսաւ. «Եթէ հինգ կամ վեց անգամ զարնէիր, այն ատեն Սուրիան պիտի զարնէիր եւ պիտի հատցնէիր. բայց հիմա Սուրիան **միայն երեք անգամ պիտի զարնես**»:

20 Եղիսէ մեռաւ, ու զինք թաղեցին: «Հետեւեալ տարին» Մովաքացիներուն գունդերը երկիրը ներխուժեցին: **21** Երբ մարդ մը կը թաղէին, ահա՝ գունդ մը տեսան, ու մարդը Եղիսէի գերեզմանը նետեցին: Երբ **այդ** մարդը Եղիսէի ոսկորներուն դպաւ՝ վերապրեցաւ, եւ իր ոտքերուն վրայ կանգնեցաւ:

^a **Եբր.**՝ ժողովուրդէն

^b **Եբր.**՝ զանոնք

^c **Եբր.**՝ դէմ փրկութեան

^d **Եբր.**՝ Տարեմուտին

22 Սուրիայի Ազայէլ թագաւորը Յովաքազի բոլոր օրերուն մէջ հսրայէլը տանջեց: **23** Բայց Տէրը՝ Աբրահամի, հսահակի ու Յակոբի հետ իր կածած ուխտին պատճառով անոնց ողորմեցաւ եւ գթաց: Անոնց ^ծուշադրութիւն դարձուց ու զանոնք բնացնջել չուզեց. զանոնք մինչեւ հիմա իր ներկայութենէն չվտարեց:

24 Սուրիայի Ազայէլ թագաւորը մեռաւ, եւ անոր տեղ իր որդին՝ Բենադադ թագաւոր եղաւ: **25** Յովաքազի որդին՝ Յովաս, Ազայէլի որդիին՝ Բենադադի ձեռքէն վերագրաւեց այն քաղաքները, որ **Ազայէլ** անոր հօր՝ Յովաքազի ձեռքէն պատերազմով գրաւեր էր: Յովաս զայն երեք անգամ զարկաւ, ու հսրայէլի քաղաքները ^հվերագրաւեց:

ՅՈՒՂԱՅԻ ԱՄԱՍԻԱ ԹԱԳԱԻՈՐԸ

(Բ. ՄԱԿ. 25. 1-24)

14

Հսրայէլի թագաւորին՝ Յովաքազեան Յովասի երկրորդ տարին, Յուդայի թագաւորին՝ Յովասի որդին՝ Ամասիա թագաւոր եղաւ: **2** ԱՅ քսանինգ տարեկան էր՝ երբ թագաւոր եղաւ, ու Երուսաղէմի մէջ քսանինը տարի թագաւորեց: Իր մօր անունը Յովադան էր՝ Երուսաղէմէն: **3** ԱՅ ըրաւ ինչ որ Տէրոց ^աառջեւ ուղիղ է, բայց ոչ իր հօր՝ Դաւիթի պէս. իր հօր՝ Յովասի բոլոր ըրածներուն համաձայն ըրաւ: **4** Սակայն բարձր տեղերը չհանուեցան. ժողովուրդը տակաւին բարձր տեղերու վրայ զոհ կը մատուցանէր ու խունկ կը ծխէր: **5** Երբ թագաւորութիւնը անոր ձեռքին մէջ ^բհաստատուեցաւ՝ իր ծառաները մեռցուց, որոնք իր հայրը՝ թագաւորը ^սսպաններ էին: **6** Բայց սպաննողներուն որդիները չմեռցուց՝ Մովսէսի Օրէնքի գիրքին մէջ գրուածին համաձայն, ուր Տէրը պատուիրեց. «Որդիներուն **մեղքին** համար հայրերը պիտի չմեռցուին, եւ հայրերուն **մեղքին** համար որդիները պիտի չմեռցուին. ամէն մարդ իր մեղքին համար պիտի մեռցուի»: **7** ԱՅ Աղի ծորին մէջ տասը հազար Եղովմայեցի զարկաւ, ու Վէմը պատերազմով գրաւեց. անոր անունը Յեկթովէլ ^ոկոչուեցաւ մինչեւ այսօր:

8 Այն ատեն Ամասիա հսրայէլի թագաւորին, Յէուի որդիին՝ Յովաքազի որդիին՝ Յովասի, պատգամաւորներ ղրկեց՝ ըսելով. «Եկո՞ւր, իրարու ^հէմ ճակատինը»: **9** Հսրայէլի Յովաս թագաւորը Յուդայի Ամասիա թագաւորին **մարդ** ղրկեց՝ ըսելով. «Լիբանանի ^ծմոշենին Լիբանանի մայրիին **պատգամ** ղրկեց՝ ըսելով. «Չու աղջկդ իմ

^Ժ **Երը.**՝ Երես

^Ի **Երը.**՝ Վերադարձուց

^Ա **Երը.**՝ աչքերուն

^Բ **Երը.**՝ ուժովցաւ

^Գ **Երը.**՝ զարկեր

^Դ **Երը.**՝ կոչեց

^Ե **Երը.**՝ Երեսի նայինք

^Զ **Փշոտ թուփի մը**

ԹԱԳԱԻՈՐՆԵՐՈՒՆ Դ. ԳԻՐՁԸ

տղո՞ւն տուր իբր կի՞մ: Բայց Լիբանանի մէջ եղող դաշտի գազանը անցաւ, ու մոշենին կոխկոտեց: **10 Ճիշդ է թէ Եղովմայեցիները զարկիր, ուստի սիրտդ քեզ հիպարտացուց:** «Այդ փառքովդ գոհացի՛ր», ու տո՞ւնդ կեցիր. ինչո՞ւ **քու** չարիքիդ համար մաքառիս, որ թէ՝ դուն իյնաս, թէ՛ ալ ժուդա՝ քեզի հետ»:

11 Բայց Ամասիա մտիկ չըրաւ: Ուստի հսրայէլի Յովաս թագաւորը բարձրացաւ, եւ ինք ու Յուդայի Ամասիա թագաւորը Յուդայի Բեթսամիւսին մէջ իրարու Պղէմ ճակատեցան»:

12 Յուդա հսրայէլի առջեւ պարտուեցաւ, եւ ամէն մարդ իր վրանը փախաւ: **13** Հսրայէլի Յովաս թագաւորը Բեթսամիւսի մէջ բռնեց Որոզիայի որդիին՝ Յովասի որդիին՝ Ամասիան, Յուդայի թագաւորը. ապա Երուսաղէմ եկաւ, ու Եփրեմի դռնէն մինչեւ Անկիւնի դուռը՝ Երուսաղէմի պարիսպէն չորս հարիւր կանգուն ծանդեց: **14** Նաեւ ամբողջ ոսկին եւ արծաթը, ու Տէրոց տան մէջ եւ թագաւորին տան գանձարանին մէջ գտնուած բոլոր առարկաները գրաւեց. պատանդներ ալ **առաւ**, ու Սամարիա վերադարձաւ:

15 Յովասի կատարած մնացեալ արարքներն ու անոր քաջութիւնը, եւ Յուդայի Ամասիա թագաւորին դէմ **ի՞նչպէս** պատերազմիլը՝ ահա՝ հսրայէլի թագաւորներուն ժամանակագրութեան գիրքին մէջ գրուած են: **16** Յովաս իր հայրերուն հետ քնացաւ, ու Սամարիայի մէջ թաղուեցաւ՝ հսրայէլի թագաւորներուն հետ: Անոր տեղ իր որդիին՝ Յերոբովամ թագաւոր եղաւ:

ՅՈՒԴԱՅԻ ԱՄԱՍԻԱ ԹԱԳԱԻՈՐԻՆ ՄԱՀԸ

(Բ. Մնաց. 25. 25-28)

17 Յուդայի թագաւորը, Յովասի որդիին՝ Ամասիա, հսրայէլի թագաւորին՝ Յովաքազի որդիին՝ Յովասի մեռնելէն ետք տասնհինգ տարի ապրեցաւ: **18** Ամասիայի մնացեալ արարքները՝ ահա՝ Յուդայի թագաւորներուն ժամանակագրութեան գիրքին մէջ գրուած են: **19** Անոր դէմ Երուսաղէմի մէջ հյաւաղրեցին, եւ ան Լաքիս փախաւ. բայց անոր ետեւէն Լաքիս **մարդ** դրկեցին, ու զայն հոն մեռցուցին: **20** Զինք ձիերով փոխադրեցին, եւ իր հայրերուն հետ Երուսաղէմ թաղուեցաւ՝ Դաւիթի քաղաքին մէջ: **21** Յուդայի ամբողջ ժողովուրդը՝ Ազարիան առաւ, որ տասնվեց տարեկան էր, ու զայն իր հօր՝ Ամասիայի տեղ թագաւոր հոչակեցին: **22** Ի՞նք կառուցանեց Ելաթը, ու զայն Յուդայի վերադարձուց՝ թագաւորին իր հայրերուն հետ քնանալէն ետք:

ԻՍՐԱՅԵԼԻ ՅԵՐՈԲՈՎԱՄ Բ. ԹԱԳԱԻՈՐԸ

23 Յուդայի թագաւորին՝ Յովասի որդիին՝ Ամասիայի տասնհինգերորդ տարին, հսրայէլի Յովաս թագաւորին որդիին՝ Յերոբովամ Սամարիայի մէջ թագաւոր եղաւ, ու

^է **Եբր.**՝ բարձրացուց

^ը **Եբր.**՝ Փառաւորուէ՛

^ը **Եբր.**՝ Երեսի նայեցան

^ժ **Եբր.**՝ պատոեց

^ի **Եբր.**՝ դաւաղրութիւն դաւաղրեցին

^լ **Կամ** Ոզիան

ԹԱԳԱԻՈՐՆԵՐՈՒՆ Դ. ԳԻՐՅԸ

քառասունմէկ տարի թագաւորեց: **24** Տէրոց առջեւ չարիք գործեց, **եւ** հսրայէլի մեղանչել տուող Նաբատեան Յերոբովամի բոլոր մեղերէն չհեռացաւ: **25** Ան հսրայէլի սահմանը և վերահաստատեց՝ Եմաթի մուտքէն մինչեւ դաշտին ծովը, Տէրոց՝ հսրայէլի Աստուծոյն խօսքին համաձայն, որ իր ծառային՝ Գեթքոփերացի Ամաթեան Յովնան մարգարէին միջոցով ըսեր էր: **26** Արդարեւ Տէրը տեսաւ հսրայէլի շատ դառն տառապանքը, երբ Կո՛չ քանտարկուած, ո՛չ ալ ազատ⁴ կար, եւ հսրայէլ օգնական ալ չունէր: **27** Տէրը չէր ըսեր թէ հսրայէլի անունը Երկինքի տակէն պիտի ջնջէ. ուստի Յովասեան Յերոբովամի ձեռքով գանոնք ազատեց:

28 Յերոբովամի մնացեալ արարքները, անոր բոլոր ըրածներն ու պատերազմական քաջութիւնը, եւ ինչպէս Յուդայի պատկանող Դամասկոսն ու Եմաթը հսրայէլի վերադարձնելը, ահա՝ հսրայէլի թագաւորներուն ժամանակագրութեան գիրքին մէջ գրուած են: **29** Յերոբովամ իր հայրերուն՝ հսրայէլի թագաւորներուն հետ քնացաւ, եւ անոր տեղ իր որդին՝ Զաքարիա թագաւոր եղաւ:

ՅՈՒԴԱՅԻ ԱԶԱՐԻԱ ԹԱԳԱԻՈՐԸ

(Բ. Մնաց. 26. 1-23)

15

Հսրայէլի Յերոբովամ թագաւորին քսանեօթներորդ տարին, Յուդայի Ամասիա թագաւորին՝ որդին՝ Ազարիա թագաւոր եղաւ: **2** Ան տասնվեց տարեկան էր՝ երբ թագաւոր եղաւ, ու Երուսաղէմի մէջ յիսուներկու տարի թագաւորեց: Իր մօր անունը Յեքելիա էր՝ Երուսաղէմէն: **3** Ան ըրաւ ինչ որ Տէրոց առջեւ ուղիղ է, իր հօր՝ Ամասիայի բոլոր ըրածներուն պէս: **4** Բայց բարձր տեղերը չհանուեցան. ժողովուրդը տակաւին բարձր տեղերու վրայ զոհ կը մատուցանէր եւ խունկ կը ծխէր: **5** Տէրը թագաւորը զարկաւ, ու մինչեւ իր մահուան օրը՝ բորոտ եղաւ. զատ տուն մը կը բնակէր, եւ բարքունապետը թագաւորին որդին՝ Յովաթամն էր. ա՛ն կը դատէր Երկրին ժողովուրդը:

6 Ազարիայի մնացեալ արարքներն ու անոր բոլոր ըրածները՝ ահա՝ Յուդայի թագաւորներուն ժամանակագրութեան գիրքին մէջ գրուած են: **7** Ազարիա իր հայրերուն հետ քնացաւ, ու զայն իր հայրերուն հետ թաղեցին՝ Դաւիթի քաղաքին մէջ: Անոր տեղ իր որդին՝ Յովաթամ թագաւոր եղաւ:

ՀՍՐԱՅԷԼԻ ԶԱՅԻՐԻԱ ԹԱԳԱԻՈՐԸ

8 Յուդայի Ազարիա թագաւորին Երեսունութերորդ տարին, հսրայէլի վրայ Յերոբովամի որդին՝ Զաքարիա թագաւոր եղաւ Սամարիայի մէջ, **ու** վեց ամիս թագաւորեց: **9** Ան Տէրոց առջեւ չարիք գործեց, ինչպէս իր հայրերը ըրեր էին, **եւ** հսրայէլի մեղանչել տուող Նաբատեան Յերոբովամի մեղերէն չհեռացաւ: **10** Յաբիսի որդին՝

⁴ **Եբր.**՝ վերադարձուց

⁵ **Եբր.**՝ ձեռքով

⁶ **Եբր.**՝ ո՛չ արգելափակուած, ո՛չ ալ ազատ թողուած

⁷ **Եբր.**՝ աչքերուն

⁸ **Եբր.**՝ թագաւորին տան վրայ եղողը

ԹԱԳԱԻՈՐՆԵՐՈՒՆ Դ. ԳԻՐՅԸ

Սեղում անոր դէմ դաւադրեց. զայն ժողովուրդին առջեւ զարկաւ ու մեղուց, եւ անոր տեղ ինք թագաւոր եղաւ:

11 Զաքարիայի մնացեալ արարքները ահա՝ հսրայէլի թագաւորներուն ժամանակագրութեան գիրքին մէջ գրուած են: 12 Ասիկա Տէրոց խօսքն է, որ թէուի ուղղեր էր՝ ըսելով. «Քու որդիներդ հսրայէլի գահին վրայ պիտի բազմին՝ մինչեւ չորրորդ սերունդը»: Այդպէս ալ եղաւ:

ԻՄՐԱՅԵԼԻ ՍԵՂՂՈՒՄ ԹԱԳԱԻՈՐԸ

13 Յարիսի որդին՝ Սեղում, Յուդայի Ոզիա թագաւորին երեսունիններորդ տարին՝ թագաւոր եղաւ ու Սամարիայի մէջ մէկ ամիս թագաւորեց: 14 Գաղդիի որդին՝ Մանայէմ թէրսայէն բարձրացաւ ու Սամարիա եկաւ: Սամարիայի մէջ Յարիսի որդին՝ Սեղումը զարկաւ, մեղուց, եւ անոր տեղ ինք թագաւոր եղաւ:

15 Սեղումի մնացեալ արարքներն ու գաւադրութիւնը՝ ահա՝ հսրայէլի թագաւորներուն ժամանակագրութեան գիրքին մէջ գրուած են: 16 Այն ատեն Մանայէմը թափսան, բոլոր անոր մէջ եղողները եւ անոր հողամասը զարկաւ՝ “մինչեւ թէրսա”: քանի իրեն չբացին՝ զարկաւ, ու հոն եղող բոլոր յոի կիները ճեղքեց:

ԻՄՐԱՅԵԼԻ ՍԱՆԱՅԷՄ ԹԱԳԱԻՈՐԸ

17 Յուդայի Ազարիա թագաւորին երեսունիններորդ տարին, հսրայէլի վրայ Գաղդիին որդին՝ Մանայէմ թագաւոր եղաւ, ու Սամարիայի մէջ տասը տարի թագաւորեց: 18 Ան Տէրոց առջեւ չարիք գործեց, եւ հսրայէլի մեղանչել տուող Նաբատեան Յերոբովամի մեղերէն չհեռացաւ իր բոլոր օրերուն մէջ:

19 Ասորեստանի Փուղ թագաւորը երկիրը ներխուժեց: Մանայէմ հազար տաղանդ արծաթ տուաւ Փուղի, որպէսզի “ան իրեն օգնէ” թագաւորութիւնը իր ձեռքին մէջ գհաստատելու համար: 20 Մանայէմ այս դրամը Ասորեստանի թագաւորին տալու համար՝ հսրայէլի բոլոր հարուստներուն վրայ հարկ դրաւ”, իւրաքանչիւրէն յիսուն սիկող արծաթ առնելով: Ուստի Ասորեստանի թագաւորը վերադարձաւ, ու հոն երկրին մէջ չկեցաւ:

21 Մանայէմի մնացեալ արարքներն ու անոր բոլոր ըրածները՝ ահա՝ հսրայէլի թագաւորներուն ժամանակագրութեան գիրքին մէջ գրուած են: 22 Մանայէմ իր հայրերուն հետ քնացաւ, եւ անոր տեղ իր որդին՝ Փակէիա թագաւոր եղաւ:

ԻՄՐԱՅԵԼԻ ՓԱԿԷԻԱ ԹԱԳԱԻՈՐԸ

23 Յուդայի Ազարիա թագաւորին յիսուներորդ տարին, հսրայէլի վրայ Մանայէմի որդին՝ Փակէիա թագաւոր եղաւ Սամարիայի մէջ, ու երկու տարի թագաւորեց: 24 Տէրոց

⁴ Եբր.՝ դաւադրած դաւադրութիւնը

⁵ Եբր.՝ թէրսայէն

⁶ Եբր.՝ անոր ձեռքը իրեն հետ ըլլայ

⁷ Եբր.՝ ուժովցնելու

⁸ Եբր.՝ հարուստներէն հանեց

ԹԱԳԱԻՈՐՆԵՐՈՒՆ Դ. ԳԻՐՅԸ

առջեւ չարիք գործեց, **եւ** հսրայէլի մեղանչել տուող Նաբատեան Յերոբովամի մեղերէն չհեռացաւ: **25** Անոր զօրավարը, Ռովմելայի որդին՝ Փակէէ, անոր դէմ դաւադրեց. իրեն հետ Գաղապատացիներէն յիսուն մարդ **առնելով՝** Սամարիայի մէջ, թագաւորին տան Յերսի կողմը¹, զայն զարկաւ, եւ անոր հետ՝ Արգովբն ու Արիէն: Զայն մեոցուց, եւ անոր տեղ ինք թագաւոր եղաւ:

26 Փակէիայի մնացեալ արարքներն ու անոր բոլոր ըրածները՝ ահա՝ հսրայէլի թագաւորներուն ժամանակագրութեան գիրքին մէջ գրուած են:

ԻՍՐԱՅԵԼԻ ՓԱԿԷԷ ԹԱԳԱԻՈՐԸ

27 Յուդայի Ազարիա թագաւորին յիսուներկրորդ տարին, հսրայէլի վրայ Ռովմելայի որդին՝ Փակէէ թագաւոր եղաւ Սամարիայի մէջ, **ու** քսան տարի թագաւորեց: **28** Տէրոց առջեւ չարիք գործեց, **եւ** հսրայէլի մեղանչել տուող Նաբատեան Յերոբովամի մեղերէն չհեռացաւ: **29** Իսրայէլի Փակէէ թագաւորին օրերը՝ Ասորեստանի Թագաթ-Փաղասար թագաւորը Անրխումելով՝ Իյօնը, Աբէլ-Բեթմաաքան, Յանովէն, Կադէսը, Յասորը, Գաղապատը, Գալիլեան **ու** Նեփառաղիմի ամբողջ երկիրը գրաւեց, եւ անոնց **բնակիչները** Ասորեստան տարագրեց: **30** Էլայի որդին՝ Ովսէէ, Ռովմելայի որդիին՝ Փակէէի դէմ Պդաւադրեց. զայն զարկաւ, մեոցուց, եւ անոր տեղ ինք թագաւոր եղաւ Ոզիայի որդիին՝ Յովաթամի քսաներորդ տարին:

31 Փակէէի մնացեալ արարքներն ու անոր բոլոր ըրածները՝ ահա՝ հսրայէլի թագաւորներուն ժամանակագրութեան գիրքին մէջ գրուած են:

ՅՈՒԴԱՅԻ ՅՈՎԱԹԱՄ ԹԱԳԱԻՈՐԸ

(Բ. Մնաց. 27. 1-9)

32 Իսրայէլի թագաւորին, Ռովմելայի որդիին՝ Փակէէի երկրորդ տարին, Յուդայի թագաւորին՝ Ոզիայի որդին՝ Յովաթամ թագաւոր եղաւ: **33** Ան քսանինգ տարեկան էր՝ երբ թագաւոր եղաւ, ու Երուսաղէմի մէջ տասնվեց տարի թագաւորեց: Իր մայրը Սադովկի աղջիկն էր՝ Յերուսա անունով: **34** Ան ըրաւ ինչ որ Տէրոց առջեւ ուղիղ է. իր հօր՝ Ոզիայի բոլոր ըրածներուն պէս ըրաւ: **35** Բայց բարձր տեղերը չհանուեցան. ժողովուրդը տակաւին բարձր տեղերու վրայ զոհ կը մատուցանէր ու խունկ կը ծխէր: Ի՞նք կառուցանեց Տէրոց տան բարձրագոյն դուռը:

36 Յովաթամի մնացեալ արարքներն ու անոր բոլոր ըրածները՝ ահա՝ Յուդայի թագաւորներուն ժամանակագրութեան գիրքին մէջ գրուած են: **37** Այդ օրերը Տէրը սկսաւ Յուդայի դէմ դրկել Սուլրիայի Ռասին թագաւորն ու Ռովմելայի որդին՝ Փակէէ: **38** Յովաթամ իր հայրերուն հետ քսացաւ, եւ իր հայրերուն հետ իր հօր՝ Դաւիթի քաղաքին մէջ թաղուեցաւ: Անոր տեղ իր որդին՝ Աքազ թագաւոր եղաւ:

ՅՈՒԴԱՅԻ ԱՔԱԶ ԹԱԳԱԻՈՐԸ

(Բ. Մնաց. 28. 1-27)

¹ **Երը.**՝ պալատին մէջ

² **Երը.**՝ դաւադրութիւն դաւադրեց

³ **Կամ** վերի

16

Ոռվմելայի որդիին՝ Փակէէի տասնեօթներորդ տարին, Յուղայի թագաւորին՝ Յովապամի որդիին՝ Աքազ թագաւոր եղաւ: **2** Աքազ քսան տարեկան էր՝ երբ թագաւոր եղաւ, ու Երուսաղէմի մէջ տասնվեց տարի թագաւորեց: Ան չըրաւ ինչ որ Տէրոց՝ իր Աստուծոյն առջեւ ուղիղ է, ինչպէս իր հայրը՝ Դաւիթ **ըրաւ.** **3** հապա հսրայէլի թագաւորներուն ճամբայէն ընթացաւ, եւ իր որդիին ալ կրակէ անցուց՝ այն ազգերուն գարշութիւններուն համաձայն, որոնք Տէրը հսրայէլի որդիներուն առջեւէն վտարեց: **4** Բարձր տեղերու եւ բլուրներու վրայ, ու ամէն կանաչազարդ ծառի տակ գոհ կը մատուցանէր եւ խունկ կը ծխէր:

5 Այն ատեն Սուլրիայի Ռասին թագաւորն ու հսրայէլի թագաւորը, Ոռվմելայի որդիին՝ Փակէէ, Երուսաղէմի դէմ պատերազմելու բարձրացան. Աքազը պաշարեցին, բայց չկրցան պատերազմ **մղել** անոր դէմ: **6** Այդ ատեն Սուլրիայի Ռասին թագաւորը՝ Ելաթը Սուլրիայի վերադարձուց, եւ Հրեաները Ելաթէն վանեց. ^բԱսորիները Ելաթ եկան ու հոն բնակեցան մինչեւ այսօր: **7** Աքազ Ասորեստանի Թագղաթ-Փաղասար թագաւորին պատգամատորներ դրկեց եւ ըսաւ. «Ես քու ծառադ ու որդիի եմ. բարձրացի՛ր եւ ազտէ զիս՝ Սուլրիայի թագաւորին ձեռքէն ու հսրայէլի թագաւորին ձեռքէն, որոնք ինծի դէմ կանգնած են»: **8** Աքազ Տէրոց տան մէջ եւ թագաւորին տան գանձարանին մէջ գտնուած արծաթն ու ոսկին առաւ եւ Ասորեստանի թագաւորին դրկեց իբր «Վարձասրութիւն»: **9** Ասորեստանի թագաւորն ալ անոր մտիկ ըրաւ. արդարեւ Ասորեստանի թագաւորը Դամասկոսի դէմ բարձրացաւ, զայն գրաւեց, անոր **բնակիչները** Կիր տարագրեց, ու Ռասինը մեռցուց:

10 Աքազ թագաւորը Ասորեստանի Թագղաթ-Փաղասար թագաւորը դիմաւորելու համար Դամասկոս գնաց, ու Դամասկոսի մէջ եղած զոհասեղանը տեսաւ: Աքազ թագաւորը Ուրիա քահանային դրկեց **այդ** զոհասեղանին՝ օրինակը եւ անոր կերպարը՝ անոր ամբողջ շինուածքին համեմատ: **11** Ուրիա քահանան ալ զոհասեղան մը կառուցանեց՝ Աքազ թագաւորին Դամասկոսէն դրկած՝ օրինակին համեմատ. Ուրիա քահանան զայն այսպէս շինեց՝ Աքազ թագաւորին Դամասկոսէն գալէն առաջ: **12** Երբ թագաւորը Դամասկոսէն եկաւ, թագաւորը զոհասեղանը տեսաւ. թագաւորը զոհասեղանին մօտեցաւ եւ անոր վրայ ողջակէզ մատուցանեց: **13** Իր ողջակէզն ու հացի ընծան այրեց, թափելիք նուէրը գնծայեց, եւ իր խաղաղութեան **զոհերուն** արիւնը **այդ** զոհասեղանին վրայ սրսկեց: **14** Իսկ Տէրոց առջեւ եղող պղինձէ զոհասեղանը՝ հանեց տան առջեւէն, **այսինքն** նոր զոհասեղանին ու Տէրոց տան մէջտեղէն, եւ զայն **նոր** զոհասեղանին քով որաւ՝ դէպի հիւսիս: **15** Յետոյ Աքազ թագաւորը Ուրիա քահանային պատուիրեց. «Մե՛ծ զոհասեղանին վրայ մատուցանէ առտուան ողջակէզն ու իրիկուան հացի ընծան, թագաւորին ողջակէզը

^ա **Երբ.**՝ աչքերուն

^բ **Կամ** Եղովմայեցիները

^գ **Երբ.**՝ կաշառք

^դ **Երբ.**՝ նմանութիւնը

^ե **Երբ.**՝ բոլոր տեղեկութիւններուն

^գ **Երբ.**՝ թափեց

^է **Երբ.**՝ մօտեցուց

ԹԱԳԱԻՈՐՆԵՐՈՒՆ Դ. ԳԻՐՅԸ

Եւ անոր հացի ընծան, ու երկրին ամբողջ ժողովուրդին ողջակէզը, անոնց հացի ընծան եւ անոնց թափելիք նուէրները: Անո՞ր վրայ սրսկէ ողջակէզներուն ամբողջ արիւնը ու գոհերուն ամբողջ արիւնը. իսկ պղինձէ զոհասերանը իմս պիտի ըլլայ՝ **հոն Տէրոց Հարցնելու համար»:**

16 Ուրիա քահանան Աքազ թագաւորին ամբողջ պատուիրածին համաձայն ըրաւ: **17** Աքազ թագաւորը մեքենովթներուն եզերքները կտրեց, եւ աւազանները անոնց վրայէն վերցուց: Ծովն ալ իր տակը եղող պղինձէ եզներուն վրայէն իշեցուց, ու զայն քարայատակի մը վրայ դրաւ: **18** Ասորեստանի թագաւորին պատճառով՝ Տէրոց տան մէջ փոխեց “**Տէրոց** տան մէջ կառուցանուած Շաբաթ **օրուան** ծածկուած **սրահն** ու թագաւորին դուրսի մուտքը”:

19 Աքազի կատարած մնացեալ արարքները ահա՛ Յուդայի թագաւորներուն ժամանակագրութեան գիրքին մէջ գրուած են: **20** Աքազ իր հայրերուն հետ քնացաւ, եւ իր հայրերուն հետ Դափիթի քաղաքին մէջ թաղուեցաւ: Անոր տեղ իր որդին՝ եզեկիա թագաւոր եղաւ:

ԻՄՐԱՅԵԼԻ ՈՎՍԵԷ ԹԱԳԱԻՈՐԸ

17

Յուդայի Աքազ թագաւորին տասներկրորդ տարին, հսրայէլի վրայ Էլայի որդին՝ Ովսէէ թագաւոր եղաւ Սամարիայի մէջ, եւ ինը տարի թագաւորեց: **2** Տէրոց առջեւ չարիք գործեց, բայց ոչ իրմէ առաջ եղող հսրայէլի թագաւորներուն պէս: **3** Ասորեստանի Սաղմանասար թագաւորը իրեն դէմ բարձրացաւ, եւ Ովսէէ անոր հպատակ եղաւ ու անոր բհարկ կու տար: **4** Սակայն Ասորեստանի թագաւորը Ովսէէի վրայ դաւադրութիւն գտաւ, որովհետեւ ան եգիպտոսի Սովա թագաւորին պատգամաւորներ դրկեր էր, եւ Ասորեստանի թագաւորին ամէն տարուան հարկը վճարած չէր. ուստի Ասորեստանի թագաւորը զայն բանտի մէջ արգելափակեց ու կապեց: **5** Յետոյ Ասորեստանի թագաւորը ամբողջ երկրին դէմ բարձրացաւ. Սամարիայի դէմ ալ բարձրացաւ եւ զայն երեք տարի պաշարեց:

ՍԱՄԱՐԻԱՅԻ ԱՆԿՈՒԾԸ

6 Ովսէէի իններորդ տարին, Ասորեստանի թագաւորը Սամարիան գրաւեց եւ հսրայէլը Ասորեստան տարագրեց. զանոնք Գովզան գետին քով՝ Քաղայի ու Քաբովի մէջ, ու Մարերու քաղաքներուն մէջ բնակեցուց: **7** Արդարեւ հսրայէլի որդիները զիրենք եգիպտոսի երկրէն – եգիպտոսի Փարաւոն թագաւորին ձեռքին տակէն – հանող Տէրոց՝ իրենց Աստուծոյն դէմ մեղանչեցին եւ ուրիշ աստուածներէ վախցան: **8** Տէրոց հսրայէլի

¤ Եբր.՝ փնտռելու

¤ Այսինքն՝ խարիսխներուն, կամ՝ խարսխաձեւ պատուանդաններուն

¤ Կամ՝ տունէն փոխադրեց

¤ Եբր.՝ աչքերուն

¤ Եբր.՝ ընծայ

¤ Եբր.՝ բարձրացուցած

ԹԱԳԱԻՈՐՆԵՐՈՒՆ Դ. ԳԻՐՅԸ

առջեւէն վտարած ազգերուն կանոններով ու հսրայէլի թագաւորներուն ՚հաստատած կանոններով ընթացան: 9 հսրայէլի որդիները Տէրոց՝ իրենց Աստուծոյն դէմ ծածկաբար ըրին ուղիղ չեղած բաներ.— իրենց համար բարձր տեղեր կառուցանեցին իրենց բոլոր քաղաքներուն մէջ, պահապաններու աշտարակէն մինչեւ պարսպապատ քաղաքը. 10 իրենց համար արձաններ եւ ՚Աստարովթի կուռքեր“ կանգնեցուցին ամէն բարձր բլուրի վրայ եւ ամէն կանաչազարդ ծառի տակ, 11 ու հոն՝ բոլոր բարձր տեղերուն վրայ՝ խունկ ծխեցին, իրենց առջեւէն Տէրոց տարագրած ազգերուն պէս. չար արարքներ գործեցին եւ Տէրը գրգռեցին. 12 չաստուածներ պաշտեցին, որոնց համար Տէրը իրենց ըսեր էր. “Այդ բանը մի՛ ընէք□»:

13 Տէրը բոլոր մարգարէներուն, բոլոր տեսանողներուն ՚միջոցով հսրայէլի ու Յուդայի դէմ վկայեր էր՝ ըսելով. «Հեռացէ՛ք ձեր չար ճամբաներէն եւ պահեցէ՛ք իմ պատուիրաններս ու կանոններս, ամբողջ Օրէնքին համաձայն՝ որ ձեր հայրերուն պատուիրեցի, եւ իմ ծառաներուս՝ մարգարէներուն միջոցով ձեզի ղրկեցի»: 14 Բայց անոնք մտիկ չըրին, հապա իրենց պարանոցը խստացուցին Տէրոց՝ իրենց Աստուծոյն չհաւատացող իրենց հայրերուն պարանոցին պէս: 15 Անոր կանոնները, իրենց հայրերուն հետ անոր կնքած ուխտը, եւ անոր տուած վկայութիւնները մերժեցին, ու սնապաշտութեան հետեւեցան. սնապաշտ եղան, եւ իրենց շրջակայ ազգերուն հետեւեցան, որոնց մասին Տէրը իրենց պատուիրեր էր՝ որ անոնց պէս չընեն: 16 Բայց Տէրոց՝ իրենց Աստուծոյն բոլոր պատուիրանները լքեցին. իրենց երկու ձուկածոյ հորթ շինեցին, նաեւ ՚Աստարովթի կուռք“ շինեցին, երկինքի բոլոր զօրքերուն երկրպագեցին, եւ Բահաղը պաշտեցին: 17 Իրենց որդիններն ու աղջիկները կրակէ անցուցին, եւ դիւթութիւն ու հմայութիւն ըրին: Իրենք զիրենք ծախեցին՝ Տէրոց առջեւ չարիք գործելու եւ զայն գրգռեցնելու: 18 Ուստի Տէրը հսրայէլի դէմ չափազանց բարկացաւ, ու զանոնք իր ներկայութենէն հեռացուց. ո՛չ մէկ տոհմ մնաց, բացի Յուդայի տոհմէն:

19 Յուդա ալ Տէրոց՝ իր Աստուծոյն պատուիրանները չպահեց, հապա հսրայէլի ՚հաստատած կանոններով ընթացաւ: 20 Տէրը հսրայէլի ամբողջ զարմը մերժեց. զանոնք տառապեցուց եւ կողոպտիչներու ձեռքը մատնեց, մինչեւ որ զանոնք բոլորովին իր ներկայութենէն վտարեց. 21 Արդարեւ երբ հսրայէլը Դաւիթի տունէն ՚խլեց, անոնք Նաբատեան Յերոբովամը թագաւոր հռչակեցին, ու Յերոբովամ ՚արգիլեց հսրայէլը՝ որ Տէրոց հետեւի, եւ անոնց մեծ մեղք գործել տուաւ: 22 հսրայէլի որդինները Յերոբովամի բոլոր գործած մեղքերուն մէջէն ընթացան. անոնցմէ չհեռացան, 23 մինչեւ որ Տէրը հսրայէլը իր ներկայութենէն հեռացուց, ինչպէս իր բոլոր ծառաներուն՝ մարգարէներուն ՚միջոցով ըսեր էր: Այսպէս հսրայէլ իր ՚երկրէն Ասորեստան տարագրուեցաւ մինչեւ

^۱ Երը.՝ ըրած

^۲ Երը.՝ աստարովթներ

^۳ Երը.՝ ձեռքով

^۴ Երը.՝ աստարովթ

^۵ Երը.՝ ըրած

^۶ Երը.՝ պատուց

^۷ Երը.՝ քշեց

^۸ Երը.՝ ձեռքով

այսօր:

ԱՍՈՐԵՍՏԱՆՑԻՆԵՐԸ ԿԸ ՀԱՍՏԱՏՈՒԻՆ ԻՄՐԱՅԵԼԻ ՄԷՋ

24 Ասորեստանի թագաւորը Բաբելոնէն, Զութայէն, Աւայէն, Եմաթէն եւ Սեփարուիմէն **մարդիկ** բերաւ, ու Սամարիայի քաղաքներուն մէջ բնակեցուց՝ հսրայէլի որդիներուն տեղը. անոնք ալ Սամարիայի տիրացան եւ անոր քաղաքներուն մէջ բնակեցան: **25** Անոնց հոն բնակելուն սկիզբը՝ Տէրոջմէն չէին վախնար. Տէրն ալ անոնց մէջ առիւծներ դրկեց, որոնք զիրենք կը մեռցնէին: **26** Ուստի Ասորեստանի թագաւորին ըսին. «Այն ազգերը՝ որ դուն փոխադրեցիր ու Սամարիայի քաղաքներուն մէջ բնակեցուցիր, **այդ** երկրին Աստուածը **պաշտելու** կերպը չեն գիտեր. ուստի ան իրենց մէջ առիւծներ դրկեց, եւ ահա՝ զիրենք կը մեռցնեն՝ որովհետեւ **այդ** երկրին Աստուածը **պաշտելու** կերպը չեն գիտեր»: **27** Այն ատեն Ասորեստանի թագաւորը պատուիրեց. «Զեր անկէ տարագրած քահանաներէն մէկը հո՛ն տարէք, որ երթայ հոն բնակի, ու **այդ** երկրին Աստուածը **պաշտելու** կերպը անոնց սորվեցնէ»: **28** Սամարիայէն տարագրուած քահանաներէն մէկը գնաց Բեթէլի մէջ բնակեցաւ, եւ անոնց կը սորվեցնէր թէ ի՛նչպէս Տէրոջմէն վախնալու էին: **29** Սակայն իրաքանչիւր ազգ իր աստուածները կը շինէր ու Սամարացիներուն շինած բարձր տեղերու տուններուն մէջ կը դնէր, իրաքանչիւր ազգ իր բնակած քաղաքին մէջ: **30** Բաբելացիները Սաքքովթ-Բանովթը շինեցին, Զութացիները Ներգաղը շինեցին, Եմաթացիները Ասիմաթը շինեցին, **31** Աւացիները Նեփասն ու Թարթակը շինեցին. Սեփարուիմացիները իրենց որդիները Սեփարուիմացիներու աստուածներուն՝ Աղրամելէքի եւ Անամելէքի համար կրակով կ'այրէին: **32** Տէրոջմէն ալ կը վախնային. ուստի իրենց համար՝ իրենց ^ևմէջէն բարձր տեղերու քուրմեր ^ծկը նշանակէին», որոնք իրենց համար **զոհ** կ'ընծայէին բարձր տեղերու տուններուն մէջ: **33** **Այսպէս**՝ Տէրոջմէն կը վախնային, **ճաէւ** իրենց աստուածները կը պաշտէին՝ այն ազգերուն սովորութիւններուն համաձայն, որոնց մէջէն տարագրուած էին:

34 Մինչեւ այսօր՝ անոնք նախկին սովորութիւններուն համաձայն կը վարուին. ո՛չ Տէրոջմէն կը վախնան, ո՛չ իրենց կանոններուն եւ սովորութիւններուն համաձայն կը վարուին, ո՛չ ալ այն Օրէնքին ու պատուիրանին՝ որ Տէրը Յակորի որդիներուն հրամայեց, անոր անունը հսրայէլ դնելէ **Ետք**: **35** Տէրը անոնց հետ ուխտ կնքեր էր եւ անոնց պատուիրեր էր. «Ուրիշ աստուածներէ մի՛ վախնաք ու անոնց մի՛ երկրագէք. զանոնք մի՛ պաշտէք եւ անոնց զոհ մի՛ մատուցանէք: **36** Հապա ձեզ Եգիպտոսի երկրէն մէծ կարողութեամբ ու երկարած բազուկով հանող Տէրոջմէն վախցէք, անո՞ր երկրագէցէք եւ անո՞ր զոհ մատուցանեցէք: **37** Անոր ձեզի համար գրած կանոնները, ^Կդատավճիռները, Օրէնքն ու պատուիրանը մի՛շտ զգուշութեամբ գործադրեցէք, եւ ուրիշ աստուածներէ մի՛ վախնաք: **38** Ձեզի հետ կնքած ուխտս մի՛ մոռնաք եւ ուրիշ աստուածներէ մի՛ վախնաք. **39** Հապա Տէրոջմէն՝ ձեր Աստուծմէն վախցէք, ու ի՛նք ձեզ պիտի ազատէ ձեր բոլոր թշնամիներուն ձեռքէն»: **40** Բայց անոնք մտիկ չըրին, հապա իրենց նախկին

¹ **Երք.**՝ հողէն

² **Երք.**՝ ծայրերէն

³ **Երք.**՝ կ'ընէին

⁴ **Կամ**՝ սովորութիւնները

ԹԱԳԱԻՈՐՆԵՐՈՒՆ Դ. ԳԻՐՁԸ

սովորութիւններուն համաձայն վարուեցան: **41** Այդ ազգերը **Տէրոջմէն** կը վախճային, **բայց** իրենց՝ կուռքերն ալ կը պաշտէին. նաեւ անոնց որդիները, եւ անոնց որդիներուն որդիները՝ մինչեւ այսօր կը վարուին **այնպէս**, ինչպէս իրենց հայրերը վարուեցան:

ՅՈՒՂԱՅԻ ԵԶԵԿԻՍ ԹԱԳԱԻՈՐԸ

(Բ. Մնաց. 29. 1-2: 31. 1)

18

Իսրայէլի թագաւորին՝ Էլայի որդիին՝ Ովսէէի երկրորդ տարին, Յուղայի Աքազ թագաւորին որդին՝ Եզեկիա թագաւոր եղաւ: **2** Ըսանհինգ տարեկան էր՝ երբ թագաւոր եղաւ, ու Երուսաղէմի մէջ քանինը տարի թագաւորեց: Իր մայրը Զաքարիայի աղջիկն էր՝ Աբիա անունով: **3** Ան ըրաւ ինչ որ **Տէրոջ** առօցեւ ուղիղ է, իր հօր՝ Դաւիթի բոլոր ըրածներուն պէս: **4** Ան բարձր տեղերը հանեց, արձանները կոտրտեց, աստարովթները կտրեց, եւ Մովսէսի շինած պղինձէ օձը ջախջախեց, (որովհետեւ մինչեւ այդ օրերը Իսրայէլի որդիները անոր խունկ կը ծխէին,) զայն Նէկստան կոչելով: **5** Ան **Տէրոջ**՝ Իսրայէլի Աստուծոյն վստահեցաւ. իրմէ ետք իր նմանը չեղաւ Յուղայի բոլոր թագաւորներուն մէջ, ո՛չ ալ իրմէ առաջ եղողներուն մէջ: **6** **Տէրոջ** յարեցաւ Եւ անկէ չհեռացաւ, հապա անոր պատուիրանները պահեց, որ **Տէրը** Մովսէսի հրամայեր էր: **7** Ուստի **Տէրը** անոր հետ էր. ուր որ “Երթար՝ կը յաջողէր”: Ասորեստանի թագաւորին դէմ ըմբոստացաւ, եւ անոր չհպատակեցաւ: **8** **Փղշտացիները** զարկաւ՝ մինչեւ Գազա եւ անոր հողամասը, պահապաններու աշտարակէն մինչեւ պարսպապատ քաղաքը:

9 Եզեկիա թագաւորին չորրորդ տարին, որ Իսրայէլի թագաւորին՝ Էլայի որդիին՝ Ովսէէի եօթններորդ տարին էր, Ասորեստանի Սաղմանասար թագաւորը Սամարիայի դէմ բարձրացաւ, ու զայն պաշարեց: **10** Երեք տարի ետք զայն գրաւեցին. Սամարիա Եզեկիայի վեցերորդ տարին (այսինքն Իսրայէլի թագաւորին՝ Ովսէէի իններորդ տարին) գրաւուեցաւ: **11** Ասորեստանի թագաւորը Իսրայէլը Ասորեստան տարագրեց, եւ զանոնք Գովզան գետին քով՝ Քաղա ու Քաբով առաջնորդեց, նաեւ Մարերու քաղաքները. **12** արդարեւ անոնք **Տէրոջ**՝ իրենց Աստուծոյն խօսքը մտիկ չըրին, եւ անոր ուխտն ու **Տէրոջ** ծառային՝ Մովսէսի բոլոր պատուիրածները անտեսեցին. մտիկ չըրին եւ չգործադրեցին:

ԱՍՈՐԵՍԱՆՑԻՆԵՐԸ ԿԸ ՍՊԱՌՆԱՆ ԵՐՈՒՍԱՂԵՄԻ

(Բ. Մնաց. 32. 1-19: Եսայ. 36. 1-22)

13 Եզեկիա թագաւորին տասնչորրորդ տարին՝ Ասորեստանի Սենեքերիմ թագաւորը Յուղայի բոլոր պարսպապատ քաղաքներուն դէմ բարձրացաւ, ու զանոնք գրաւեց: **14** Յուղայի Եզեկիա թագաւորը Լաքիս **մարդ** դրկեց Ասորեստանի թագաւորին՝ ըսելով.

⁶ **Եբր.**՝ քանդակուած պատկերներն

⁷ **Եբր.**՝ աչքերուն

⁸ **Այսիհքը**՝ Պղինձի կտոր

⁹ **Եբր.**՝ անոր ետեւէն

¹⁰ **Եբր.**՝ դուրս ելլէր

¹¹ **Կամ**՝ ուշիմ կ'ըլլար

ԹԱԳԱԻՈՐՆԵՐՈՒՆ Դ. ԳԻՐՁԸ

«Մեղանչեցի. իմ քովէս վերադարձի՛ր. ինչ հարկ որ վրաս դնես՝ կը «հատուցանեմ»։ Ասորեստանի թագաւորը Յուլյայի Եզեկիա թագաւորին վրայ երեք հարիւր տաղանդ արծաթ ու երեսուն տաղանդ ուսկի հարկ դրաւ։ 15 Եզեկիա Տէրոջ տան մէջ եւ թագաւորին տան գանձարանին մէջ գտնուած ամբողջ արծաթը տուաւ։ 16 Այդ ատեն Եզեկիա Տէրոջ տաճարին դռներուն ու դրանդիներուն Վրայի ուսկից բերթեց, – ի՞նք՝ Յուլյայի Եզեկիա թագաւորը՝ զանոնք ուսկիով պատեր էր, – եւ Ասորեստանի թագաւորին տուաւ։

17 Ասորեստանի թագաւորը՝ Տարաթանը, Ռաբսարիսն ու Ռափսակը շատ գօրքով Լաքիսէն Երուսաղէմ դրկեց՝ Եզեկիա թագաւորին. անոնք ալ բարձրացան ու Երուսաղէմ հասան։ Երբ բարձրացան, եկան եւ վերի աւագանին ջրմուղին քով կանգ առին, որ Թափիչին արտին պողոտային վրայ է։ 18 Երբ թագաւորը կանչեցին, Ջեղկիայի որդին՝ Եղիակիմ Պարքունապետը, Սեբնա ատենադպիրը, եւ Ասափի որդին՝ Յովաք Ժիւանադպիրը, դուրս ելան՝ անոնց քով։

19 Ռափսակ անոնց ըսաւ. «Եզեկիայի ըսէք. «Մեծ թագաւորը՝ Ասորեստանի թագաւորը սա՛ կը յայտարարէ. "Ի՞նչ է այդ վստահութիւնը՝ որուն ԻԿ'ապաւինիս։ 20 Դուն ըսիր. «Պատերազմի համար ծրագիր ու գօրութիւն ունիմ»։ Բայց ատոնք շրթունքի խօսքեր են։ Ուրեմն որո՞ւ վստահելով ինձի դէմ ըմբոստացար։ 21 Ահա՛ հիմա դուն այդ ջախջախուած եղէգէ ցուպին՝ Եգիպտոսի կը վստահիս, որուն եթէ մէկը յենի՝ իր ծեռքը պիտի մտնէ եւ զայն ծակէ։ Եգիպտոսի Փարաւոն թագաւորը այդպէս է բոլոր իրեն վստահողներուն»։ 22 Բայց եթէ ինձի ըսէք. «Մենք մեր Աստուծոյն՝ Եհովայի կը վստահինք, ասիկա ան չէ՞՝, որուն բարձր տեղերն ու զոհասեղանները Եզեկիա հանեց՝ Յուլյայի եւ Երուսաղէմի բնակիչներուն հրամայելով։ «Սիայն այս զոհասեղանին առցեւ երկրպագեցէք՝ Երուսաղէմի մէջ»։ 23 Ուրեմն հիմա իմ տիրոջս՝ Ասորեստանի թագաւորին Իետ հաշտուէ», ու քեզի երկու հազար ձի տամ, եթէ կարենաս անոնց վրայ հեծեալներ դնել։ 24 Ի՞նչպէս իմ տիրոջս ամենէն պզտիկ ծառաներէն մէկ կուսակալին Իընկրկիլ պիտի տաս,» դուն որ կառքերու եւ ծիաւորներու համար Եգիպտոսի կը վստահիս։ 25 Հիմա այս տեղը արդեօք առանց Եհովայի հրամանից բարձրացեր եմ՝ զայն կործանելու համար։ Եհովան ինձի ըսաւ. «Այս երկրին դէմ բարձրացի՛ր, ու զայն կործանէ»։

26 Ջեղկիայի որդին՝ Եղիակիմ, Սեբնա ու Յովաք Ռափսակի ըսին. «Կ'աղերսենք, քու ծառաներուդ հետ ծասորերէն խօսէ, քանի որ մենք կը հասկնանք. մեզի հետ Եերայերէն

^գ Եբր.՝ կրեմ

^հ Եբր.՝ կոտրտեց

^ի Այսինքն՝ Լուացարարին

^ք Եբր.՝ թագաւորին տան վրայ եղողը

^ք Եբր.՝ յիշատակութիւններու դպիրը

^ի Եբր.՝ կը վստահիս

^լ Կամ՝ պատանդ տուր

^լ Եբր.՝ Երեսը պիտի դարձնես

^ծ Եբր.՝ արամերէն, Կամ՝ քաղդէարէն

^դ Եբր.՝ հրէերէն

ԹԱԳԱԻՈՐՆԵՐՈՒՆ Դ. ԳԻՐՁԸ

մի՛ խօսիր՝ պարհսպին վրայ եղող ժողովուրդին ականջներուն»: **27** Բայց Ռափսակ անոնց պատասխանեց. «Միթէ այս խօսքերը ըսելու համար իմ տէրս զիս **միայն** քու տիրոջ ու քեզի^շ դրկեց. այս մարդոց **ալ չէ**, որոնք պարհսպին վրայ կը կենան, ձեզի հետ իրենց կղկղանքը ուտելու եւ իրենց մէզը խմելու»:

28 Յետոյ Ռափսակ ոտքի ելաւ, ու բարձր ձայնով եբրայերէն գոչեց եւ ըսաւ. «Մտի՛ ըրէք մեծ թագաւորին՝ Ասորեստանի թագաւորին խօսքը: **29** Թագաւորը սա՛ կը յայտարարէ. “Եզեկիա ձեզ թող չհրապուրէ, քանի որ ան չի կրնար ձեզ “անոր ձեռքէն” ազատել: **30** Եզեկիա ձեզի վստահիլ թող չտայ Եհովայի վրայ՝ ըսելով. “Եհովան մեզ անշուշտ պիտի ազատէ, եւ այս քաղաքը Ասորեստանի թագաւորին ձեռքը պիտի չմատնուի”[□]: **31** Եզեկիայի մտիկ մի՛ ընէք, որովհետեւ Ասորեստանի թագաւորը սա՛ կը յայտարարէ. “Ինծի հետ հաշտութի՛ն ըրէք ու ինծի՛ ուկէք, որ ձեզմէ իրաքանչիւրը իր որթատունկէն եւ իր թգենիէն ուտէ, ու ձեզմէ իրաքանչիւրը իր ջրհորին ջուրէն խմէ. **32** Մինչեւ որ ես գամ եւ ձեզ տանիմ ձեր երկրին պէս երկիր մը, ցորենի ու քաղցուի երկիր մը, հացի եւ այգիներու երկիր մը, իւղ տուող ծիթենիներու եւ մեղրի երկիր մը, որպէսզի ապրիք ու չմեռնիք: Եզեկիայի մտիկ մի՛ ընէք, քանի որ ձեզ կը համոզէ՛ ըսելով. “Եհովան մեզ պիտի ազատէ”: **33** Միթէ **միւս** ազգերուն աստուածներէն իրաքանչիւրը բնաւ ազատե՛ց իր երկիրը Ասորեստանի թագաւորին ձեռքէն: **34** Եմաթի եւ Արփաթի աստուածները ո՞ւր են. Սեփարուիմի, Անայի եւ Աւայի աստուածները ո՞ւր են. Միթէ անոնք Սամարիան իմ ձեռքէս ազատեցի՛ն: **35** **Այս** երկիրներուն բոլոր աստուածներէն ո՞րը իր երկիրը իմ ձեռքէս ազատեց, որ Եհովան երուսաղէմը իմ ձեռքէս ազատէ”[□]»:

36 Բայց ժողովուրդը լուռ կեցաւ եւ ո՛չ մէկ խօսքով անոր պատասխանեց, քանի որ թագաւորը պատուիրեր էր. «Անոր մի՛ պատասխանէք»:

37 Քեղկիայի որդին՝ Եղիակիմ արքունապետը, Սեբնա ատենադպիրը, եւ Ասափի որդին՝ Ցովաք դիւանադպիրը, իրենց հագուստները պատռած՝ Եզեկիայի գացին ու Ռափսակի խօսքերը անոր հաղորդեցին:

ԹԱԳԱԻՈՐԸ ԽՈՐՀՈՒՐԴ ԿԸ ՀԱՐՑՆԵ ԵՍԱՅԻԻ

(Եսայ. 37. 1-7)

19

Երբ Եզեկիա թագաւորը լսեց, իր հագուստները պատռեց, քուրծ հագաւ եւ **Տէրոց** տունը մտաւ: **2** Յետոյ Եղիակիմ արքունապետը, Սեբնա ատենադպիրն ու քահանաներուն երէցները, քուրծեր հագած, դրկեց Ամովսի որդիին՝ Եսայի մարգարէին: **3** Անոր ըսին. «Եզեկիա սա՛ կ'ըսէ. “Այսօր տագնապի, կշտամբանքի եւ անարգանքի օր է. արդարեւ “զաւակները մինչեւ բարգանդին բերանը” հասան, բայց ծնամելու ոյժ չկայ: **4** Թերեւս Տէրը՝ քու Աստուածդ՝ Ռափսակի բոլոր խօսքերը լսէ,— որ իր տէրը՝ Ասորեստանի թագաւորը՝ դրկեց ապրող Աստուածը նախատելու համար,— ու **Տէրը՝** քու Աստուածդ՝ **իր**

^հ **Կամ** իմ ձեռքէս

^ձ **Եբր.**՝ օրհնութի՛ն

^ո **Եբր.**՝ դուրս ելէք

^{ու} **Եբր.**՝ որդիները

^բ **Եբր.**՝ կոտրելու տեղը

ԹԱԳԱԻՈՐՆԵՐՈՒՆ Դ. ԳԻՐՁԸ

լսած խօսքերուն **համար** կշտամբէ: Ուրեմն դուն “գոյութիւն ունեցող” մնացորդին համար աղօթք բարձրացուրդ»: **5** Եզեկիա թագաւորին ծառաները եսայի գացին. **6** Եսայի ալ անոնց ըսաւ. «Զեր տիրոջ սա՛ ըսէք. “Տէրը սա՛ կը յայտարարէ. “Մի՛ վախնար քու լսած խօսքերէդ, որոնցմով Ասորեստանի թագաւորին սպասաւորները ինձի հայրոյեցին: **7** Ահա՛ ես անոր վրայ ոգի մը պիտի ողրկեմ, եւ լուր մը լսելով՝ իր երկիրը պիտի վերադառնայ. իր երկրին մէջ զայն սուրով պիտի զարնեմ”»:

ԱՍՈՐԵՏԱՆՑԻՆԵՐԸ ՈՒՐԻԾ ՍՊԱՌՆԱԼԻՉ ՄԸ ՂՐԿԵՆ (Եսայ. 37. 8-20)

8 Ուափսակ վերադարձաւ, եւ Ասորեստանի թագաւորը գտաւ՝ որ Լեբնայի դէմ կը պատերազմէր, որովհետեւ լսած էր թէ Լաքիսէն մեկներ է: **9** **ՍԵՅԵՔԵՐԻՄ** Եթովպիայի թարակա թագաւորին մասին լսեց թէ կ'ըսէին. «Ահա՛ ան քեզի դէմ պատերազմելու համար դուրս եկեր է»: Դարձեալ Եզեկիայի պատգամատորներ որկեց՝ ըսելով. **10** «Յուդայի Եզեկիա թագաւորին սա՛ ըսէք. “Չու Աստուածդ՝ որուն կը վստահիս, քեզ թող չհրապուրէ՛ ըսելով. “Երուսաղէմ Ասորեստանի թագաւորին ծեռքը պիտի չմատնուի”: **11** Ահա՛ դուն լսեցիր ինչ որ Ասորեստանի թագաւորները բոլոր երկիրներուն ըրին, ի՞նչպէս զանոնք աւերեցին. ուստի **միայն** դո՞ւն պիտի ազատիս: **12** Միթէ իմ հայրերուս կոտորած ազգերուն – Գովզանի, Խառանի, Ռեսեփի, եւ Թելասարի մէջ եղող Եղեմի որդիներուն – աստուածները զանոնք ազատեցի՞ն: **13** Ո՞ւր են Եմաթի թագաւորը, Արփաթի թագաւորը, ու Սեփարուիմ քաղաքին, Անայի եւ Աւայի թագաւորը»»:

14 Եզեկիա ^գնամակը պատգամատորներուն ծեռքէն առաւ եւ զայն կարդաց. ապա **Տէրոջ** տունը բարձրացաւ, ու Եզեկիա **Տէրոջ** առջեւ զայն ^բբացաւ: **15** Եզեկիա **Տէրոջ** առջեւ աղօթեց՝ ըսելով. «Ո՞վ **Տէր**, հսրայէլի՛ Աստուած, որ քերովքներու **վրայ** կը բազմիս, երկրի բոլոր թագաւորութիւններուն Աստուածը միայն դուն ես. երկինքն ու երկիրը դո՞ւն բաստեղծեցիր: **16** **Ո՞վ** **Տէր**, դարձո՞ւր ականջդ եւ լսէ՛. **ո՞վ** **Տէր**, բա՛ց աչքերդ ու նայէ՛, եւ լսէ՛ Սեյեքերիմի խօսքերը, որ դրկեց ապրող Աստուածը նախատելու համար: **17** **Ո՞վ** **Տէր**, Ասորեստանի թագաւորները ի՞րապէս ազգերն ու անոնց երկիրները աւերեցին **18** եւ անոնց աստուածները կրակի մատնեցին, որովհետեւ անոնք Աստուած չէին, հապա մարդու ծեռագործ էին, փայտ ու քար. ուստի զանոնք կորսնցուցին: **19** Ուստի հիմա կ'աղերսե՛մ, **ո՞վ** **Տէր**, մեր Աստուածը, ազատէ՛ մեզ անոր ծեռքէն, որպէսզի երկրի բոլոր թագաւորութիւնները գիտնան թէ միայն դո՞ւն, **ո՞վ** **Տէր**, Աստուած ես»:

ԵՍԱՅԻԻ ՊԱՏԳԱՄԸ ԹԱԳԱԻՈՐԻՆ (Եսայ. 37. 21-38)

^գ **Եբր.**՝ գտնուող

^դ **Եբր.**՝ տամ

^բ **Եբր.**՝ տապալեմ

^գ **Եբր.**՝ գրութիւնը

^է **Եբր.**՝ տարածեց

^լ **Եբր.**՝ ըրիր

20 Ամովսի որդին՝ Եսայի Եգեկիայի **մարդ** ղրկեց՝ ըսելով. «Տէրը՝ Իսրայէլի Աստուածը սա՛ կը յայտարարէ. «Ասորեստանի Սենեքերիմ թագաւորին մասին ինձի աղօթածու լսեցի:

21 Ահանասիկ անոր դէմ Տէրոց ըսած խօսքը.

«Սիոնի կոյս աղջիկը քեզ արհամարհեց, քեզ ծաղրեց.

Երուսաղէմի աղջիկը քու ետեւէդ գուլս շարժեց:

22 Դուն ո՞վ նախատեցիր, որո՞ւն հայհոյեցիր.

Որո՞ւն դէմ ծայնո բարձրացուցիր.

Իսրայէլի սուրբին դէմ աչքերդ վերցուցիր:

23 Տէրը նախատեցիր քու պատգամաւորներուդ ՝միջոցով, եւ ըսիր.

«Իմ ՚բազմաթիւ կառքերովս» լեռներուն բարձունքը ելայ,

Լիբանանի լանջերը.

Անոր յաղթահասակ մայրիները

Եւ ընտիր եղեւինները ՚պիտի կտրեմ»,

Ու ՚պիտի հասնիմ» անոր ծայրագոյն ՚բնակութիւնը,

Անոր ՚Կարմեղոսին անտառ:

24 Ես փորեցի, եւ օտար ջուրերը խմեցի.

Ոտքերուս ներբաններով ցամքեցուցի

՚պաշարուած տեղերուն» բոլոր գետերը»:

25 Միթէ լսած չե՞ս թէ ասիկա ե՞ս պատրաստեցի նախապէս,

Ե՞ս ՚ծրագրեցի վաղեմի օրերէն.

Հիմա իրագործեցի,

Որպէսզի դուն պարսպապատ քաղաքները աւերակի կոյտերու վերածես:

26 Ուստի անոնց բնակիչները ՚անզօր եղան,

Զարհուրեցան եւ ամշցան.

Անոնք դաշտի բոյսի **պէս**,

Կանաչ դալարի **պէս**,

Տանիքի խոտի **պէս**,

Հասուննալէն առաջ խորշակահար ցորենի **պէս** եղան:

27 Բայց ես քու նստիլդ, դուրս ելլելդ ու ներս մտնելդ գիտեմ,

¤ **Եբր.**՝ ձեռքով

¤ **Եբր.**՝ կառքերու կառքերովս

¤ **Կամ**՝ կտրեցի

¤ **Կամ**՝ հասայ

¤ **Եբր.**՝ իջեւանը

¤ **Կամ**՝ պտղաբեր արտին

¤ **Կամ**՝ Եգիպտոսի

¤ **Եբր.**՝ ձեւակերպեցի

¤ **Եբր.**՝ ձեռքը կարճ

- Նաեւ ինծի դէմ **ունեցած** մոլեգնութիւնդ:
- 28** Որովհետեւ ինծի դէմ **ունեցած** մոլեգնութիւնդ
Եւ քու անպատկառութիւնդ ականջներուս բարձրացան:
Ես ալ իմ օղակս քու քիթդ պիտի դնեմ,
Եւ իմ սանձս՝ քու շրթունքդ,
Ու քու եկած ճամբայէդ քեզ պիտի վերադարձնեմ:
- 29** Եւ սա՛ քեզի նշան **պիտի** ըլլայ.
Այս տարի ինքնիրմէ բուսածը պիտի ուտէք,
Երկրորդ տարին՝ ինկած հատերէն բուսածը,
Իսկ երրորդ տարին՝ սերմանեցէ՛ք ու հնձեցէ՛ք,
Այգիներ տնկեցէք եւ անոնց պտուղը կերէք:
- 30** Յուղայի տունէն ազատած մնացորդը՝
Վարէն արմատ պիտի նարձակէ,
Ու վերէն պտուղ պիտի տայ.
- 31** Արդարեւ Երուսաղէմէն մնացորդ մը պիտի ելլէ,
Ու Սիոն լեռնէն՝ ազատածներ.
Ասիկա զօրքերու **Տէրոց նախանձախնդրութիւնը** պիտի կատարէ:
- 32** Հետեւաբար Ասորեստանի թագաւորին մասին **Տէրը** սա՛ կը յայտարարէ.
«Ան այս քաղաքը պիտի չմտնէ
Անոր նետ պիտի չարձակէ,
Անոր առջեւ վահանով պիտի չգայ,
Անոր դէմ հողաբլուր պիտի չբարձրացնէ.
- 33** Իր եկած ճամբայէն պիտի վերադառնայ,
Եւ այս քաղաքը պիտի չմտնէ,— կը պատգամէ **Տէրը**:—
- 34** Այս քաղաքը պիտի պաշտպանեմ
Որ զայն ազատեմ իմ **անունիս** համար,
Ու իմ ծառայիս՝ Դաւիթի **սիրոյն** համար»՝**□**:
- 35** Այդ գիշերը՝ **Տէրոց հրեշտակը** դուրս ելաւ, եւ Ասորեստանցիներու բանակավայրին մէջ հարիւր ութսունինգ հազար **մարդ** զարկաւ. Երբ առտուն՝ կանուխ ելան, ահա՛ անոնք բոլորն ալ մեռած մարմիններ էին: **36** Ուստի Ասորեստանի Սենեքերիմ թագաւորը մեկնեցաւ. գնաց, Նինուէ վերադարձաւ եւ **հոն** մնաց: **37** Երբ իր աստուծոյն՝ Նեսրաքի տան մէջ կ'երկրպագէր, իր որդիները՝ Ադրամելէք ու Սարասար՝ զինք սուրով զարկին, եւ Արարատի երկիրը խոյս տուին: Անոր տեղ իր որդին՝ Ասորդան թագաւոր եղաւ:

ԵԶԵԿԻԱՅԻ ՀԻՒԱՆԴԱՆԱԼԸ ԵՒ ԿԱԶԴՈՒՐՈՒԽԸ

(Եսայ. 38. 1-8, 21-22: Բ. Մնաց. 32. 24-26)

20

Այդ օրերը Եգեկիա մահուան **աստիճան** հիւանդացաւ: Ամովսի որդին՝ Եսայի մարգարէն անոր եկաւ եւ անոր ըսաւ. «**Տէրը** սա՛ կը յայտարարէ. «Ընտանիքիդ պատուէ՛ր տուր, քանի դուն պիտի մեռնիս. **ալ** պիտի չապրիս»: **2** Ան ալ իր երեսը պատին դարձուց ու **Տէրոց աղօթեց**՝ ըսելով. **3** «Ո՞վ **Տէր**, կ'աղերսե՛մ, յիշէ՛ թէ ճշմարտութեամբ ու

¹ **Երը.**՝ առնէ

² **Երը.**՝ դիակներ

ԹԱԳԱԱԽՈՐՆԵՐՈՒՆ Դ. ԳԻՐՅԸ

կատարեալ սիրտով ընթացայ քու “առջեւդ, եւ զրի ինչ որ բեղի հաճելի” է»։ Ապա Եգեկիա դառնապէս լացաւ։

4 Եսայի տակալին միջին գալիթէն ելած չէր, երբ “Տէրը խօսեցաւ” անոր՝ ըսելով. 5 «Վերադարձի՛ր, ու իմ ժողովուրդիս առաջնորդին՝ Եգեկիայի ըսէ՛. “Տէրը, քու հօրդ՝ Դաւիթի Աստուածը, սա՛ կը յայտարարէ. ”Չու աղօթքդ լսեցի եւ արցունքներդ տեսայ. ահա՛ քեզ պիտի բուժեմ, ու երրորդ օրը Տէրոց տունը պիտի բարձրանաս։ 6 Չու օրերուդ վրայ տասնհինգ տարի պիտի աւելցնեմ. քեզ եւ այս քաղաքը Ասորեստանի թագաւորին ձեռքէն պիտի ազատեմ, ու այս քաղաքը պիտի պաշտպանեմ իմ **անունիս** համար, եւ իմ ծառայիս՝ Դաւիթի **սիրոյց** համար”[□]։ 7 Եսայի ըսաւ. «Շարո՛ց մը չոր թուզ առէք»։ Առին, պալարին վրայ դրին, եւ ան առողջացաւ։

8 Եգեկիա Եսայիի ըսաւ. «Ի՞նչ նշանով Տէրը զիս պիտի բուժէ, ու երրորդ օրը Տէրոց տունը պիտի բարձրանամ»։ 9 Եսայի ըսաւ. «Սա՛ նշանը պիտի ունենաս Տէրոցմէն, թէ Տէրը իր ըսած խօսքը պիտի իրագործէ. ստուերը տասը աստիճան **յառաջ** երթայ, թէ տասը աստիճան վերադառնայ»։ 10 Եգեկիա պատասխանեց. «Ստուերին տասը աստիճան երկարիլը եղիւրին է. ո՛չ, հապա ստուերը տասը աստիճան թող վերադառնայ»։ 11 Ուստի Եսայի մարգարէն Տէրոց գոշեց, եւ ան ստուերը տասը աստիճան վերադարձուց այն աստիճաններէն, որոնցմէ իշած էր Աքազի արեւի ժամացոյցին վրայ։

ԲԱՐԵԼՈՆԻ ՊԱՏԳԱՄԱԽՈՐՆԵՐԸ

(Եսայ. 39. 1-8)

12 Այդ ատեն Բաբելոնի թագաւորը, Բաղադանի որդին՝ “Մարովդաք-Բաղադան”, էնամակներ եւ ընծաներ որկեց Եգեկիայի, քանի որ Եգեկիայի հիւանդացած ըլլալը լսեր էր։ 13 Եգեկիա **անոնց մտիկ ըրաւ**, եւ ցուցուց իր թամկարժէք առարկաներուն ամբողջ քանձատունը – արծաթը, ոսկին, բուրաւէտ **համեմներց** ու **հոտաւէտ** իւղը –, իր հղինանոցը եւ ամէն ինչ որ իր գանձերուն մէջ կը գտնուէր։ Ոչինչ մնաց իր տան մէջ եւ իր ամբողջ տէրութեան մէջ, որ Եգեկիա անոնց չցուցուց։

^ա **Եբր.**՝ աչքերուդ

^բ **Եբր.**՝ աչքերուդ լաւ

^գ **Եբր.**՝ մեծ լացով

^դ **Եբր.**՝ Տէրոց խօսքը եղաւ

^ե **Եբր.**՝ թեթեւ

^ա **Եբր.**՝ Բարովդաք-Բաղադան

^բ **Եբր.**՝ գրութիւններ

^գ **Կամ**՝ անոնցմով ուրախացաւ

^դ **Եբր.**՝ տունը

^ե **Եբր.**՝ լաւորակ

^ի **Եբր.**՝ զէնքերուն տունը

ԹԱԳԱԻՈՐՆԵՐՈՒՆ Դ. ԳԻՐՅԸ

14 Եսայի մարգարէն Եզեկիա թագաւորին եկաւ եւ անոր ըսաւ. «Այդ մարդիկը ի՞նչ ըսին. ուրկէ՝ եկան քեզի»: Եզեկիա պատասխանեց. «Հեռաւոր տեղէ՝ Բաբելոնէն եկան»: **15** Ան ըսաւ. «Քու տանդ մէջ ի՞նչ տեսան»: Եզեկիա պատասխանեց. «Տանս մէջ ինչ որ կար՝ տեսան. գանձերուս մէջ ոչինչ՝ 'մնաց' որ անոնց չցուցուցի»: **16** Այն ատեն եսայի Եզեկիայի ըսաւ. «Տէրոց խօսքը մտի՛կ ըրէ. **17** “Ահա” օրերը կու գան, երբ ամէն ինչ որ տանդ մէջ կայ եւ ինչ որ քու հայրերդ մինչեւ այսօր կուտակած են՝ Բաբելոն պիտի տարուին. ոչինչ պիտի մնայ, – կը յայտարարէ Տէրը: – **18** Նաեւ որդիներէդ՝ որ քեզմէ պիտի ելլեն, որ դուն պիտի ծնանիս, պիտի բռնեն, եւ անոնք Բաբելոնի թագաւորին պալատին մէջ ներքինի պիտի ըլլան»: **19** Եզեկիա եսայի պատասխանեց. «Տէրոց խօսքը, որ դուն ըսիր, ^և նպաստաւոր է»: **Ի՞նքիրեն** կ'ըսէր. «**Նպաստաւոր** չէ՝, քանի որ իմ օրերուս մէջ խաղաղութիւն եւ չապահովութիւն պիտի ըլլայ»:

ԵԶԵԿԻԱՅԻ ԹԱԳԱԻՈՐՈՒԹԵԱՆ ՎԱԽՃԱՆԸ

(Բ. Մնաց. 32. 32-33)

20 Եզեկիայի մնացեալ արարքները, անոր բոլոր քաջութիւնները, շինած աւագանն ու ջրմուղը, եւ քաղաքին մէջ ջուր բերելը, ահա՝ Յուդայի թագաւորներուն ժամանակագրութեան գիրքին մէջ գրուած են: **21** Եզեկիա իր հայրերուն հետ քնացաւ, եւ անոր տեղ իր որդին՝ Մանասէ թագաւոր եղաւ:

ՅՈՒԴԱՅԻ ՄԱՆԱՍԷ ԹԱԳԱԻՈՐԸ

(Բ. Մնաց. 33. 1-20)

21

Մանասէ տասներկու տարեկան էր՝ երբ թագաւոր եղաւ, ու Երուսաղէմի մէջ յիսունինգ տարի թագաւորեց: Իր մօր անունը Էփսիփա էր: **2** Ան Տէրոց առջեւ չարիք գործեց, Իսրայէլի որդիներուն առջեւէն Տէրոց վտարած ազգերուն գարշութիւններուն համաձայն: **3** Իր հօր՝ Եզեկիայի կործանած բարձր տեղերը վերակառուցանեց, Բահաղի բագիններ կանգնեցուց, եւ Աստարովթի կուռք մը շինեց, ինչպէս Իսրայէլի Աքաաբ թագաւորը ըրեր էր: Երկինքի բոլոր զօրքերուն երկրպագեց ու զանոնք պաշտեց: **4** Նաեւ բագիններ կառուցանեց Տէրոց տան մէջ, որուն մասին Տէրը ըսեր էր. «Երուսաղէմի՝ մէջ պիտի դնեմ իմ անունս»: **5** Տէրոց տան երկու գաւիթներուն մէջ՝ Երկինքի բոլոր զօրքերուն բագիններ կառուցանեց: **6** Իր որդին կրակէ անցուց. կը գուշակէր, կը հմայէր, վհուկներ ու նշանագէտներ բունէր, **եւ** Տէրոց առջեւ շատ չարիք գործեց ու զայն գրգռեց: **7** Իր շինած Աստարովթի կուռքը այն տան մէջ դրաւ, որուն մասին Տէրը Դաւիթի եւ անոր որդիին՝ Սողոմոնի ըսեր էր. «Այս տան մէջ, ու Երուսաղէմի՝ մէջ – որ Իսրայէլի բոլոր տոհմերէն

¹ **Երը.**՝ կար

² **Երը.**՝ լաւ

³ **Երը.**՝ ճշմարտութիւն

⁴ **Երը.**՝ աչքերուն

⁵ **Երը.**՝ կ'ընէր

⁶ **Երը.**՝ քանդակուած պատկերը

ԹԱԳԱԻՈՐՆԵՐՈՒՆ Դ. ԳԻՐՅԸ

ընտրեցի – պիտի դնեմ իմ անունս յալիտեան: **8** Իսրայէլի ոտքը անգա՞մ մըն ալ պիտի շշարժեմ այն ՚երկրէն, որ անոնց հայրերուն տուի. միայն թէ անոնք իմ բոլոր պատուիրաններս եւ իմ ծառայիս՝ Մովսէսի անոնց պատուիրած ամբողջ Օրէնքը զգուշութեամբ գործադրեն»: **9** Բայց անոնք մտիկ չըրին, ու Մանասէ այնպէս մոլորեցուց գանոնք, որ իսրայէլի որդիներուն առջեւէն Տէրոջ բնացնջած ազգերէն աւելի չարիք գործեցին:

10 Տէրը իր ծառաներուն՝ մարգարէներուն ՚միջոցով խօսեցաւ, ըսելով. **11** «Զանի Յուդայի Մանասէ թագաւորը այս գարշութիւնները գործելով՝ իրմէ առաջ եղող Ամորհացիներուն բոլոր ըրածներէն աւելի չարիք գործեց, եւ իր չաստուածներով Յուդայի ալ մեղանչել տուաւ, **12** Տէրը՝ Իսրայէլի Աստուածը սա՛ կը յայտարարէ. “Ահա՛ ես Երուսաղէմի վրայ ու Յուդայի վրայ այնպիսի չարիք մը պիտի ղրկեմ, որ զայն լսող իւրաքանչիւրին երկու ականջը պիտի հնչէ: **13** Երուսաղէմի վրայ Աամարիայի լարը եւ Աքաաբի տան հարթաչափը պիտի քաշեմ. Երուսաղէմը պիտի սրբեմ, ինչպէս **մէկը** աման մը կը սրբէ ու սրբելէն ետք **գործէ**: **14** Իմ ժառանգութեանս մնացորդը **երեսէ** պիտի ծգեմ. զանոնք իրենց թշնամիներուն ձեռքը պիտի մատնեմ, եւ իրենց բոլոր թշնամիները զանոնք պիտի կողոպտեն ու յափշտակեն. **15** որովհետեւ իմ առջեւս չարիք գործեցին, եւ իրենց հայրերուն Եգիպտոսէն ելած օրէն մինչեւ այսօր զիս գրգռեցին»: **16** Նաեւ Մանասէ յոյժ շատ անմեղ արիւն թափեց, այնպէս որ Երուսաղէմը ծայրէ ծայր լեցուց, իր մեղքէն զատ՝ որով Յուդայի մեղանչել տուաւ, Տէրոջ առջեւ չարիք գործելով:

17 Մանասէի մնացեալ արարքները, անոր բոլոր ըրածները, եւ իր գործած մեղքը՝ ահա՛ Յուդայի թագաւորներուն ժամանակագրութեան գիրքին մէջ գրուած են: **18** Մանասէ իր հայրերուն հետ քնացաւ, եւ իր տան պարտէզին մէջ՝ Ոզայի պարտէզին մէջ թաղուեցաւ. անոր տեղ իր որդին՝ Ամոն թագաւոր եղաւ:

ՅՈՒԴԱՅԻ ԱՄՈՆ ԹԱԳԱԻՈՐԸ

(Բ. Մնաց. 33. 21-25)

19 Ամոն քսաներկու տարեկան էր՝ երբ թագաւոր եղաւ, ու Երուսաղէմի մէջ երկու տարի թագաւորեց: Իր մայրը Ետեքացի Արուսի աղջիկն էր՝ Մեսողոմիթ անունով: **20** Ան Տէրոջ առջեւ չարիք գործեց, ինչպէս իր հայրը՝ Մանասէ ըրեր էր: **21** Իր հօր ընթացած ամբողջ ճամբայէն ընթացաւ. իր հօր պաշտած չաստուածները պաշտեց, եւ անոնց երկրպագեց: **22** Տէրը՝ իր հայրերուն Աստուածը լքեց ու Տէրոջ ճամբայէն չընթացաւ:

23 Ամոնի ժառաները անոր դէմ դաւադրեցին, եւ թագաւորը իր տան մէջ մեոցուցին: **24** Իսկ երկրին ժողովուրդը Ամոն թագաւորին դէմ բոլոր դաւադրողները ՚մեոցուց: Ապա երկրին ժողովուրդը անոր որդին՝ Յովսիան իր տեղ թագաւոր հոչակեց:

25 Ամոնի կատարած մնացեալ արարքները՝ ահա՛ Յուդայի թագաւորներուն ժամանակագրութեան գիրքին մէջ գրուած են: **26** Զայն Ոզայի պարտէզը՝ իր գերեզմանին մէջ թաղեցին: Անոր տեղ իր որդին՝ Յովսիա թագաւոր եղաւ:

^a Երը.՝ հողէն

^b Երը.՝ ձեռքով

^c Երը.՝ երեսի վրայ կը դարձնէ

^d Երը.՝ զարկաւ

22

Յովսիա ութ տարեկան էր՝ երբ թագաւոր եղաւ, ու Երուսաղէմի մէջ երեսունմէկ տարի թագաւորեց: Իր մայրը Բազկաթացի Ադայիայի աղջիկն էր՝ Յեղիդա անունով: **2** Ան ըրաւ ինչ որ Տէրոց առօքեւ ուղիղ է. իր հօր՝ Դաւիթի ամբողջ ճամբայէն ընթացաւ, եւ անկէ դէպի աջ կամ ձախ չշեղեցաւ:

ՕՐԵՆՖԻՆ ԳԻՐՅԸ ԿԸ ԳՏՆՈՒԻ

(Բ. Մնաց. 34. 8-28)

3 Յովսիա թագաւորին տասնութերորդ տարին, թագաւորը Մեսուղամի որդիին՝ Եսելիայի որդին, Սափան ատենադպիրը Տէրոց տունը ղրկեց՝ ըսելով. **4** «Քեղկիա քահանայապետին գնա, եւ ան Տէրոց տունը բերուած դրամը – որ բդրան պահապանները ժողովուրդէն ժողվեցին – թող համրէ, **5** ու զայն գործակատարներուն – Տէրոց տան վերատեսուչներուն – ձեռքը թող յանձնեն, որպէսզի անոնք ալ վճարեն ճեղքերը նորոգելու համար Տէրոց տան մէջ գործող **6** հիւսներուն, կառուցանողներուն եւ որմնադիրներուն. Նաեւ փայտ ու կոփուած քարեր թող գնեն՝ տունը նորոգելու համար»: **7** Բայց անոնց ձեռքը յանձնուած դրամին հաշիւը չէին պահանջեր, քանի որ անոնք հաւատարմութեամբ կը վարուէին: **8** Քեղկիա քահանայապետը Սափան ատենադպիրին ըսաւ. «Տէրոց տան մէջ Օրէնքին գիրքը գտայ»: Քեղկիա **այդ** գիրքը Սափանի տուաւ. ան ալ զայն կարդաց: **9** Յետոյ Սափան ատենադպիրը թագաւորին եկաւ, թագաւորին լուր բերաւ, եւ ըսաւ. «Չու ծառաներդ տան մէջ գտնուած դրամը՝ հաւաքեցին ու գործակատարներուն – Տէրոց տան վերատեսուչներուն – ձեռքը յանձնեցին »: **10** Նաեւ Սափան ատենադպիրը թագաւորին ըսաւ. «Քեղկիա քահանան ինծի գիրք մը տուաւ», եւ Սափան զայն թագաւորին առջեւ կարդաց: **11** Երբ թագաւորը Օրէնքի գիրքին խօսքերը լսեց, իր հագուստները պատռեց: **12** Յետոյ թագաւորը Քեղկիա քահանային, Սափանի որդիին՝ Աքիկամի, Միքիայի որդիին՝ Աքոբորի, Սափան ատենադպիրին ու թագաւորին ծառային՝ Ասայիայի պատռիրեց. **13** «Գացէ՛ք, ինծի համար, ժողովուրդին համար եւ ամբողջ Յուդայի համար Տէրոց խորհուրդ հարցուցէ՛ք՝ այս գտնուած գիրքին խօսքերուն մասին. արդարեւ մեր վրայ Տէրոց մեծ ցասումը բորբոքեր է, որովհետեւ մեր հայրերը այս գիրքին խօսքերուն հնազանդած չեն, ու մեզի համար բոլոր գրուածները գործադրած չեն»:

14 Քեղկիա քահանան, Աքիկամ, Աքոբոր, Սափան եւ Ասայիա գացին Արասի որդիին՝ Թեկուայի որդիին՝ Սեղում հանդերձապետին կնոշ, Ողդա մարգարէուհիին: Ան Երուսաղէմ կը բնակէր, **15** Սափանի մէջ: Անոր հետ խօսեցան, **16** ան ալ ըսաւ իրենց. «Տէրը՝ հսրայէլի Աստուածը սա՛ կը յայտարարէ. “Զեզ ինծի ղրկող մարդուն սա՛ ըսէք. **16**

^ա Երբ.՝ աչքերուն^բ Երբ.՝ սեմին^գ Երբ.՝ թափեցին^դ Երբ.՝ պատմեց եւ ըսաւ^ե Այսիհքը Երկրորդ թաղամասին

ԹԱԳԱԻՈՐՆԵՐՈՒՆ Դ. ԳԻՐՅԸ

"Տէրը սա՛ կը յայտարարէ. «Ահա՛ ես այս տեղին եւ անոր բնակիչներուն վրայ չարիք պիտի բերեմ, **այսինքն՝** Յուդայի թագաւորին կարդացած գիրքին բոլոր խօսքերը: **17** Որովհետեւ զիս լրեցին եւ ուրիշ աստուածներու խունկ ծխեցին, որպէսզի իրենց ձեռքերուն բոլոր գործերով զիս գրգռեն. ուստի այս տեղին վրայ իմ ցասումս պիտի բորբոքի ու պիտի չմարի»": **18** Բայց Տէրոց խորհուրդ հարցնելու համար ձեզ դրկող Յուդայի թագաւորին սա՛ ըսէք. "Տէրը՝ Իսրայէլի Աստուածը սա՛ կը յայտարարէ. **19** «Քանի լսած խօսքերուդ համար քու սիրտդ կակուղցաւ, ու Տէրոց առջեւ խոնարհեցար՝ երբ լսեցիր իմ խօսքս,— թէ այս տեղին վրայ եւ անոր բնակիչներուն վրայ աւեր ու անէծք պիտի ըլլան,— եւ հագուստներդ պատուեցիր ու իմ առջեւս լացիր, ե՞ս ալ լսեցի»,— կը պատգամէ Տէրը": **20** Հետեւաբար ահա՛ ես քեզ հայրերուդ քով պիտի ամփոփեմ, ու խաղաղութեամբ քու գերեզմանիդ մէջ պիտի ամփոփուիս: Այս տեղին վրայ իմ բերելիք բոլոր չարիքներս քու աչքերդ պիտի չտեսնեն»: Անոնք ալ թագաւորին **այս** պատասխանը բերին:

ՅՈՎՍԻԱ ԿԸ ՀԵՌԱՅՆԷ ԿՈԱՊԱՇՏՈՒԹԻՒՆԸ

(Բ. Մնաց. 34. 3-7, 29-33)

23

Թագաւորը **մարդ** դրկեց, եւ Յուդայի ու Երուսաղէմի բոլոր երէցները իր քով հաւաքուեցան: **2** Թագաւորը Տէրոց տունը բարձրացաւ, եւ իրեն հետ՝ Յուդայի բոլոր մարդիկն ու Երուսաղէմի բոլոր բնակիչները.— քահանաները, մարգարէները, եւ ամբողջ ժողովուրդը՝ պղտիկէն մինչեւ մեծը. անոնց **“առջեւ կարդաց Տէրոց տան մէջ գտնուած Ուխտի գիրքին բոլոր խօսքերը”**: **3** Թագաւորը սիւնին քով կայնած էր, ու Տէրոց առջեւ ուխտ բրաւ, որ Տէրոց հետեւի՝ անոր պատուիրանները, վկայութիւններն ու կանոնները ամբողջ սիրտով եւ ամբողջ անձով պահելով, որպէսզի այդ գիրքին մէջ գրուած **“ուխտին խօսքերը գործադրէ”**: Ամբողջ ժողովուրդն ալ ուխտին **“հաւանութիւն տուաւ”**: **4** Թագաւորը Քեղկիա քահանայապետին, երկրորդ **կարգի** քահանաներուն ու **“դրան պահապաններուն պատուիրեց որ Տէրոց տաճարէն դուրս հանեն այն բոլոր առարկաները, որոնք Բահաղի համար, Աստարովթի համար, ու երկինքի բոլոր զօրքերուն համար շինուած էին: Զանոնք Երուսաղէմէն դուրս այրեց, Կեդրոնի մրգաստանին մէջ, եւ անոնց մոխիրը Բեթէլ տարաւ:** **5** Յուդայի թագաւորներուն կարգած քուրմերը **“հեռացուց, որոնք Յուդայի քաղաքներուն ու Երուսաղէմի շրջակայքին բարձր տեղերուն վրայ խունկ կը ծխէին, նաեւ Բահաղի, արեւին, լուսինին, համաստեղութիւններուն ու երկինքի բոլոր զօրքերուն խունկ**

^գ **Եբր.**՝ թուղցաւ

^ա **Եբր.**՝ ականջներուն

^բ **Եբր.**՝ կնքեց

^գ **Եբր.**՝ այդ ուխտին

^դ **Եբր.**՝ քով կայնեցաւ

^ե **Եբր.**՝ սեմին

^գ **Եբր.**՝ դադրեցուց

^է **Կամ** կենդանակամարին, **այսինքն՝** զողիակոսին

ԹԱԳԱԻՈՐՆԵՐՈՒՆ Դ. ԳԻՐՁԸ

ծխողները: 6 Աստարովթը Տէրոց տունէն դուրս հանեց, Երուսաղէմէն դուրս՝ Կեդրոնի ձորը տարաւ. զայն Կեդրոնի ձորին մէջ այրեց, մանրելով փոշիի վերածեց, եւ անոր փոշին ժողովուրդին որդիներուն գերեզմաններուն վրայ ցանեց: 7 Տէրոց տան մէջ գտնուող բիգացեալներուն տուները փլցուց, ուր կիները Աստարովթը Պվարագոյրներ կը հիւսէին: 8 Յուղայի քաղաքներէն բոլոր քահանաները Երուսաղէմ բերաւ, ու Գաբայէն մինչեւ Բերսարէ պղծեց այն բարձր տեղերը՝ ուր քահանաները խունկ ծխեր էին: Դոներուն բարձր տեղերն ալ փլցուց, որոնք կը գտնուէին քաղաքապետին՝ թեսուի դրան մուտքը, 9 ան քաղաքին՝ դրան ձախ կողմը: 9 Սակայն բարձր տեղերուն քահանաները՝ Երուսաղէմ եղող Տէրոց զոհասեղանը չէին բարձրանար, հապա իրենց եղբայրներուն մէջ բաղարջ կ'ուտէին: 10 Ենովմի որդիին ձորին մէջ եղող Տոփէթը պղծեց, որպէսզի ո՛չ մէկը իր որդին կամ աղջիկը կրակէ անցընէ՝ Մողոքի համար: 11 Նաեւ Տէրոց տան մուտքէն հեռացուց Յուղայի թագաւորներուն արեւին հնուիրած ծիերը, որոնք յարակից մասերուն՝ մէջ եղող Նաթանմելէք ներքինին սենեակին քով էին. իսկ արեւին կառքերը կրակով այրեց: 12 Թագաւորը փլցուց Աքազի վերնատան տանիքին վրայ Յուղայի թագաւորներուն շինած բագիններն ու Տէրոց տան երկու գաւիթներուն մէջ Մանասէի շինած բագինները. զանոնք անկէ հվերցուց, եւ անոնց փոշին Կեդրոնի ձորը նետեց: 13 Թագաւորը պղծեց Երուսաղէմի դիմաց, Ապականութեան լերան աջ կողմը, Խրայէլի Սողոմոն թագաւորին կառուցանած բարձր տեղերը՝ Սիդոնացիներուն պիղծ Աստարովթին համար, Մովարացիներուն պիղծ Քամովսին համար, եւ Ամմոնի որդիներուն պիղծ Մեղքողին համար. 14 արձանները կոտրտեց, աստարովթները կտրեց, ու անոնց տեղերը մարդու ուկորներով լեցուց:

15 Բեթէլի բագինն ալ,— որ կը գտնուէր Խրայէլի մեղանչել տուող Նարատեան Յերորվամի շինած բարձր տեղը,— այդ բագինն ու բարձր տեղը փլցուց. բարձր տեղը այրեց, մանրելով փոշիի վերածեց, եւ աստարովթը այրեց: 16 Ապա Յովսիա դարձաւ, ու հոն՝ լերան վրայ եղող գերեզմանները տեսաւ: Մարդ դրկեց, գերեզմաններուն մէցէն ուսկորները առաւ, եւ բագինին վրայ այրելով զայն պղծեց, Տէրոց խօսքին համաձայն, որ այս բանները ըստոյ մարդը բարձր ձայնով գոչեր էր: 17 Թագաւորը ըսաւ. «Ի՞նչ է այդ կոթողը՝ որ կը տեսնեմ»: Քաղաքին մարդիկը անոր ըսին. «Ատիկա Աստուծոյ մարդուն գերեզմանն է, որ Յուղայէն եկաւ ու Բեթէլի բագինին դէմ այս ըրած բաներդ ըսաւ»: 18 Թագաւորը ըսաւ. «Հանգի՞ստ ձգեցէք զայն. ո՛չ մէկը տեղէն թող շարժէ անոր

¤ Երը՝ վերապահուած մարդոց (այսինքն՝ կոապաշտական պոռնկութեան վերապահուած)

¤ Երը՝ տուներ

¤ Երը՝ դռնէն մտնող մէկու մը

¤ Երը՝ տուած

¤ Կամ՝ արուարձանին

¤ Երը՝ վազցուց

¤ Կամ՝ հողը

¤ Երը՝ գոչող

¤ Երը՝ գոչեց

ԹԱԳԱԻՈՐՆԵՐՈՒՆ Դ. ԳԻՐՅԸ

ոսկորները»: Ուստի անոր ոսկորները Սամարիայէն եկող մարգարէին ոսկորներուն հետ չզերծ պահեցին⁸: **19** Յովսիա Սամարիայի քաղաքներուն մէջ գտնուած բոլոր բարձր տեղերուն տուներն ալ հանեց, որոնք շինելով՝ հսրայէլի թագաւորները **Տէրը** գրգռեր էին. անոնց ալ ըրաւ Բեթէլի մէջ կատարած բոլոր գործերուն համաձայն: **20** Հոն գտնուած բարձր տեղերուն բոլոր քուրմերը բագիններուն վրայ զոհեց, եւ անոնց վրայ մարդու ոսկորներ այրեց. յետոյ երուսաղէմ վերադարձաւ:

ՅՈՎՍԻԱ ԿԸ ՏՕՆԷ ԶԱՏԻԿԸ (Բ. ՄԱՅ. 35. 1-19)

21 Թագաւորը ամբողջ ժողովուրդին պատուիրեց. «Տէրոց՝ ձեր Աստուծոյն Զատիկը կատարեցիք, ինչպէս այս Ուխտի գիրքին մէջ գրուած է»: **22** Ի՞րապէս այսպիսի Զատիկ կատարուած չէր հսրայէլը դատող դատաւորներուն օրերէն ի վեր, եւ հսրայէլի թագաւորներուն ու Յուդայի թագաւորներուն բոլոր օրերն ալ: **23** Բայց Յովսիա թագաւորին տասնութերորդ տարին **Տէրոց** այս Զատիկը կատարուեցաւ երուսաղէմի մէջ:

ՅՈՎՍԻԱ ԿԸ ՌԱՋԻԾ ՓՈՓՈԽՈՒԹԻՒՆՆԵՐ

24 Յովսիա նաեւ բնաշնջեց վհուկները, նշանագէտները, «ընտանեկան կուռքերն» ու շաստուածները, եւ Յուդայի երկրին մէջ ու երուսաղէմի մէջ տեսնուող բոլոր պղծութիւնները, որպէսզի գործադրէ Օրէնքին խօսքերը, որոնք գրուած էին **այս** գիրքին մէջ՝ որ Քեղկիա քահանան **Տէրոց** տունը գտեր էր: **25** Անկէ առաջ անոր նման թագաւոր մը եղած չէր, որ իր ամբողջ սիրտով, ամբողջ անձով եւ ամբողջ զօրութեամբ **Տէրոց** վերադառնար՝ Մովսէսի ամբողջ Օրէնքին համաձայն. ո՛չ ալ անկէ ետք անոր նմանը ելաւ: **26** Բայց **Տէրը** չկասեցուց իր մեծ բարկութեան բորբոքումը – որով իր բարկութիւնը բորբոքած էր Յուդայի դէմ –, այն բոլոր գրգռութիւններուն պատճառով, որոնցմով Մանասէ զինք գրգռեր էր: **27** **Տէրը** ըստ. «Յուդան ալ իմ ներկայութենէս պիտի հեռացնեմ, ինչպէս հսրայէլը հեռացուցի. պիտի մերժեմ այս քաղաքը – իմ ընտրած երուսաղէմս, եւ այս տունը՝ որուն մասին ըսի. “իմ անունս հոն պիտի ըլլայ□»:

ՅՈՎՍԻԱՅԻ ԹԱԳԱԻՈՐՈՒԹԵԱՆ ՎԱԽՃԱՆԸ (Բ. ՄԱՅ. 35. 20-36. 1)

28 Յովսիայի մնացեալ արարքներն ու անոր բոլոր ըրածները՝ ահա՝ Յուդայի թագաւորներուն ժամանակագրութեան գիրքին մէջ գրուած են:

29 Անոր օրերը, Եգիպտոսի թագաւորը՝ Փարաւոն Նեքաւով, Ասորեստանի թագաւորին դէմ բարձրացաւ՝ դէպի Եփրատ գետը: Յովսիա թագաւորը անոր հանդիպելու գնաց. Երբ ան **Յովսիան** տեսաւ, զինք մեոցուց՝ Մակեդոնովի մէջ: **30** Անոր ծառաները՝ իր մարմինը կառքով Մակեդոնովէն փոխադրեցին, « Երուսաղէմ բերին, ու զայն իր գերեզմանին մէջ թաղեցին: Երկրին ժողովուրդը Յովսիայի որդիին՝ Յովաքազը առաւ, զայն օծեց եւ իր հօր

⁸ **Եբր.**՝ ազատեցին

⁹ **Եբր.**՝ թերափիմներն

¹⁰ **Եբր.**՝ զինք՝ մեռած՝ կառք նստեցուցին, Մակեդոնովէն

Մեղադիք հոչակեց:

ՅՈՒՂԱՅԻ ՅՈՎԱՅՔ ԹԱԳԱԻՈՐԸ
(Բ. Մնաց. 36. 2-4)

31 Յովայք քսաներեք տարեկան էր՝ երբ թագաւոր եղաւ, ու Երուսաղէմի մէջ երեք ամիս թագաւորեց: Իր մայրը Լեբնացի Երեմիայի աղջիկն էր՝ Ամիտաղ անունով: **32** Ան Տէրոց առջեւ չարիք գործեց, իր հայրերուն բոլոր ըրածներուն համաձայն: **33** Փարաւոն Նեքաւով զինք Եմաթի Երկիրը՝ Ռեբղայի մէջ բանտարկեց, որպէսզի Երուսաղէմի մէջ չթագաւորէ, ու Երկրին վրայ տուգանք դրաւ՝ հարիւր տաղանդ արծաթ եւ մէկ տաղանդ ոսկի: **34** Փարաւոն Նեքաւով Յովսիայի որդին՝ Եղիակիմը թագաւոր հոչակեց անոր հօր՝ Յովսիայի տեղ, եւ անոր անունը Յովակիմի փոխեց: Իսկ Յովայքը բռնեց. ան Եգիպտոս գնաց, ու հոն մեռաւ:

ՅՈՒՂԱՅԻ ՅՈՎԱԿԻՄ ԹԱԳԱԻՈՐԸ
(Բ. Մնաց. 36. 5-8)

35 Յովակիմ **այդ** արծաթն ու ոսկին Փարաւոնի տուաւ. բայց Երկրին վրայ հարկ դրաւ, դրամը տալու համար՝ Փարաւոնի՝ հրամանին համաձայն: Երկրի ժողովուրդէն արծաթն ու ոսկին պահանջեց, ամէն մէկուն վրայ դրուած հարկին համեմատ, որպէսզի Փարաւոն Նեքաւովի տայ:

36 Յովակիմ քսանհինգ տարեկան էր՝ երբ թագաւոր եղաւ, ու Երուսաղէմի մէջ տասնմէկ տարի թագաւորեց: Իր մայրը Ռումացի Փաղայիայի աղջիկն էր՝ Զարիդա անունով: **37** Ան Տէրոց առջեւ չարիք գործեց, իր հայրերուն բոլոր ըրածներուն համաձայն:

24

Անոր օրերը Բաբելոնի Նաբուգոդոնոսոր թագաւորը **“արշաւեց**, ու Յովակիմ երեք տարի անոր հպատակեցաւ. **յետոյ** ^բդադրեցաւ եւ անոր դէմ ըմբոստացաւ: **2** Տէրը անոր դէմ Զարիդացիներուն գունդերը, Ասորիներուն գունդերը, Մովաբացիներուն գունդերն ու Ամմոնի որդիներուն գունդերը դրկեց: Զանոնք Յուդայի դէմ դրկեց, որպէսզի զայն կործանէ Տէրոց խօսքին համաձայն, որ իր ծառաներուն՝ մարգարէներուն **“միջոցով** ըսեր էր: **3** Անտարակոյս ասիկա Տէրոց հրամանով **“պատահեցաւ Յուդայի**, որպէսզի **զայն** իր ներկայութենէն հեռացնէ՝ Մանասէի մեղքերուն համար, իր բոլոր ըրածներուն համեմատ. **4** Անաւ անոր թափած անմեղ արիւնին համար, քանի որ Երուսաղէմը անմեղ արիւնով լեցուցեր էր. ուստի Տէրը չուզեց **անոր ներել**:

^Ա **Երը.**՝ աչքերուն

^Հ **Երը.**՝ բերանին

^Ա **Երը.**՝ բարձրացաւ

^Բ **Երը.**՝ դարձաւ

^Գ **Երը.**՝ ծեռքով

^Դ **Երը.**՝ եղաւ

ԹԱԳԱԻՈՐՆԵՐՈՒՆ Դ. ԳԻՐՅԸ

5 Յովակիմի մնացեալ արարքներն ու անոր բոլոր ըրածները՝ ահա՛ Յուդայի թագաւորներուն ժամանակագրութեան գիրքին մէջ գրուած են: **6** Յովակիմ իր հայրերուն հետ քնացաւ, եւ անոր տեղ իր որդի՛ Յովաքին թագաւոր եղաւ:

7 Եգիպտոսի թագաւորը անկէ ետք անգա՞մ մըն ալ իր երկրէն չելաւ, քանի որ Բաբելոնի թագաւորը Եգիպտոսի թագաւորին ամբողջ ունեցածը գրաւեր էր՝ Եգիպտոսի վտակէն մինչեւ Եփրատ գետը:

ՅՈՒԴԱՅԻ ՅՈՎԱՔԻՆ ԹԱԳԱԻՈՐԸ

(Բ. Մնաց. 36. 9-10)

8 Յովաքին տասնութ տարեկան էր՝ երբ թագաւոր եղաւ, ու Երուսաղէմի մէջ երեք ամիս թագաւորեց: Իր մայրը Երուսաղէմացի Եղնաթանի աղջիկն էր՝ Նեհուսթա անունով:

9 ԱԱ Տէրոց առջեւ չարիք գործեց՝ իր հօր բոլոր ըրածներուն համաձայն:

10 Այդ ատեն՝ Բաբելոնի Նաբուգոդոնոսոր թագաւորին ծառաները Երուսաղէմի դէմ արշաւեցին, ու քաղաքը պաշարուեցաւ: **11** Բաբելոնի Նաբուգոդոնոսոր թագաւորը քաղաքին առջեւ հասաւ, մինչ իր ծառաները զայն պաշարած էին: **12** Յուդայի թագաւորը՝ Յովաքին Բաբելոնի թագաւորին կյանձնուեցաւ, ինք, իր մայրը, իր ծառաները, իշխանաւորներն ու պալատականները: Բաբելոնի թագաւորը՝ իր թագաւորութեան ութերորդ տարին զայն բռնեց: **13** Տէրոց տան բոլոր գանձերն ու թագաւորին տան գանձերը անկէ ստարաւ, եւ կոտրտեց այն բոլոր ոսկիէ առարկաները, որ հսրայէլի Սողոմոն թագաւորը Տէրոց տաճարին համար շիներ էր, ինչպէս Տէրը ըսեր էր: **14** Ամբողջ Երուսաղէմը – բոլոր իշխանաւորները, բոլոր զօրաւոր կտրիճները, տասը հազար տարագիր, նաեւ բոլոր հիւսներն ու դարբինները – տարագրեց: Երկրին չքաւոր ժողովուրդէն զատ ո՛չ մէկը մնաց: **15** Յովաքինը Բաբելոն տարագրեց, նաեւ թագաւորին մայրը, թագաւորին կինները, անոր պալատականներն ու երկրին զօրաւորները. **զանոնք** Երուսաղէմէն Բաբելոն տարագրութեան տարաւ: **16** Բոլոր կտրիճ մարդիկը՝ եօթը հազար մարդ, հազար հիւսն եւ դարբին, բոլորն ալ զօրաւոր պատերազմողներ, Բաբելոնի թագաւորը Բաբելոն տարագրութեան տարաւ: **17** Բաբելոնի թագաւորը՝ Յովաքինի տեղ իր հօրեղբայրը՝ Մաթանիան թագաւոր հոչակեց, եւ անոր անունը Սեղեկիայի փոխսեց:

ՅՈՒԴԱՅԻ ՍԵՂԵԿԻՍ ԹԱԳԱԻՈՐԸ

(Բ. Մնաց. 36. 11-12: Երեմ. 52. 1-3ա)

18 Սեղեկիա քսանմէկ տարեկան էր՝ երբ թագաւոր եղաւ, ու Երուսաղէմի մէջ տասնմէկ տարի թագաւորեց: Իր մայրը Լեբնացի Երեմիայի աղջիկն էր՝ Ամիտաղ անունով: **19** ԱԱ

^բ Կամ՝ Յեքոնիա

^գ Եբր.՝ աչքերուն

^հ Եբր.՝ դուրս ելաւ

^լ Եբր.՝ դուրս հանեց

^բ Եբր.՝ զանոնք Բաբելոն

^ժ Եբր.՝ անոր

ԹԱԳԱԻՈՐՆԵՐՈՒՆ Դ. ԳԻՐՁԸ

Տէրոց առջեւ չարիք գործեց, Յովակիմի բոլոր ըրածներուն համաձայն: **20** Սեղեկիա Բաբելոնի թագաւորին դէմ ըմբոստացաւ, քանի որ Տէրոց բարկութիւնը երուսաղէմի եւ Յուդայի դէմ էր, մինչեւ որ զանոնք իր ներկայութենէն վտարեց:

ԵՐՈՒՍԱՂԷՄԻ ԱՆԿՈՒՄԸ

(Բ. ՄԱԿ. 36. 13-21: ԵՐԵՄ. 52. 3Բ-11)

25

“Սեղեկիայի թագաւորութեան իններորդ տարուան տասներորդ ամիսը, ամսուան տասներորդ **օրը**, Բաբելոնի Նաբուգոդոնոսոր թագաւորը իր բոլոր զօրագունդերով երուսաղէմի առջեւ հասաւ: Անոր դիմաց բանակեցաւ, եւ անոր դէմ բոլորաձեւ մարտկոցներ կառուցանեց. **2** մինչեւ Սեղեկիա թագաւորին տասնմէկերորդ տարին՝ քաղաքը պաշարուեցաւ: **3** Չորրորդ ամսուան իննին՝ քաղաքին մէջ սովը սաստկացաւ, ու երկրին ժողովուրդը հաց չունէր: **4** Քաղաքին **պարիսապը** ճեղքուեցաւ, եւ գիշերուան մէջ՝ բոլոր պատերազմիկները թագաւորին պարտէզին քով եղող երկու պարիսպներուն մէջտեղի դրան ճամբայէն **փախան**, մինչ Քաղդէացիները քաղաքը շրջապատած էին: **Թագաւորը** դաշտին ճամբայէն գնաց: **5** Քաղդէացիներուն զօրագունդերը թագաւորը հետապնդեցին. Երիքովի դաշտերուն մէջ անոր հասան, եւ անոր բոլոր զօրագունդերը իր քովէն ցրուեցան: **6** Թագաւորը բռնեցին, զայն Ռեբոյա բարձրացուցին՝ Բաբելոնի թագաւորին քով, եւ անոր դատավճիռը արձակեցին: **7** Սեղեկիայի որդիները իր աչքերուն առջեւ մորթեցին, Սեղեկիայի աչքերը կուրցուցին, զինք պղինձէ **շղթաներով** կապեցին ու Բաբելոն տարին:

ՏԱՃԱՐԻՆ ԿՈՐԾԱՆՈՒՄԸ

(ԵՐԵՄ. 52. 12-33)

8 Բաբելոնի թագաւորին – Նաբուգոդոնոսոր թագաւորին – տասնիններորդ տարուան հինգերորդ ամիսը, ամսուան եօթներորդ **օրը**, Բաբելոնի թագաւորին ծառան՝ Նաբուգարդան թիկնապահապետը երուսաղէմ մտաւ. **9** Տէրոց տունը, թագաւորին տունը, ու երուսաղէմի բոլոր տուները այրեց. բոլոր մեծ **մարդոց** տուները կրակով այրեց: **10** Թիկնապահապետին հետ եղող Քաղդէացիներուն բոլոր զօրագունդերը երուսաղէմը շրջապատող պարիսպները փլցուցին: **11** Նաբուգարդան թիկնապահապետը տարագրեց ժողովուրդին մնացորդը՝ որ **տակալին** քաղաքին մէջ **Կը բնակէր**”, Բաբելոնի թագաւորին “կողմը անցած” ողասալիքները, եւ մնացած բազմութիւնը: **12** Սակայն թիկնապահապետը երկրին չքաւորներէն **մաս մը թողուց**՝ որ այգեգործներ ու երկրագործներ ըլլան:

13 Քաղդէացիները Տէրոց տան մէջ եղող պղինձէ սիւներն ու **մեքենովթները**, նաեւ Տէրոց տան մէջ եղող պղինձէ ծովը կոտրտեցին, եւ անոնց պղինձը Բաբելոն

^ա **Երբ.**՝ Անոր

^բ **Երբ.**՝ մնացած էր

^գ **Երբ.**՝ քով ինկած

^դ **Երբ.**՝ ինկողները

^ե **Այսիհքը**՝ խարիսխները, **կամ** խարսխածեւ պատուանդանները

ԹԱԳԱԻՈՐՆԵՐՈՒՆ Դ. ԳԻՐՁԸ

փոխադրեցին: **14** Կաթսաները, թիակները, բազմակալներն ու խնկամանները գրաւեցին, նաև պաշտօն կատարելու համար գործածուած բոլոր պղինձէ անօթները: **15** Թիկնապահապետը “ոսկիէ եւ արծաթէ կրակարաններն ու կոնքերը գրաւեց”. **16** **Աաեւ** Տէրոց տան համար Սողոմոնի շինած երկու սիւները, մէկ ծովն ու մեքենովթները: Այս բոլոր առարկաններուն պղինձը կշիռ չունէր: **17** Մէկ սիւնին բարձրութիւնը տասնութ կանգուն էր, եւ անոր վրայ պղինձէ խոյակ մը կար: Խոյակին բարձրութիւնը երեք կանգուն էր. խոյակին վրայ բոլորածեւ ցանցակերպ զարդ մը եւ նուռեր կային, բոլորն ալ պղինձէ. միւս սիւնն ալ ցանցակերպ զարդ ունէր:

ՅՈՒՂԱՅԻ ԲՆԱԿԻՉՆԵՐԸ ԿԸ ՏԱՐԱԳՐՈՒԻՆ ԲԱԲԵԼՈՆ

(Երեմ. 52. 24-27)

18 Թիկնապահապետը աւագ քահանան՝ Սարայիան, երկրորդ քահանան՝ Սոփոնիան, ու երեք հրան պահապանները բոնեց: **19** Քաղաքէն բոնեց պալատական մը՝ որ պատերազմիկներուն զօրագլուխն էր, նաև թագաւորին սապասարկուներէն՝ հինգ մարդ՝ որ քաղաքին մէջ գտնուեցաւ, զօրքին ատենադպրապետը՝ որ երկրին ժողովուրդը կը զինուորագրէր, ու երկրին ժողովուրդէն վաթսուն մարդ՝ որ քաղաքին մէջ գտնուեցաւ: **20** Նաբուզարդան թիկնապահապետը զանոնք բոնեց, եւ Ռեբղա տարաւ՝ Բաբելոնի թագաւորին: **21** Բաբելոնի թագաւորը զանոնք զարկաւ, ու Եմաթի երկրին՝ Ռեբղայի մէջ զանոնք մեղոցուց: Այսպէս՝ Յուդա իր երկրէն տարագրուեցաւ:

ԳՈՂՈՂԻԱ՝ ՅՈՒՂԱՅԻ ՎԵՐԱՏԵՍՈՒԶ

(Երեմ. 40. 7-9: 41. 1-3)

22 Իսկ Յուդայի երկրին մէջ մնացած ժողովուրդին վրայ, որ Բաբելոնի Նաբուզարդոսոր թագաւորը **հոհ** թողուցած էր, Սափանեան Աքիկամի որդին՝ Գոդողիան՝ վերատեսուչ նշանակեց^a:

23 Երբ բոլոր զօրապետները – թէ՛ իրենք, թէ՛ իրենց մարդիկը – լսեցին թէ Բաբելոնի թագաւորը Գոդողիան վերատեսուչ նշանակեր է, Սափան եկան՝ Գոդողիայի քով, այսինքն Նաթանիայի որդին՝ Իսմայէլ, Կարէի որդին՝ Յոհանան, Թանհումէթի որդին՝ Նետոփաթացի Սարայիա, ու Մաքաթիի որդին՝ Յեզոնիա – թէ՛ իրենք, թէ՛ իրենց մարդիկը: **24** Գոդողիա անոնց եւ իրենց մարդոց երդում ըրաւ, ու անոնց ըսաւ. «Քաղդէացիներու ծառայելէն մի՛ վախնաք. **այս** երկրին մէջ բնակեցէք եւ Բաբելոնի թագաւորին ծառայեցէք, ու գոհ պիտի ըլլաք»:

^a **Կամ**՝ կրակարաններն ու կոնքերը գրաւեց, ինչ որ ոսկիէ էր՝ **իբր** ոսկի, եւ ինչ որ արծաթէ էր՝ **իբր** արծաթ

^b **Եբր.**՝ սեմին

^c **Եբր.**՝ Երեսը տեսնողներէն

^d **Եբր.**՝ հողէն

^e **Եբր.**՝ նշանակեց անոնց վրայ

^f **Կամ**՝ ծառաներէն

^g **Եբր.**՝ լաւ

ԹԱԳԱԻՈՐՆԵՐՈՒՆ Դ. ԳԻՐՁԸ

25 Եօթներորդ ամիսը, թագաւորական զարմէն եղող Եղիսամայի որդիին՝ Նաթանիայի որդին՝ Իսմայէլ, տասը մարդով եկաւ, եւ Գոդողիան զարկին (ու մեռաւ), նոյնպէս ալ անոր հետ Մասփա եղող Հրեաներն ու Քաղէացիները: **26** Ապա ամբողջ ժողովուրդը, պատիկէն մինչեւ մեծը, նաեւ զօրապետները, կանգնեցան ու Եգիպտոս գացին, քանի որ Քաղէացիներէն կը վախնային:

ՅՈՎԱՅԻՆ ԿԸ ՎԵՐԱԴԱՌՆԱՅ ՏԱՐԱԳՐՈՒԹԵՆԵՆ

(Երեմ. 52. 31-34)

27 Յուղայի Յովաքին թագաւորին տարագրութեան երեսունեօթներորդ տարին, տասներկրորդ ամսուան քսանեօթներորդ **օրը**, Բաբելոնի Եղմարովդաք թագաւորը՝ իր թագաւոր եղած տարին՝ Յուղայի Յովաքին թագաւորին գլուխը բարձրացուց, **ու զայն** բանտէն **հաճեց**: **28** Անոր հետ ^և քաղցրութեամբ խօսեցաւ, եւ անոր գահը Բաբելոնի մէջ իրեն հետ եղող թագաւորներուն գահէն վեր դրաւ: **29** Անոր բանտի հագուստները փոխեց, ու ան իր կեանքին բոլոր օրերուն մէջ շարունակ անոր ^ծհետ հաց կերաւ: **30** Անոր ոռճիկը մշտատեւ ոռճիկ ըլլալով, օրական քանակը ամէն օր թագաւորէն իրեն տրուեցաւ՝ իր կեանքին բոլոր օրերուն մէջ:

^և **Երը.**՝ բարութեամբ

^ծ **Երը.**՝ առջեւ